

ઢોલ

આદિવાસી બોલીનું સામયિક



કુંકણા

અંક ૩ : માર્ચ ૧૯૯૯

ઢોલ

આદિવાસી બોલીનું સામયિક

મુખ્ય સંપાદક : અરુણા જોશી

કુંકણા આવૃત્તિના સંપાદક : ડાહ્યાભાઈ વાઢુ, ઘીરુભાઈ પટેલ

ભાષા સંશોધન-પ્રકાશન કેન્દ્ર

ढोल : आदलवासल ढोललगुं सलडलक

कुंकललल : अंक ३ : डलरुथ १ॢॢॢ

डुरकलशलक

ललषल संशलधन-डुरकलशन केंद्र

ॡ, युनलदुटेड अेडनुडु, दलनेशल डलल डलसे,

डडुदलरल- ३ॢ० ००ॡ

डुद्रक

शलडडु ऑकुसेट

आखडल रूड, डडुदलरल-३ॢ० ००१

डुडडुषुठ छलडलडलतुर

खडुतल लदु

गलंहुतल गलडनल कलकलरूअे ललकडलडलंथल डनलडेल शललुडकृतल

गुरलकुलस

अेन.आदु.डी. नल वलधलरुथल

डूलुड

डुरतल अंक ३ल.ॢड/- (+ ३ल.ड, खडलं ख३रू हुूड तुडलं, टडललडरुथ डलटे)

डलरुषलक लडलखड ३ल.ड०/- (टडललडरुथसह डुरतलडरुष डे अंकु डलटे)

लडलखड संडरुकु

ललषल संशलधन-डुरकलशन केंद्र, ॡ, युनलदुटेड अेडनुडु, दलनेशल डलल डलसे, डडुदलरल- ३ॢ० ००ॡ

शुरी. डलहुलललदु वलदु, सेटे लैंक ऑकु दलनुडल, आहलल डुरलनुड, आहलल, खल. डलंग

शुरी. धलरुललदुडटेल, खे.अेड.शलह आर्टसु अेनुड कुडरुस कुलेख, खंलुसर-३ॢॢ १ड० खल. ल३ड



અનુક્રમણિકા

- અક્ષર માંડતાં .. ૧
- ભાષા કેન્દ્ર .. ગણેશ દેવી ૪
- ઇતિહાસમાં આદિવાસી .. લાલુભાઈ વસાવા ૬
- ભીલ આદિવાસીના તેજસ્વી ઇતિહાસ .. ચામુલાલ રાઠવા ૧૪
- ચોપડાં કુનાંનાં ? .. ગણેશ દેવી ૧૯
- એક આદિવાસી શિક્ષકનાં આત્મકથન .. સુભાષ પાવરા ૨૨
- ડોંગોરદેવ-માવલી .. શિવરામભાઈ ગાવિત ૨૪
- ડોંગોરદેવ માવલીની કથા .. ડાહ્યાભાઈ વાઢુ ૨૮
- ડોંગોરની રાણીનાં લર્ગીન .. સંપતભાઈ વાઢુ ૩૦
- તેરા શન (ઉત્સવ) .. ધીરુભાઈ પટેલ ૩૨

- કનસરી .. દેવાંગ વાઢુ ૩૩
- ‘વિમુક્ત જનજાતિ’ કાય આહા ? .. ગણેશ દેવી ૩૫
- વન, વનસી હન આપણે .. ડાહ્યાભાઈ વાઢુ ૩૭
- છુટાછેડા- એક મોઢી સમસ્યા .. અભિમાની ૪૩
- બહેનોસાઢી .. નીરૂ ૪૫
- મોહનાં નીંગેલી પાનેંલા .. ઘીરુભાઈ પટેલ ૪૭
- પ્રતિભાવ .. ૫૧

અક્ષર માંડતાં...

દેહવાલીમાં એક સુંદરમજાનાં ગાનાં આહા. દેહવાલી ઢોલના સંપાદક શ્રી ચાંમુલાલ રાઠવાને મોઢે તીં ખુહુંવાર આચકેલ આહા. ઢોલને પહેલે અંકમાં તીં ગાનાં આમું દીધેલઆહા. તેનાં શબ્દ આહાત. -

શુર આમું, મદ આમું, ધર્મી આમું ભીલ;
વનના ખરા રાજ આમું, આમું વાધુ ખીલ;
ખરા ધર્મી આમું ભીલ.

ઈ ગાનાં જુલાં ભીલ માટે આહા તુલાંજ આપલે માટે પણ મહત્વનાં આહા. એ ધરતી વર પહેલાં માત્ર આતાં જેહલા આદિવાસી સાંગાય જહ તે રહ તાત. આદિવાસીના અર્થ જ પહેલા હુંગ રહનાર ઈશા હુયે હે. માનનિય વડા પ્રધાન શ્રી અટલ બિહારી વાજપાઈનીં આપણા માટે ‘અનાદિ-વાસી’ શબ્દ વાપરેલ આહા.

‘ઢોલ’ ને પહેલેજ અંકમાં - ‘આપલાં વડલાં અસુર હતાં ?’ ઈશા સવાલ મંઈ માડેલ હતા. અનેક વડીલ- લોકનીં ખૂબજ સરસ માહિતીની ચર્ચા પણ વખતો વખત કીયેલ હતી. સૌથી વધારે ભાર રામકથામાં જેના વાનર તરીકે ઉલ્લેખ યેહે તે માટેના હતા. વાનરના અર્થ લોક વાંદોર કરતા હાત. - પણ વાનર માનુષની એક જાતનાં નાંવ જ હવાં. વનમાં રહનારા નર - વનનર. કારણ હનુમાન, વાલી, સુગ્રીવ, નીલ, જમ્ખવાન, અંગદ વગેરે વનનર નેતા પરાક્રમી હન શુરવીર હતાત. રામ પણ જેના માટે આખે - કા ‘જેનીં ઋગ્વેદ, યજુર્વેદ, હન સામવેદના અભ્યાસ નીં કીયેલ હવા તો ઈસી ભાષા ખોલી જ નીં શકે.’ તેહની ભાષામાં રામલા વેદના સંસ્કાર હન વ્યાકરણની શુદ્ધિ દેખાય જહતી. હવે વાનર ની જગ્યાએ વનનર શબ્દ ધવીને રામકથા વિચારી હેરજા, નવાજ અર્થ જડીલ. રામ ત રાજપદની લડાઈમાં પદવંચિત રાજકુમાર હતા. રાજખટપટથી દુર તેલા જંગલમાં પાડવી દેવામાં આનેલ. રાજકુમાર રામની ખાચકો સીતાલા સવણ લી પોળનેલ તાહાં કોઈ રાજા લોક રામની મદદે નીં આનેલ. ભરત કા જનક પણ નીં - પણ એની મદદ કરુલા વનવાસી વનનર આનેલ હન તેહીં સમુંદરમાં પાળ ખાંધી હન લંકાની વાટ ખનવી ને સીતા છોડાવેલ. વનનર કા વાનર, નાગ જુસી આદિવાસી જાતી જહતી. એ રીતે હેરતાં રામ - કથામાં આદિવાસીનાં ખારાં મહત્વ આહા-પણ આજ પણ તેલા કુંની નીં માન. - કારણ કા લિખિતરૂપમાં ત વાનર જ આહા. - હન વાનર એટલે વાંદોર ઈશાજ અર્થ કાહાડવામાં યેહે.

“આપલા ઈતિહાસ આપલેજ લિખુલા પડીલ” - વિકસિત સમાજનીં ત આપલા અસ્થિત્વ જ નકારેલ આહા. - ઈસી એક ચળવળ થોડા સમયથી મહારાષ્ટ્રના અમુક ભાગમાં ચાલનેલ, ચાલે હે. આપલા ઈતિહાસ લખાયેલ શબ્દોમાં નીં પણ, ખોલાતા શબ્દમાં જીવંત અવસ્થામાં આહા. આપણી કથા, આપણાં ગાનાં, આપણી

લાવણી ઈ જ આપણાં ઇતિહાસનાં સાધન આહા.

આપણી ભાષાની કનસરીની કથા તુંમી આવડેલ જ હવી. કનસરીની કથામાં પુરાણના પાંચી વિષય આહાત. યે કથામાં દ્રારકા, ધવળી વીહીર, સિંગળદીપી (સિંહલ દ્વીપ) જુસા શબ્દ પણ ચેતા હાત. ધવળી વીહીરની સન્યાદેવડીનાં લગીન સિંગળદીપી કરવામાં ચેહે. ધોળાવીરા હન દ્રારકા ચેં દોન સ્થળ બુહું જુનાં આહાત. ધોળાવીરાનાં ખોદકામ ત આતાં હુઈનાં, હન દુસરે લોકાલા તે ધોળાવીરાની આતાં ખખર પડ હ. પણ કુંકલા ભાષામાં ત ચેં નાવાં બુહું જુના વખતથી લેવાયજત. દ્રારકાની આજુબાજુ અષ્ટમંડળ, કા સતા હતી તીસાં ઇતિહાસમાં ચેહે. આપણી કથામાં દ્રારકાની ફીરતે આઠ કોટ રચી દ્રારકામા કનસરી દપનેલ ઈસાં સાંગાય જહ. મૌખિક પરંપરા હન ઇતિહાસ લગોલગ હારીં હારીંજ ચાલે હે. તી નવાઈ લાગ તીસી ગોટ આહા.

ઇતિહાસમાં જેની ઓછી નોંધ લેવાયનેલ આહાત તીસા આદિવાસી ક્રાંતિવિર ખાજયા નાઈક (મહારાષ્ટ્ર), ખિરસા મુંડા (ખિહાર) ને હારીં હારીં થવી શકાય જ તીસા ડાંગના શિલ્પતરિંગ વિશે ભાગ્યેજ કોઈ કાંહી જાણે હે. કારણ લખેલ સ્વરૂપે કાંહીજ નીં મીળે. શિલ્પતરિંગ ને એક સાથીલા તે ચીંચીને જાડાલા ઉંધા ટાંગી હન ખાલે અગિન જાળી તેલા ઈરખવી ઈરખવીને મારેલ કા જેથી લોક અંગ્રેજ વિરુદ્ધ પડતાં પહેલાં જીવના જોખમનાં વિચારત. સ્વતંત્ર રહુલા માટેની ચળવળમાં જીવતાં ખાળેલ હોવા છતાં શિલ્પતરિંગ ને સાથીલા કઠેતરી શહીદ તરીકે નીં દાખવેલ મીળે.

આપલે ગોઠી આપલા સમજ દેતે હેત. સામાન્ય લાગ તીસે ગોઠીમાં બુહું મોઠી સમજ દીધેલ રહે હે. આપણાં આત્મગૌરવ જાગ્રત કરે તીસી અઠે એક ગોટ દેહેં.

એક ભરવાડ હતા. તેને વાડામાં સેં - દોન સેં ખોડકે હતેત. ભરવાડ રોજ તેહલા ચરુલા લી જા. હન અળચને પાછા વાડામાં લી યે. સમય જાતાં ખોડકેનાં ખચ્યાં હુઈનાંત. લવારાં ખારીકલં હતાંત. તેથી ભરવાડ તેહલા વાડામાંજ થેવી જા.

એક દિસ તઠે એક ખડે આના. તેનીં દોન ચેર લવારાં મારી ટાકાંત. હન મારુંન તો જાતા રહના. અળચને ભરવાડ આના હન લવારાં ઓછાં દેખાંત. લોહીં દેખાં પણ તેનીં વિચારાં કા દોન ચેર લવારાં મરનાંત તેમાં કાય ૧ તેનીં લવારાનાં જીવન ખચાવુલા કાંહી પણ નીં કે. દુસરે દિસ ખડે પાછા આના હન દુસરાં લવારાં ખાઈ ગે. તીન ચેર દીસ માં તે ખડે ની વીસ પરચીસ લવારાં મારી ટાકાંત. તરી ભરવાડનીં કાંહી પણ નીં કે. ખોડકે માં એક ખોડક હતા. તેનીં વિચારાં કા ભરવાડ કાંહી નીં કરે પણ આપણાં જીવન માટે આપણેજ કાંહી કરુલા પડીલ. તો ખોડક તે દિસ વાડામાંજ રહના હન તેનીં ખળથી નીં પણ કળથી ખડેલા તંગાડાં.

ગોટ ખારીક આહા વાંચલં પોશાહલા ગમે તીસી આહા પણ એમાં પોતાનાં આત્મ ગૌરવ વધારુલીની જી ગોટ સાંગેલ આહા તીં સમજુલા જુસાં આહા. આપણે આપણાં આત્મગૌરવ જાંવ લગી નીં જાગવી શકજોન તાંવ લગી આપણાં જીવન જીવન જ નીં આખાય જ. ઢોલની કુંકલાભાષાની આવૃત્તિલા ખેસ સાંગી સકાય જ તીસા આવકાર જડનેલ આહા. અનેક મિત્રો ત ઈસા આહાત કા જેહને માટે કુંકલાભાષા તદ્દન અજાણી ભાષા આહા છતાં પણ તે ગ્રાહક ખનના હાત. ઈસી જ જાગૃત ભાવના દરેક કુંકલાભાષી મિત્રોમાં જાગે તીસા આમના પ્રયત્ન આહા. દરેક વાચક એક નવા વાચક હન ગ્રાહક ખન તીસા પ્રયત્ન કરતીલ તીસી આમની ઈચ્છા આહા. આમું

શક્ય હવાં તાંવ લગી રૂનરૂ અથવા તો પોસ્ટકાર્ડ લખી હન વાચકો હારી સંપર્ક કરુલા પ્રયત્ન કરજો હોંન.

વાચક મિત્રો પોતાના પ્રતિભાવ નામથી અથવા તો નામ વગર પણ અવશ્ય દવાડત તીરી આમની ઈચ્છા આહા. આમના પ્રયત્ન કીસાક રહના, ઢોલની અંદરનાં આમનાં લખાણ, ભાષા વગેરે વિશે, ઢોલમાં કીના વિષય વર ભાર દેવાં જોઈજ, કીના લેખ વગેરે કીસાક હતાત તે વિશે જરૂર લખશેલ ઈરી આમની ઈચ્છા આહા. ઢોલમાં જે કોઈ મિત્રો લેખ, ગાનાં, ઉખાણાં, સ્વરચિત કાવ્ય, વાર્તા વગેરે લખવા માંગતા વાત તેહના માટે પુછાં આમંત્રણ આહા.

ગયા વખતના અંક - વનસીવિદ્યા વિશેષાંક તરીકે પ્રગટ કીયેલ હતા. અનોક મિત્રોહી ઈરી સલાહ દીધી કા વનસી વિશે થોડી થોડી માહિતી દરેક અંકમાં દેવલા જોઈજે. આમું વનસી વિદ્યા વિશે નિયમિત માહિતી દેતા રહું.

અંતમાં તે ઈજ કા -

દરેક દિશામાંથી આમાલા શુભ હન સુંદર વિચાર પ્રાપ્ત હુયત - (જાગવેદ, ૧, ૮, ૯૮) ઈરી ઈચ્છા.

ધીરુભાઈ પટેલ

જે. એમ. શાહ આર્ટસ્ એન્ડ કોમર્સ કોલેજ
જંબુસર (ભરૂચ)

ડાહ્યાભાઈ વાહુ

સ્ટેટ બેંક ઓફ ઈન્ડિયા, આહવા શાખા
આહવા (ડાંગ)

ભાષા કેન્દ્ર

ગણેશ દેવી

છેલ્લા દોન ત્રીન વરીષહુંન ભાષા કેન્દ્ર આદિવાસી ભાષાના અભ્યાસ કામ કરી રહનાં હાં. આદિવાસી સંસ્કૃતિ હન પ્રજા હારી સંકળાયનેલ કામ પણ ચાલે હે. કેન્દ્રની ‘પાવરા સમાજ હન સંસ્કૃતિ’, ‘તેજગઢનાં ગાનાં’ જુસાં ચોપડાં છાપી હન બાહેર પાડેલ આહાત. આદિવાસી સંસ્કૃતિમાં ભાષા હન કલાના સુંદર સંગમ આહા. નૃત્ય, ગાનાં, ધાર્મિક કાર્યક્રમ કથા ચિત્ર ચેં બધા ના એક દુસરે હારી અતુટ સબંધ આહા. તેથી ભાષાના અભ્યાસ કરતી વખતે દુસરી કળાના વિચાર કરુલા જરુરી બનેં હે.

સમાજના મુખ્ય પ્રવાહ હન આદિવાસી લોક વચ્ચે ફરક ઈં આહા કા મુખ્ય પ્રવાહ સાધન સંપત્તિ એકઠી કરુલા પાછળ પાગલ હુઈનેલ દેખાય જૈં. જ્યારે આદિવાસી સમાજ જીવનમાં સંતોષ હન આનંદ જાળવી રાખી ઓછાં સાધન સંપત્તિ થી પણ જીવી જાણે હે. એના અર્થ ચો કા આદિવાસી સમાજનાં બંધારણ જ કળા, નૃત્ય હન સંગીત ને હારી ઘડાયનેલ આહા. માટે જ, જ આદિવાસી સંસ્કૃતિનાં જતન કરવાં હવાં ત, આદિવાસી કળાના જાળવી રાખુલા જરુર આહા.

ચે દોઢીં કારણથી ભાષા કેન્દ્રની આદિવાસી કલા સાઠી એક બારીકસાં સંકુલ તેજગઢ (જિ. વડોદરા) માં બનાવુલા નક્કી કીચેલઆહા. તેની શરૂઆત ચે વરીષ હુન હુઈગી. છેલ્લા દોન ત્રીન વરીષ હુન ચે બારામાં કેટલીક સભા, પરિસંવાદ હુઈનેલ હતાં. તેમાં દેશભરમાંસુન જુદે જુદે વિસ્તારમાંથી ત્રીસાં જ દુસરે દેશમાંથી પણ તેના જાણકાર આનેલ હતાત. તેહીં ભેગા મીળી હન આદિવાસીનાં કાય કાય હન કીની રીતે સાચવી લેવાં જોઈજ ત્રીં વિચારેલ હતાં. લગભગ એકાદ વરીષ સુધી આમું ગુજરાતના આદિવાસી કલાકારોની યાદી બનાવતાત. શ્રી શંકરભાઈ તડવી નીં ઈં કામ હાથ ધરેલ હતાં. ત્રીં આજું પણ ચાલી રહનાં હાં. થોડા મહિના પહેંલા ચે કલાકારોલા તેજગઢ બોલવી આમું તેહલા ઈં યોજના સમજાવેલ. તેહના પ્રતિભાવ ઉત્સાહ વધારે ત્રીસા હતા.

તા. ૧૨મી નવેમ્બરના રોજ આદિવાસી કલાકારના પહેલા શિબિર તેજગઢમાં ચાલુ હુયના. તેમાં પિઠોરા ચિતરનારા, દગડ કા લાકુડમાંથી મૂર્તિ બનાવનારા, ટોકરા માંસુન વસ્તુ બનાવનારા, મોતીનાં કામ કરનારા, ત્રીર કામઠાં બનાવનારા, માટી કામ કરનારા-ઈસા જાત જાતના કલાકાર આનેલ હતાત. તે બધા હારીં ચર્ચા કરી એક મંડળી બનાવુલાનાં નક્કી હુયનાં. આતાં આદિવાસી કળાકારીગીરીની વસ્તુ ભાષાકેન્દ્રમાં ઈલ. વડોદરા અમદાવાદ જુસા શાહરામાં ઈં વસ્તુ ઈંકાયજીલ. તેમાંસુન જી આવક હુઈલ ત્રી કલાકારલા જડીલ, એ રીતે નાણાકીય પીઠબળ જડીલ.

એને હારીં હારીં ભાષા કેન્દ્રની આદિવાસીલોકલા કરજમાંસુન મુક્ત કરવા માટે ઓછા દરે, ટુંકાગાળાનાં કરજ હોપુલા પણ નક્કી કીચેલ આહા. સુરસી ગાંવમાં એની શરૂઆત હુઈલ. જે ઓ પ્રયોગ સફળ હુઈલ ત કરજમુક્તિ હન આવકનાં નવાં સાધન ઈસા દોન રીતે આદિવાસીને હાથમાં થોડા ઘણા પૈસા મીળતા હુઈલ. ચે પૈસા ખેતીને કામમાં વાપરાયતી. આદિવાસી હીં આતાં પદરને નિશાળી, કોલેજ ચાલુ કરુલા પડતીલ. પદરની છાત્રાલય ખોલુલા પડીલ. તેને હારીં હારીં પોતાની સાંસ્કૃતિક પ્રકૃતિ-સ્વભાવ-ટકાવી રાખુલા પડીલ. આદિવાસી કલાકારની મંડળીમાંથી એ ગોઠી જ સફળ હુઈતીલ ત ભાષા કેન્દ્રનાં ધારેલ કામ સફળ હુઈનાં ઈસા દિલસા

રહીલ.

યે વરીષ હુન કેન્દ્રીય સાહિત્ય અકાદમીનીં લીલી ભાષા માટે એક અલગ પરિતોષિક હોપુલા ઠરવેલ આહા. કુંકણા ડાંગીમાંસલી એક કથાલા યે વરીષનાં ‘કથા’ પારિતોષિક મીળનાં હાં. આદિવાસી કળાનાં ઈં સન્માન ભાષા કેન્દ્રના અથાગ પ્રયત્નનાં ફળ આહા. તેનાં આમાલા ખરેખર ગર્વ આહા. આધુનિક આદિવાસીના ઘડતરમાં ભાષા કેન્દ્રની જવાબદારી નિભાવતાં આજ યે સફળતાથી આમાલા ખૂબ જ પ્રોત્સાહન જડનેલ આહા.

○



ઈતિહાસમાં આદિવાસી

લાલુભાઈ વસાવા

ઈતિહાસના એક નિયમ આહા, જે સમાજ પામે દયા વગરનાં હરામી તંત્ર હવાં તો સમાજ ઈતિહાસ લખવાવાળા વર કબજા ધરાવી શકે છે. ઈતિહાસ લખવાવાળા તે સમાજનાં જ ગુણગાનાં લાવતીલ. દુસરાં ધટક ધીરે ધીરે અલોપ હુવત જાહા. આ જ ઈતિહાસમાં આદિવાસીની ઈ જ દશા આહા. આદિવાસીના ઈતિહાસ ભૂલાવી દેવામાં આનેલ આહા. (ડૉ. ગણેશ દેવી, 'ચાંદનીમાં ઓરસંગને હારીં હારીં', ઢોલ, અંક-૨, ઑગસ્ટ ૧૯૯૮)

લિખિત ઈતિહાસમાં આદિવાસીના ઉલ્લેખ ખાસ નીં મીળે. ઈતિહાસના અર્થ 'ઈસાં હત્મ' ઈસા હુવેહ. પણ, આદિવાસીને સંદર્ભમાં યો અર્થ કદાચ ખરોખર નીં મીળે ઈસી ખધાલા લાગણી આહા. આદિવાસીના ઈતિહાસ માટે તેહને મૌખિક પરંપરાને ગોઠીના જ આશરા લેવાં પડે ઈસી પરિસ્થિતિ આહા. જુને જમાનાને ઘટનામાં મૌખિક પરંપરાલા અનુશ્રુતિ (Tradition) આખાય જહે. પ્રારંભિક માનવ ઈતિહાસની અનુશ્રુતિમાં કલ્પનાનાં પ્રમાણ ઠીક ઠીક આહા. કલ્પના એટલે જી ઘટના ઘટનેલ હવી તેલા વધારે પડતાં અલૌકિક રૂપે રજુ કરુલાની રીત. ઘ. ત. "લક્ષ્મણ ધાયલ હુયનેલ તાહાં હનુમાન અખા ડોંગોર ઉંચેલી લીચનેલ" - ઈસી ગોટલા અલૌકિક રૂપ આખાય જ. હનુમાન એક સામાન્ય વનનર ઉંચેલી શક તે કરતાં વધારે ઉંચેલી લીચનાવા. તી વસ્તુ દાખવુલા હન તેના પ્રત્યેય અલૌકિક ભાવ પેદા કરુલા ઈસી પરંપરા હુયનેલ હવી. પુરાણના પાંચ વિષયના ઉલ્લેખ વાયુ પુરાણના શ્લોક માં દીધેલ આહા. સર્જન, પ્રલય, પૂન : સર્જન, મનુઓના યુગ હન યુગની વંશની વ્યક્તિના પરિચય - ચરિત્ર. પણ સમય જતાં એ પાંચ વિષય પુરાણોમાં ગૌણ સ્થાને આનાત. હન દુસરી સામાજિક, ધાર્મિક વિષય, વર્ણશ્રમ ધર્મ, વ્રતો, તીર્થમહાત્મ્ય, આચાર, પ્રાયશ્ચિત, પૂજા વગેરેની મુખ્ય સ્થાન લીધાં. પરિણામ ઈ આનાં કા, પુરાણ ઈતિહાસની અનુશ્રુતિ-પરંપરા-મટી હન માત્ર ધાર્મિક ગ્રંથ ખનનાત.

કનસરીની કથાની સરખામણી પુરાણ હારીં કરવાં જીસી જ આહા. કનસરીની કથા કુંકણાનાં પુરાણ જ આહા. એમાં હરીભરી ધરતી, જગખુડ વાહાર ધરતીના નાશ, ધરતીની સ્થાપના, ભીમાખળી હન જુગાનંદનીં ધરતી સરખી કી તેની ગોટ, કર્તુકીદેવ હન કનસરીની ગોટ - એ પાંચ વિષય આહાત. કનસરીની કથામાં દ્વારકા, સિંગળદીપી (સિંહલદ્વીપ) જીસાં ઈતિહાસ પ્રસિધ્ધ નાવાંના ઉલ્લેખ આહા. ડૉ નરોત્તમ પલાણનીં ત પાટણના એક દરવાજાનાં નાંવ કનસડા આહા તીં કનસરીના ગોહલેને નાંવ વરહન જ પડનેલ હવાં ઈસા સવાલ કરી તેનાં સમર્થન - નકારના જવાબ માંગેલ હતા. કનસરીની કથાના પુરાણ હારીં તુલનાત્મક અભ્યાસ કરુલા અનિવાર્ય આહા. ભવિષ્યમાં આમું તીં પણ કરુંજ. કારણ આતાં આપણા ઈતિહાસ કોઈ દુસરા લખે તીસી આશા રાખુલા નકામી આહા.

ઈતિહાસમાં આદિવાસી યે વિભાગનાં સંપાદક શ્રી લાલુભાઈ વસાવા સંગઠન હન સહકારના માનુષ આહા. લોકસંપર્કદ્વારા રાજપીપળાથી માંડી ધરમપુર સુધીના ભીલરાજના ઈતિહાસ વિશે જાણકારી મેળવુલા તો સતત પ્રયાસમાં રહે છે. જુને પરંપરાને ગોઠી હન દસ્તાવેજના અભ્યાસ કરી હન ભવિષ્યમાં એક પુસ્તક લખુલાનાં આયોજન આહા. 'પ્રવાસની દ્રષ્ટિએ ડાંગ' એ નાંવનાં એક પુસ્તકનાં સંપાદન હાલે ચાલુ આહા.

સંપર્ક : શ્રી લાલુભાઈ વસાવા, ૮/૧૧૦, વેરીયરા કોલોની, આહવા (ડાંગ) ૩૯૪૬૧૦, ફોન - ૨૦૫૩૨

બિરસા મુંડા

ભારતના સ્વતંત્રતા સંગ્રામના ઇતિહાસમાં કેટલાંય ઇસાં નાવાં આહાત કા જેના ઉલ્લેખ ઇતિહાસમાં કહે તરી નીં મીળે. જઈ તરી ઉલ્લેખ હવા તઈ નાંવના જ હવા.

બિરસા મુંડાની કામગીરી દેખતાં - તેલા પણ યોગ્ય મહત્વ નીં દેવામાં આનેલ હોવાની લાગણી હુચે હે.

બિરસા મુંડાના જન્મ બિહારના રાંચી ના ચાઈબાસા રોડવરના ખુંટી નાંવના તાલુકાના ઉલિહાતુ ગાંવમાં સુગના મુંડાને ઘરીં હુઈનેલ હતા. તો દિસ હતા ૧૫મી નવેમ્બર, ૧૮૭૦ના. બિરસા મુંડાલા તેને બાહાસનીં જયપાલ નાગના આશ્રમમાં લાણુલા થવેલ. એ બ્રાહ્મણ ગુરુનીં તેલા જગન્નાથની લક્ષિત હન રાષ્ટ્રપ્રેમના સંસ્કાર દીઘલે. બિરસા મોઠા વાહાદના તાહાં અંગ્રેજી ભાષાનાં શિક્ષણ શિખુલાને ઇશદે બાહાસ હન ગુરુનીં તેલા ચાઈબાસાની મિશન હાઈસ્કુલ હન બોર્ડિંગમાં દાખલ કીયેલ. બ્રિટિશ સરકાર વખતે હિંદુસ્થાનમાં મિશનરી નિશાળીની બોલબાલા હતી. તે જમાનામાં આદિવાસી પોશાહલા અંગ્રેજી નિશાળીમાં રહુલા હન ભણુલા મફત હતાં, પણ પોશાહલા ખૂબ કામ સોંપવામાં ચેહેતાં. અમુક જગાએ તે પોશાહલા હળલા જોડોત. રીતસરની વેઠે જ હતી. હળ ખેંચી ખેંચી હન પોશાંહને ખાંદાવર ફોલાં ઉઠત. બઘાહલા ડરાવી ધમકાવી વેઠ કરાવત. તીં હેરી હન બિરસાનાં લોહીં ઉકળી ઉઠતાં. આપણે મુળ અઠલા, આપણી ઈજ ભૂમી, હન ચે ભૂમીવર બાહેરહુન આનેલ ભૂમીચાલોક આપાવર વેઠ કરાડતાહાત હન આપણે મેંઢાને જસાં નીચાં મું કરી હન સહન કરજે હોંન ?

બઘે પોશાહલા ગોળા કરી હન વિદ્યાર્થી બિરસાનીં હળાનીં હોળી કઈ. હન હેડમાસ્તર ની સામે વિરુદ્ધ નોંધાવા. હેડમાસ્તરનીં અખે પોશાહલા એક ઓરડામાં કોંડી હન ચાબુક વાહાર કુટુલા માંડાં. બિરસાની લાગ પારખી લીધા. ચાબુક સામટી હન તેજ ચાબુક વાહાર તેનીં હેડ માસ્તરલા ઝોડી કાહડાં હન નિશાળ છોડી બિરસા ચાલી નીંઘના.

નિશાળ છોડીને બિરસા બદગાંવના એક ઠાકુર જમીનદાર જગમોહન સિંહને ઘરીં કારભારી તરીકે રહના. ઠાકુરની મદદથી અંગ્રેજી નિશાળીને જસીજ નિશાળી ખોલેત હન એ રીતે આદિવાસી શિક્ષણ ક્ષેત્રે ક્રાંતીકારી પગલાં ભરંત.

ઈ.સ. ૧૮૯૪માં રાંચી વિસ્તારમાં ભયંકર દુકાળ પડનેલ. તે વખતે આજની જસી પરિસ્થિતિ નીં હતી. દેશ આખા બારીક બારીક રાજ્યમાં વિભાજીત હતા. દુસરે રાજ્યમાંસુન મદદ જડે તીસી પરિસ્થિતિ નીં હતી. લોક ટપોટપ ભુખે મરત. બોર હન જાંબુનને ઝાડાની છાલી કુટી હન ઉકાળી હન પેત. હન જેમ તેમ જીવત. જમીનદાર લોક પોતાની લગાન હન મહેસુલ વસુલ કરુલા બાયકાહનાં ફડકાં પણ કાહડી લેત. બાયકાહની છેડતી કરત હન બળાત્કાર સુધ્યાં કરત. પોલીસ રહવા છતાં નીં જ જસી હતી. તે લોક પણ જમીનદારલાજ સાથ હોપોત. તીં હેરી હન બિરસાનાં લોહીં ઉકળી ઉઠનાં. સેવાદળના કાર્યકર મીળીહન કાસમખાન નાંવના એક પોલીસનાં ડોકાં કુહાડીથી અલગ પાડી દીધાં. ગુલાબસિંહ નાંવના પોલીસનીં તેહાવાર બંદુક તાકી પણ સેવાદળનીં ઝેરી તીર છોડી તેલા પણ ખતમ કે.

બિરસાની ઈસી કાર્યવાહી હેરીહન રાંચીના કમિશ્નર સ્ટ્રીટ ફિલ્ડીનીં બિરસાવર વોરંટ કાહડાં. બિરસા આતાં સંપૂર્ણ બાગી બનીગે. અંગ્રેજ હકુમતની સામે તેનીં હથિયારી કાર્યવાહી શરૂ કી. તેની જય ઘોષણા કી કા - ' હિંદુસ્થાન માં વિકટોરીયા રાણીનાં નીં પણ આપલાં જ રાજ આહા.'

ઈ.સ. ૧૮૯૬ ના ઓગષ્ટ મહિનાની અગિયારમી તારીખે સેવાદળના લગભગ ૪૦૦૦ તીરકામઠા ઘારી આદિવાસી લોક બિરસાની આગેવાની નીચે ખુંટી તાલુકા મથક લુંટેલ હન તે વર કબજા કીયેલ. અંગ્રેજ લોકાંહી બંદુક વાહાર લોકાવર હુમલા કીયેલ. તેહીં ૧૧ આદિવાસીલા મારી ટાકલે, પણ આદિવાસીં હીં તીર છોડી હન ૨૦૦ પોલીસ મારી ટાકલે.

ખુંટી પછી બદગાંવ, તોરપા, મુરહુ, જશપુર, રાયપુર જસા વિસ્તારના હજારો ચોરસ માઈલના વિસ્તારમાંથી બિરસાનીં અંગ્રેજ હકુમત નામશેષ કરી દીધેલ. હન નવી સત્તા સ્થાપેલ હતી. સંપૂર્ણ પણે ઈ આદિવાસી સત્તા

હતી.

નવી સત્તા એ તેમાં જુની હન મજબુત સત્તા તેહવર આંટ રાખે તી નવાઈની વસ્તુ ની આખાય જ. બિરસાલા તે દુસરે બીન આદિવાસી રાજ ઉપરાંત અંગ્રેજોના પણ ભેવ હતા. બિરસાની સેવાદળની ટૂકડી ગેરીલા પદ્ધતિથી લડાઈ લડતી. અંગ્રેજોવર હુમલા કરી હન તે જંગલમાં પોળી જાત. અંગ્રેજ લોક તેહલા પાઠી લાગત હન તેહને પાછળ પાછળ જાત. સેવાદળના ચપળ જવાન ઝાડાવર ચહડી જાત. અંગ્રેજ સૈનિક જંગલમાં એત તે તેહાવર ઝેરી તીર છુટત હન તે મરી જાત. તીર કહુન એતાં હાંત તીં કોઈ જાણે તે પહેલાં ત તે ખતમ હુઈ જાત.

ચેર ચેર વરીષ સુધી બિરસાની બિલાડી ઉંદીરલા કરે તીસાં કરી કરીને અંગ્રેજોલા ફાર ત્રાસ દીધા. બિરસાલા લોક બિરસારાજા કા બિરસા ભગવાન કરી સાંગત.

બિરસાના કારણે બ્રિટિશ લોકલા ઉલા ત્રાસ હુયુલા મંડના કા તેલા ઘરુલા ખાસ યોજના બનવી. અંગ્રેજ લોકની રીત બદલી. બિરસાવરલી રગ તેહીં લોકાવર કાહડુલા માંડી. ઉભા પીક અંગ્રેજ થપકી દેવલા મંડનાત. જુવાન લોકલા ઘરી ઘરી હન ફાર ત્રાસ દેવલા માંડા. આડેઘડ જંગલ કાપુલા માંડાં. દવ લાગવા હન લોકાવર ફાર ત્રાસ ચાલુ કે.

જુવાન લોક કાં ત સેવાદળ માં બિરસા હારીં હતાત કાં ત જેલમાં હતાત. બ્રિટિશ લોક ની નજર બાયકા હન બાંડગેવર આની. બાંડગેની ઈજાજત લુંટુલા માંડી. ચી ગોટ બિરસાને કાને પડની. બિરસા દૂઃખી દૂઃખી હુઈ ગે.

ઈજાજતનાં જ જઈ મહત્વ હતાં, તી ઈજાજત જ જા તે માંગુન જીગીને કાય કરુલા ? ઈસી વિચારધારાવાળે કેટલેય બાંડગે જીવવા કરતાં મરુલા પસંદ કરત. ઓસી ઈસીજ એક બાંડગી હતી. ઓસી વર અંગ્રેજ સિપાહીહીં બાળાત્કાર કીયેલ હન તેને કારણે તી પોટાળી હતી. ઓસીની નજરની સામે માત્ર અંધકાર હતાં. પોટામાં બાળ હતાં - તરી તેનીં મરુલા પસંદ કેં હન એક દિસ તી આપઘાત કરુલા જાહાતી તાંહાં બિરસા મુંડાની નજર તેવર પડની, બિરસાની આખી ગોટ જાણીં હન માંગુન તેલા સાંગા કા - 'જ તુંની ઈચ્છા હવી ત તુંને પોટામાં બાળ આહા તે હારીં માં તુંના સ્વીકાર કરાંહાં. માં તું હારીં લગીન કરીન.' ઓસી કીની રીતે ના પાડે ? તી તૈયાર હુઈની. લગીન હુઈનાં હન ઓસીને પોટીં જનમનેલ બાળલા બિરસાનીં પોતાનાંજ ગણાં પોશાનાં નાંવ પરીબા પાડાં.

ડિસેમ્બર ૧૮૯૯ના એક દિસ બિરસાનીં વીસ હજાર ધનુષધારી સેના હારીં રાંચી વર હુમલા કીયેલ. બ્રિટિશ હકુમત પાખ સાધન હન સૈનિકની કમી નીં હતી. પણ તે જીવ બચાવુલા રાંચી છોડી હન પોળી છુટનાત. બિરસાની રાંચી કબજે કેં, પણ મોઠી મદદ લી હન અંગ્રેજ આનાત હન રાંચી વર પાછા કબજા કરા.

બિરસા હવે અંગ્રેજો માટે એક મોઠા માથાના દૂઃખાવા હુઈ પડના. તેલા ઘરુલા માટે તેહીં અનેક પ્રકારના પ્રયત્ન ચાલુ કીયેલ હતાત. ઈ.સ. ૧૯૦૦ માં એક દિસ બિરસાલા ફસવુલા અંગ્રેજ લોક સફળ રહનાત. તેની ઘરપકડ કરવામાં આની હન તેલા રાંચીથી દૂર હજારીબાગની જેલમાં લી જવામાં આના. એને હાથી પાચીં બેડી લગાવવામાં આનલે. ૯મી જુન ૧૯૦૦ ના રોજ હજારીબાગ જેલમાંજ બિરસાનાં મોત હુઈનાં ઈસી જાહેરાત અંગ્રેજોહીં મોડે મોડે કી. તેલા કોલેરા હુઈનેલ હતા ઈસી ગોટ જાહેર કરવામાં આનેલ. પણ લોક એલા બનાવટ જ આખત હન માનત. તે વર જુલમ કરી હન મારી ટાકેલ ઈસાં જ બધાં માનત.

બિરસા બાદ તેના પોશા પરીબાનીં સેવાદળની આગેવાની લીધેલ. હન વીસ વીસ વરીષ સુધી તેની અંગ્રેજ શાસન સામે ટક્કર લીધેલ હતી. ઈ.સ. ૧૯૨૦ માં બંગાળના ક્રાંતિકારી લોક હારીં બર્માના જંગલમાં તો જાતા રહેનેલ; ત્યાર બાદ કાય હુઈનાં તેની માહિતી નીં મીળે.

માત્ર ત્રીસ વરીષની ઉંમરમાં બિરસાની ક્રાંતિની જી ચીનગારી જગાવેલ હતી તેને કારણે બિહારની પ્રજા માટે તો પ્રેરણાદાયક રહનાય. સંસદભવનમાં તા. ૨૭/૮/૧૯૯૮ ના રોજ બિરસાની પ્રતિમા થવી હન એનાં મરણોત્તર બહુમાન કરવામાં આનાં. સરકારનીં એની કદર કરી.



આજનાં આદિવાસી
ખુદ આદિવાસી કલાકારની નજરમા

શિલ્પતસિંગ

ડાંગને ઇતિહાસમાં એક ભૂલાઈનેલ નાંવ શિલ્પતસિંગનાં આહા. શિલ્પતસિંગ રાજવી વંશના હતા. ઈ.સ. ૧૮૨૯માં અંગ્રેજ સેનાપતિ જનરલ ઓટ્ટોમ ખાનદેશની સરહદ છોડી નવાપુર હુઈને ડાંગ વિસ્તારમાં આનેલ હતા. વાતાવરણ અનુકુળ નીં રહેતાં હારીં આનેલ સૈન્યમાંથી ઘણા સૈનિક માર્યા ગીયલ. જનરલ ઓટ્ટોમ ની ડાંગની મુલાકાત ડાંગને રાજાવર ઘાક જમાવુલા હન અંગ્રેજો ફાર વાઈટ આહાત ઈસાં જેહને મનમાં ઠસવુલા તીં જ હતાં.

જનરલ ઓટ્ટોમ હાલના લશ્કર્યા નાંવથી જાણીતાં બનેલ સ્થળ ખાલ રોકાયનેલ. ગાઢવીને રાજાહલા લડવા માટે તેનીં લલકારેલ. શિલ્પતસિંગનીં ભીલ સેના તૈયાર કરી માત્ર ઘનુષ બાણ લી હન અંગ્રેજોની સામે લડાઈ કરુલા આના. શિલ્પતસિંગના અંગ્રેજોની નીતિ સામે એટલા બધા વિરોધ હતા કે તેહા હારીંની કોઈ પણ ટક્કર તો નીં છોડેતા. કદીક કદી તે તો અંગ્રેજ નાં પગલાં વર તીર છોડી રગ કાઢે.

કઈ આધુનિક હથિયારથી સજજ અંગ્રેજ સૈન્ય હન કઈ માત્ર ઘનુષ-બાણ ધારી ભીલ પ્રજા ? તરી પણ શિલ્પતસિંગનીં અંગ્રેજોની સામે ટક્કર લીધેલ હન જું પરિણામ કલ્પેલ હતાં તીંજ આનાં. શિલ્પતસિંગની હાર હુઈની.

શિલ્પતસિંગ ની ઘરપકડ કરી હન તેલા સાલેર-મુલેરના કિલ્લામાં કેદ કરવામાં આનેલ. તહુન માગુન તેલા અહમદનગરની જેલમાં રાખવામાં આનેલ.

ડાંગી રાજાહ હન પ્રજાને મનમાં ભેવ પેદા કરુલા માટે અંગ્રેજોની સામે હુઈનેલ શિલ્પતસિંગના એક સાથીદારલા ચનખલ ગામમાં ચીંચીને ઝાડાલા ઉંઘા ટાંગી, ખાલે ઇસ્તો બાળી હન તેલા ઈરખવી ઈરખવીને મારેલ.

શિલ્પતસિંગ અંગ્રેજો વખતના રેકોર્ડવર એક ગુનેગાર તરીકે જ ઉલ્લેખાયનેલ આહા. પોતાની માતૃભૂમીના રક્ષણ માટે લડનાર ગુલામ પ્રજાલા એના સીવાય દૂસરી કાય આશા રાખી શકાય જ ? મૌખિક પરંપરાને ગોઠી શિલ્પત સિંગને વંશમાં આહાત. તેના સંપાદન કરી હન લોકાલા જણાવુલા હન તેનાં વિશે લોકાલા જાગૃત કરુલા સમય પાકી ગીયેલ આહા.

- - -

રૂપગઢ

ડાંગ જીલ્લાના એક માત્ર કિલ્લા વિશે ભાગ્યેજ કોઈ જાણે હે. ડાંગમાં આદિવાસી રાજા હતાત પણ રૂપગઢના કિલ્લા બાંધુલાના વિચાર ત ગાયકવાડ વંશના રાજાના જ હવા તીસાં લાગે હે. ગાયકવાડ રાજ વંશીના સંસ્થાપક પિલાજીરાવ ગાયકવાડની ઈ.સ. ૧૭૨૧ માં સોનગઢના કિલ્લા બનાવી તઈ જ રાજધાની બનાવેલ. પિલાજી ગાયકવાડના પોશાનીં બાદમાં વડોદરા લા રાજધાની તરીકે પસંદ કરેલ, તે અંરસામાં એટલે કે ઈ.સ. ૧૭૨૧ પછી રૂપગઢના કિલ્લા બાંધુલા પ્રયત્ન કીયેલ હવા ઈસાં ચોક્કસ પણે આખી શકાય જ.

કિલ્લાના ત્રીન પ્રકાર આહાત. જમીન વર બાંધેલ હવા તે કિલ્લાલા સ્થળ દુર્ગ, ડોંગોરવર હવા ત તેલા ગિરિ દુર્ગ, હન પાણીમાં જે કિલ્લા હવા તેલા જળદુર્ગ આખાય જહે. રૂપગઢ ગિરિદુર્ગ તરીકે ગણાવી શકાય જ તીસા કિલ્લા આહા. અહુન સોનગઢના કિલ્લા દિસે હે, વાતાવરણ બેસ ચોખ્ખાં હવાં ત સાલેરના કિલ્લા પણ દેખાય જહે.

કાલીબેલથી પૂર્વ તરફ બરડીપાડાને રસ્તે જતાં રૂપગઢના કિલ્લા દેખાય જહે. પોપટ બારીના રસ્તે પાંચ વાટીં કિલ્લાવર જવાય જહે. એ તરફથી ચહડુલા સીધાં જ આહા. પણ સાજુપાડા ભૂજડ હન વાડીગામ તરફથી ચહડુલા બેસ આહા. એ તરફથી ચહડતાં પહેલાં હનુમાનજીની મૂર્તિ યે હે. તઈ એક તુટેલ તોપ આહા. તહુન વર ચહડુલા સીધાં ચઢાણ આહા. કિલ્લા પ્રાથમિક અવસ્થામાંજ આહા. ઉપરને ભાગમાં પાણીનાં એક ટાંકા દગડ

કોરી હન બનવેલ આહા. તેમાં આખા વરીષ પાણી રહે છે. પૂર્વ તરફને ભાગવર દિવાલ બાંધેલ આહા. પશ્ચિમ તરફના ભાગ દગડાની કરાડ જ આહા તેથી તહે દિવાલ નીં મીળે. કિલ્લાવર ચહડુલા દોન જ રસ્તા આહાત. ભૂજાડ અને વાડી તરફના હન પોપટ બારી તરફના. રૂપગઢના કિલ્લા લગભગ ૧૭૦૦ ફૂટની ઉંચાઈના આહા. ઈ.સ. ૧૮૭૫ માં અંગ્રેજ અધિકારી લે. જે. ઈ.ગીલ્જ આનેલ હતા. તો કિલ્લા વરનાં ટાંકા હેરીહન અચરજ પામનેલ. કિલ્લા વર ટાંકા હન દિવાલ સીવાય કાંઈ તરી બાંધકામ નીં મીળે. ભૂજાડ ને વાટવર હનુમાનજીની જી મૂર્તિ આહા. તહે કોશિંમદા યુવક મંડળ તરફથી મંદિર બાંધુલાનાં આયોજન કીયેલ આહા. છેલ્લા બે ત્રણ વરીષ હન અહે વર્ષતયઢાણની પ્રવૃતિમાં સંકળાયનેલ લોક ચેતાહાત. ડાંગના એકમાત્ર કિલ્લા હોવાથી એનાં એક મહત્વ આહા. રૂપગઢને કિલ્લાને સુંબર જ દેવલીમાડી માતાનાં મંદિર, હન ભત્ર અવસ્થામાં કિલ્લા આહા.

ડાંગ દરબાર

ડાંગ જિલ્લામાં કોઈમોઠા મેળા નીં ભરે. લોકાં ખરીદી માટે આહવા, નવાપુર કા વઘઈને બજાર વર આધાર રાખતાં હાંત. શીંગાણા, ગલકુંડ, સુબીર, પીપલાઈદેવી, વઘઈ, પીપલદહાડ જીસે ગાવાંમાં અઠવાડીક બજાર - હાટ - ભરાય જહે.

ડાંગ દરબાર ના મેળા આહવામાં હોળી વખતે ભરાય જહે. ડાંગના ઓ એકમાત્ર હન મોઠા મેળા આહા. એ મેળામાં વેપારી લોક દુર દુર હન ચેતા હાત. સરકસ, ચકડોળ વગેરે પણ એતે હેત. અઠવાડિયા સુધી લોકો માટે આનંદના ઉત્સવ રહે છે. દુસરી જાગાવર કહે તરી મેળા ભર હ, તો કોઈ મંદિરના કારણે અથવા તો કોઈ તહેવાર ના કારણે ભર હ. પણ ડાંગ દરબારના મેળા કોઈ ધાર્મિક ઉત્સવ કરતાં જુદા પડે છે. હોળીને શન વખતે ચેહે એટલે હોળી હારીં સંકળાયનેલ આહા.

ડાંગમાં આદિવાસી રાજ હતાત. એ બધા જ રાજ સ્વતંત્ર હતાત. ભારત આઝાદ હુઈનાં તાંવ લગી ખરા અર્થમાં ચે રાજ સ્વતંત્ર જ હતાત. આમલા (લીંગા), દર્ભાવતી (દહેર), ગાઢવી, પીંપરી, વાસુણા, શિવબારા, ચીંચલી, ગડદ, અવચર, પીપલાઈદેવી, વાડીયાવન, વળસ વિહિર, બીલબારી, ઝરી, ગારખડી જીસાં રાજ્ય હતાંત. સમૃદ્ધ જંગલ ઈજ તેહની મિલકત હતી. રાજ હન પ્રજા વચ્ચે રહેણી કહેણીમાં કોઈ પણ ફેર નીં હતા.

ઈ.સ. ૧૮૧૮માં અંગ્રેજે હીં ખાનદેશ વિસ્તારવર કબજા જમાવેલ. પછીથી ઝડપી વિકાસ કામ માટે પુષ્કળ પ્રમાણમાં ઈમારતી લાકડાની જરૂર પડેતી. ડાંગનાં સમૃદ્ધ જંગલવર અંગ્રેજોના ડોળા ફીરતાત. તેહી અહે બળ નીં પણ કળ થી કામ લીધાં. હન અંગ્રેજે હીં ડાંગના રાજાહારીં વાતચીત કરી ઈ.સ. ૧૮૪૨માં એક સમજૂતી કરી ડાંગનાં જંગલ ભાડે પટ્ટાથી લીધેલ. ઈસ્ટ ઇન્ડિયા કંપની નીં મુંબઈને ડોકયાઈમાં લાકડાં પહોંચાડુલા બીલીમોરાથી વઘઈ સુધી રેલ્વે પણ ટાકેલ હતી.

જંગલ ભાડે લીધા પછી અંગ્રેજે હીં જંગલની માવજત પણ શરૂ કી. તેહીજ ડાંગલા વાયલે વાયલે રેંજ (વિભાગ) માં વાંટી દીધાં. આહવા, ભેંસ કાતરી, વઘઈ, સામગહાન, પીપલાઈદેવી, સુબીર, બરડીપાડા હન પીંપરી જીસે વિભાગમાં વિભાજીત કીયેલ. ભાડા પટ્ટાની વાર્ષિક રકમ વાંટુલા માટે જહે બધે રાજાલા ગોળા કરત તે મેળાવડાલા ‘દરબાર’ આખત. પહેલા દરબાર ઘુળેમાં, પછી પીપલાઈદેવી (ઈ.સ. ૧૮૮૮) હન વઘઈ, (ઈ.સ. ૧૯૦૦) ભરાયનેલ. ત્યાર બાદ આહવામાં જ ભરાય જહે.

બધે રાજાહલા એકજ જાગાવર ગોળા કરી અરસ પરસ મુલાકાત કરી પરિચય કેળવી તે હારીં ગોઠી કરી જંગલવર કબજા જાળવી રાખુલા તેહની ગણતરી હતી. રાજાહ પણ અંગ્રેજ પોલીટીકલ એજન્ટને હાથી સાલીયાણાં લેવલા ગૌરવ અનુભવત.

દેશ આઝાદ હુઈના તાહાં દરેક દેશી રાજયનાં વિલિનીકરણ કરવામાં આનાં. ડાંગને રાજાહીં પણ અખંડ ભારત માટે તેહની મરજી દાખવેલ હન દ્વિભાષી મુંબઈ રાજયના ભાગ બનનાત. શરૂઆતમાં બધેજ રાજાહશાલા

સાલીયાણાં જડેતાં - પણ ભારત સરકારનીં તીં પણ બંધ કે - પણ ખાસ કિસ્સા તરીકે ડાંગને રાજશાહલા તીં દેવલા ચાલુ રાખાંહાં.

ડાંગના રાજ ત નાંવના જ રાજ આહાત. ડાંગ દરબાર વખતે તેહનાં માન પાન રહે હે, બાકીના દિવસોમાં ત તેની જુદગી એક સામાન્ય માનુષને જુસી જ રહે હે. દુસરે રાજ્યના રાજાહ પાખ ત, દેશ આઝાદ હુઈના તાહાં કરોડો રૂપિયાની મિલકત હન રાજ મહેલ હતાત. તી અખી મિલકત તેહની હુઈનેલ. પણ ડાંગી રાજાહશી સ્થિતિ તેહ કરતાં ઉલ્ટીજ આહા. ડાંગને રાજાહશાં બેસ મકાન પણ નીં હતાંત ત રાજ મહેલની તે ગોટ જ દૂર રહની. દુસરા રાજ ત ચુટણી લડી હન પ્રજાના પ્રતિનિધિ બની હન સંસદમાં, ધારાસભામાં, કા પંચાયતતંત્રમાં રહીને પણ સત્તાના ભાગીદાર આહાત. પણ ડાંગના અપવાદરૂપ ગાઢવીના રાજ સીવાઈ કોઈપણ રાજ જાહેર જીવનમાં નીં પડનેલ કા સત્તામાં સામેલ નીં હુઈનેલ. શિક્ષણ વગેરેમાં પણ આધુનિક જમાના હારીં રાજાહશીં તાલ જાળવુલા નિષ્ફળ જ રહના હાત હન એક સામાન્ય માનુષને જુસીજ જુદગીથી સંતોષ માની બીસના હાત. ડાંગ દરબાર ચેહે તે દિસીં જ તે રાજ.

એક વખતે જે લોક કરોડોની સંપત્તિના રાજા હતાત તે લોક આજ ‘ગરીબીની રેખા’ નીચે જીવન જીવતા હાત. ઈએક કરુણતા જ આખાય જ.

- - -

સાલ્હેર - મુલ્હેરના ઇતિહાસ

સાલ્હેરનાં મૂળ નાંવ શૈલગિરિ હતાં. શૈલગિરિના અર્થ દગડીના ડોંગોર ઈસા હુયે હે. ખરેખર પણ સાલ્હેર દગડીનાજ ડોંગોર આહા. સાલ્હેર લા એક વખત ગવલીગઢ તરીકે પણ વળખવામાં ચેહેતાં. જુના ઇતિહાસ મુજબ અઠ પહેલાં નાઈક ભીલ વંશનાં રાજ હતાં. માગુન તાહાં આહિરોનાં રાજ આનેલ. મુલ્હેરના ઉલ્લેખ મહાભારતમાં રત્નપુર તરીકે આહા. મયુરધ્વજ નાવના રાજાનીં નગર વસાવી તેનાં નાંવ મયુરપુર પાડેલ હન તે વરહુન મુલ્હેર નાંવ પડનાં. મયુરધ્વજ રાજા શ્રી કૃષ્ણના ભક્ત હતા. તેની અઠ ‘રાસક્રિડા ઉત્સવ’ શરૂ કરેલ હતા જે આજું પણ ચાલુ જ આહા. ઈ.સ. ૧૦૮૯ માં સૌરાષ્ટ્રના યાદવ રાજપૂત દ્રઢપ્રહારનીં મુલ્હેરમાં તેની રાજગાદી બનાવેલ હતી. ઈ.સ. ૧૩૦૮માં કનોજમાંથી અઈ ઈને રાજસત્તા કબજે કરનાર રાઠોડ (બાગુલ) રાજાનીં પોતાને નાંવ વરહુન તેનાં નાંવ બાગલાણ થેવાં. બાગલાણ સ્ટેટમાં સાકી, સટાણા, તાહરાબાદ, પીપલનેર હન ડાંગના થોડા ભાગના સમાવેશ હુયેતા. રાજ્યના પહેલા રાજા નાનદેવ રાઠોડ હતા. તેના પછી મહાદેવ શહા, ભૈરવશહા, નારણશહા, પ્રતાપશહા, જુસા રાજા હુયલે. તેંહી ૩૫૦ વરીષ રાજ કીયેલ. ઈ.સ. ૧૫૯૯ની આસપાસ અકબર બાદશાહનીં બાગલાણવર હુમલા કીયેલ પણ તેમાં તેલા જીત નીં મીળની. મુલ્હેરની વિખ્યાત મુલ્હેરમુઠની તલવાર જાણીતી હતી. બાગલાણ સ્ટેટ નીં આહીરાણી ભાષાલા રાજભાષાના દરજજા દીઘેલ હતા. રાજકાજમાં આહીરાણી ભાષાજ વાપરાયે તી. મોગલોની નજર એ કિલ્લાવર હતી જ. અકબરથી નીં જીતાયનેલ ઓ કિલ્લા ઓરંગઝેબની બાર વરીષના પ્રયત્ન પછી મેળવેલ હતા. પણ એ કિલ્લાવર તેની સત્તા માંડ ચાલીસેક વરીષ ટકનેલ. શિવાજી મહારાજનીં એ કિલ્લાવર હુમલા કરી હન પોતાને રાજ્યમાં જોડી દીઘેલ. સાલ્હેર - મુલ્હેરના કિલ્લા શિવાજી મહારાજને રાજના રાજમુગટ ગણાયતાત. અઈ કબજા કીયેલ તાહાં ઓછામાં ઓછા ૫૦ મોગલ સરદારલા કેદ કીયલ. હન ૧૦,૦૦૦/- સૈનિક, ૩૫૦ હાથી, ૩૦૦૦ ઘોડા, ૭૦૦ ઉંટ, હન અગણિત સંપત્તિ મીળનેલ હતી. એ લડાઈ પછી ફરીથી ક્યારેય મોગલોની એ કિલ્લાવર હુમલા નીં કીયેલ હતા. ઈ.સ. ૧૮૫૦ સુધી બાગલાણ સ્ટેટનાં મુખ્ય મથક મુલ્હેર હતાં. બ્રિટિશરોનીં ખાનદેશ વિસ્તાર કબજે કીયેલ. સાલ્હેર વિભાગના વહીવટ ગુજરાત હારી હન બાગલાણ વિસ્તારના વહીવટ સટાણામાં થેવી, મુલ્હેરલા મહારાષ્ટ્ર થી અલગ કીયેલ હતા.

ડાંગના મુખ્યમથક આહવાથી ચીંચલી, બાબુલઘાટને રસ્તે સાલ્હેર જવાય જઈ, મહારાષ્ટ્રનાં પહેલાં ગામ અલિયાબાદ ચેહે. અઈ મહારાણી અહિલ્યાનીં શિવમંદિર બનવેલ આહા. હોલકરવંશની મહારાણી સોમનાથ

મંદિરને દર્શને નીંધનેલ. જઈ જઈ તી રાત રહે તઈ તઈ તી શિવ મંદિર બનાવત જાહતી. આલિયાબાદ, ચીંચલી હન ખાતળમાં શિવમંદિર આહાત. આહવાથી સાલ્હેર લગલગ ૪૫ કિ.મી આહા.

સાલ્હેરના કિલ્લા સંપૂર્ણ પત્થરને પહાડવર બનાવેલ આહા. વર જાવલા દોનજ રસ્તા આહાત. એક સાલ્હેર ગામ તરફ હુન હન દુસરા વાઘઆંબા તરફ હુન.

આમું મોરઝીરાના સરપંચ શ્રી સંપતભાઈ વાઢુ, ઘીરજ બાગુલ, દશરથ પવાર, રમેશ ચૌધરી હન માં, લાલુ વસાવા, આમું વાઘ આંબાને રસ્તે વર ચહડુલા નક્કી કીચેલ હતાં, થોડાં ચઢાણ ચઢયા પછી દગડામાં પગથિયાં કોરેલ આહાત. તેં ચેતાંહાંત. આગળ જતાં દગડીના દરવાજા ચેહે. આગળ જતાં પત્થરમાં સુંદર નકશીકામવાળાં પગથિયાં આહાત. હન માંગુન દુસરા દરવાજા ચેહે. આગળ જતાં બખોલ આહાત. તેમાં સૈન્ય દપી રહેતાં. અમુક બખોલમાં પાણી આહા હન અમુક બખોલ કોરે આહાત. સીધા રસ્તા પસાર કરી વર જતાં દરવાજા ચેહે. તહુન માંગુન ટોચ વર જવાય જહે. વર પરશુરામનાં મંદિર આહા. ભગવાન પરશુરામની અઈ તપ ઘરેલ હતાં ઈસાં માનવામાં ચેહે. અઈ પરશુરામનાં પગલાં હન શિવલીંગ આહા.

ઉતરતી વખતે આમું સાલ્હેરગામ તરફના રસ્તા પસંદ કીચેલ. કિલ્લાવરહુન નીચે ઉતરતાં પાણીથી ભરેલ વિશાળ તળાવ ચેહે. જેમાં વચમાં દગડીના થાંભલા આહા. એ તળાવની કોતરણી અદ્ભૂત આહા. ઉપર વાસમાં ગંગા-જમના નામનાં દોન ટાંકા આહાત. સાલ્હેર ડોંગોર વરહુન જ પૂર્ણા નદી નીંધ હ. હન તી, નવસારી નજીક અરબી સમુદ્રલા મીળે હ.

અઈ દશેરાના દિસ મોઠા મેળા પણ ભરાય જહે.

૦

ભારતની ભાષામાંસલાં સાહિત્યલા પ્રોત્સાહન દેવલા શાઠી ભારત સરકારની ‘સાહિત્ય અકાદમી’ નામની સંસ્થાની રચના કીચેલ આહા. ચે સંસ્થા દ્વારા બેસ ચોપડાલા-ગોઠીલા-ઈનામ દેવામાં ચેહે. આતાં લગી ભારતની મુખ્ય ભાષાલાજ ઈનામ દેવામાં ચેહાતાં. ગયા વર્ષથી સાહિત્ય અકાદમીની જુદી જુદી આદિવાસી ભાષાલા પ્રોત્સાહન દેવલા સાઠી ‘ભાષા સમ્માન’ ના નાંવનાં નવાં ઈનામ શરૂ કીચેલ આહા. એ વરીષ જે ચેર આદિવાસી ભાષાલા ચે ઈનામ માટે સમાવેશ કીચેલ આહા તેમાં ભીલી ભાષા પણ આહા. એના અર્થ ચો હુઈના કા આતાં ભીલી ભાષાની મૌખિક પરંપરાની કોઈ કથા માટે અથવા ત ભીલીના વિકાસ માટે કરેલ કામગીરી બદલ રૂ. ૨૫૦૦૦/- નાં ઈનામ દિલ્હીમાં એક ખાસ સમારંભમાં દેવામાં ઈલ. ભીલી ભાષા બોલનાર માટે ઈ ગોટ ખરેખર ગૌરવ લેવા જુસી આહા.

ભીલ આદિવાસીસા તેજસ્વી ઇતિહાસ

ચામુલાલ રાઠવા

ઈસવીસનને ૩૭ અને ૪૫ સદીપાસુન ભીલસા લિખિત ઉલ્લેખ સાપડે છે. ગુણાદ્યની ભીલસા ઉલ્લેખ કરેલ આહા. અયોધ્યાના રાજા અમરદત્ત તેના પોસા મૃગાંકદત્ત તેની વિંધ્ય ડોંગોરના ભીલરાજા માયાબટુ હન માતંગરાજ દુર્ગપિચાશ તે અવંતી નગરને રાજા કર્ણસેનલા યુદ્ધમાં મદદ કરત ઈસા ઉલ્લેખ આહા. તે જ પ્રમાણી આબુના પિહલા રાજા કેયો ચો ભીલ હતા. ઓંકાર, માઘાત, જંબુઘોડા, સિરોહી ચે ભાગમાં બળવાન ભીલ રાજા હતાત. ભીલ ચે રાજસ્થાનના મૂળ નિવાસી માનાયતાહા. સિંધ પ્રદેશ પર મહમદ બીન કાસીમની આક્રમણ કેં તે વખતના પિહલાં ભીલ રાજસ્થાન અન સિંધને મૈદાન પ્રદેશમાં વસેલ હતાત. ગુજરાતમાં મુસલમાનસાં શાસન આનાં તે પિહલાં અમદાવાદ નજીક આસા નાવને ભીલ નાં બળવાન રાજ્ય હતાં તેલા આસાવળ ઈસાં હી સાંગત.

ઈતિહાસ કાળમાં ભીલસે વાયલે-વાયલે રાજકર્તાસાં વાયલે-વાયલે લોકાસે હારીં મેળ હુયના. પરદેશીસે આક્રમણ વખત ભીલસીં સ્થાનિક રાજકરનાર સાહલા લડાઈમાં મદદ કયેલ. મેવાડના બળવાન રાજા બાપ્યારાવળ નીં અજમેરને છેલ્લા મૌર્ય રાજાલા હારવી દિધેલ તેમાં મેવાડને મેદા નાવને ભીલ સરદારનીં મદદ કયેલ. મેવાડને સિસોદિયાવંશના મૂળ પુરુષ ગૂહ કા ગોહાદિત્ય તેલા બાલી હન દેવ ચે ભીલ કુંવરસીં પરદેશીસે આક્રમણ વખત લડાઈમાં મદદ કયેલ. તાહાં પરદેશી સાહલા હરાવલા. તે વખત પદરને આંગઠાને રગતના ટીળા લાવી તે ભીલ કુંવર સાહલા રાજા બનવાત. તીસાંજ ડુંગરપુરના ડુંગરિયા ભીલ, બાંસવાડાના બાંસિયાભીલ, જવાસના જોગિયા, રામપુરના રામા, ભાણપુરના ભાણા, કોટાના કોટિયા, ઈડરના કટારા ભીલ ચે અખે ભીલ રાજાસીં અન તેહને વિશ્વાસુ માનસાંસીં તુર્ક, અરબ, મોગલ હન ઈતર આક્રમકસે હારીં લડાઈમાં રાજપૂત સાહલા મદદ કયેલ. મહારાણા પ્રતાપ ચેના મુખ્યસેનાપતિ પૂંજ ભીલ ચેની હીં મોગલસે વિરુદ્ધ લડાઈમાં મદદ કરેલ. મતલબ રાજપૂત રાજાસાહલા અન દુસરે રાજાસાહલા ભીલસીં પરદેશી હુમલા વખત લડાઈ લડી તેહની સત્તા સ્થિર કરુમાં મદદ કયેલ.

પન પરદેશીસાં આક્રમણ વધતાં તહલા રાજા હારનાત હન પદરનાં રાજપાટ છોડુલા લાગનાંત તાહાં ચે રાજાસીં ભીલ રાજાસે પ્રદેશવર આક્રમણ કરી તેહના રાજ જીતી તેહલા રાનમાં તંગાડી દિધાત. તેમાં કદી ઈસાં હુયના કા, પરદેશી આક્રમકસીં તંગાડી લાવેલ રાજા અન ભીલ રાજા ચે હારીં હારીં રહુલા લાગનાત. અઠલે રાજાસાહલા ભીલસે પરાક્રમ અને બળ શંકા અન ભેવ લાગના. ચે આપાલા ભારીં પડતીલ ઈસાં તેહલા લાગુલા લાગનાં તાહાં તઠલે બળવાન રાજાસીં ભીલ રાજાસે રાજવર ચઢાઈ કરી તેહના રાજ હિસકી લીધાત. અન નવીન ઉઠાવ કરત નીહીં તે સાહી તેહલા ખૂબ ખરાબ રીતિ કતલ કઈ. ભીલ રાજા પદરના રગતેળા જીવ બચવુલા મોઠે રાનમાં પોળી ગેત. સત્તાબદલાઈ જ તે વખતલા આખું ભીલસાહલા ત્રાસ હુયે. જાહાં આક્રમણ હુયે તાંહા આક્રમકસે કડૂન અન માગુન તઠલે સ્થાનિક રાજાસે કડૂન ત્રાસ સહન કરુલા પડના. અતિસહનશીલ અન શોષિત વૃત્તિવાળા ભીલ થોડીક સદી પાવત ત્રાસ સહન કરનાત. શાંતિને વખતમાં તઠલે લોકસે હારીં રહુલા પારકેપણાની ભાવના રાખી નીહીં તરી તેહી ભીલસા માત્ર ઉપયોગ કરી લી માગુન તેહનાં સહઅસ્તિત્વ નકારુલા લાગનાત. તાહાં પંદરાવી સદીમાં રાજસ્થાન અન મધ્ય ભારતમાં જુનાટ અન સનાતની ધર્મમતના પ્રભાવ વધુલા લાગના. ભીલ

યે મૂળી ક્ષત્રિય જાત. તેહલા પ્રાચીન કાળહૂન વસેલ ક્ષત્રિય માનેલ જાતા હાં. તેહને પ્રતિનિધીલા દરવર્ષા અખિલ ભારતવર્ષ ક્ષત્રિય સમાજને સભાનાં આમંત્રણ દિજે હે. વિહિલા વરહૂન વિહિલ અન બિહિલા વરહૂન ભીલ ચો શબ્દ તૈયાર હુયના. સનાતની ધર્મને મત પ્રમાણી ભીલ હીન માનાયજુલા લાગનાત. તેહની જાતિ અન ધર્મ અખેસે સારકાંજ અન વાગનૂક હી સારકાંજ હુયુલા લાગનાં. પન જાતનાંજ સ્વતંત્ર અન લડાઈ વૃત્તિના ભીલ આતાં ચપકાયનાત. તેહી અન્યાય અન અત્યાચાર પૂર્વે નીં ઝૂકતાં તેના પ્રતિકાર કરુલા ઠરવાં. પન ઇસાં કરતાહીં તેહીં તેહનાં વિશિષ્ટતાપૂર્ણ જીવન છોડા નીહીં. તેહના આત્મસન્માન જાગૃત હુયના. તેહીં પદરને પ્રદેશના તાબા મેળવુલા રાજાસે હારી જંગલમાં દપી દપી ત્રાસ દેવલા શરૂઆત કરી. (જેલા ગેરિલા યુદ્ધ સાંગતાહાં.) જંગલમાથૂન અચાનક બાહેર ચી હન લૂટફાટ કરુલા લાગનાત. તહલે પ્રદેશમાં અંગ્રેજસાં રાજ સ્થિર હુયના તાંવ ઘર તેહીં ચો જ પ્રકાર ચાલવા.

જે કાળીં એખાદે સમાજના આર્થિક, સામાજિક કા સાંસ્કૃતિક પ્રભાવ નાશ કરુલા હવા ત પૂઢતે સમાજના રાજનૈતિક પ્રભાવ નષ્ટ કરાય જ હ. એખાદા તે સમાજના રાજકિય પ્રભાવ ખતમ હુયના કા, તે સમાજના ઇતિહાસ દૂષિત કરાય જ હ. રાજનૈતિક પ્રભાવ અન ઇતિહાસ સમાપ્ત હુયના માગુન તે સમાજનાં અખાં વ્યક્તિત્વ નાશ હૂઈ જાહા. યે જ પદ્ધતિનીં ભીલ લોકસાં પતન ઘડેલ હતાં. એક વખતની શાસન કરનારી ચી પ્રજા વ્યક્તિત્વ વિહિન હૂઈ ગઈ. ઇસાં હુયના તરી શૂરપણા, પ્રમાણિકપણા, આતિથ્યશીલપણું, ઉદારપણા યે વિશિષ્ટ ગુણ તેહીં છોડલા નીહીં. યે ગુણને વિશિષ્ટતા કારણ ચી પ્રજા અસ્તિવમાં આહા. મૂળીંજ ચી પ્રજા સ્વમાની હતી. કઠહી ઝૂકું કરતાં પ્રતિકાર કરુની વૃત્તિ યે સમાજ પાસીં આહા. પૂઢે યેહના રાજ હિસકી લીધા, માગુન તેહના ઇતિહાસ બગાડી ટાકા. ચી પ્રજા જંગલી, રક્તપિપાસુ, કુર, કપટી, આળસુ હન વ્યસની આહા ઇસાં દાખવજે હે. પન ખરાં હેરુલા ગે ત યે લોક બારિક સ્વરૂપિ ખેતી કરનારી અન લડાઈ ઝગડાના ધંધા કરનારી હતી. પન યે લોકસાં ખરા ઇતિહાસ દપાડી, તો વાઈટ પદ્ધતિની લોક સુંબર માંડી દીધા.

મૈદાન પ્રદેશમાં પરદેશીસાં આક્રમણ હન તે માગુન તહલે સ્થાનિક રાજકર્તાસા અન્યાય, અત્યાચાર હુન ડોંગોર સાહમાં તંગાડી દિયેલ ભીલનાયક ડોંગોર પ્રદેશમાંજ તેહનાં બારીક-બારીકલાં રાજ સ્થાપન કરનાત. થોડેકસી પૂઢે જ મજબૂત થાય રોપી સ્થિર હુયેલ ડુંગરી ભીલ રાજયના આશ્રય લીધા. આબુ પાસુન બહાનપુર ઘર પ્રસરેલ ડુંગરપટ્ટીમાં ૧૧વી સદી પાવત ચાંપાનેર. ચાંપાનેર સોંડલે ઘર બહુકરી ભીલસાંજ રાજ હતાંત. મુજફ્ફર શાહના નાતુસ અહમદખાનની ઈ.સ. ૧૪૧૧માં ઓસાવળને ભીલસાં રાજ જીતી તહિં અમદાવાદ વસવાં. અહમદશા બેગડાનીં ચાંપાનેરના રાજપૂત રાજ જીતી ઈ.સ. ૧૪૮૦માં સુમારાસ રેવાકાંઠા પ્રદેશને ભીલ રાજ વર તેની નજર ફીરવી તાહાં ખૂબ મોઠા સંઘર્ષ હુયનેલ.

મૈદાન પ્રદેશહૂન ડોંગરામાં વસેલ ભીલ નાયકસાહલા મુસલમાનસીં આક્રમણ કેં તાહાં આતાં ડોંગોરમાથૂન કહે જાંવ ઇસા પ્રશ્ન ઊભા હુયના. મગ તેહીં ભયંકર સંઘર્ષ કે. યે જ કારણી મેવાડ માળવાને મૈદાન પ્રદેશહૂન અરવલ્લી અન વિંધ્ય પર્વતને ડોંગોર પ્રદેશમાં વસેલ ભીલ સાહલા સંઘર્ષ કરુલા પડના. પન આધુનિક કિવાં વિકસિત શસ્ત્રસામગ્રી વાળે લશ્કર પૂઢે તેહલા હાર ખમુલા પડની. તેહલા બળજબરીહૂન ધર્માતર કરી સમાધાન કરુલા પડનાં. તેહની વસતિલા લૂટી લીધા. આક્રમકસેં હાથમાં ઇથેલ ભીલસા હાથપાય તોડી ટાકાત. તેહના ડોળા કાઢી લીધાત અન તેહની અખેસી કતલ કય. પન ભીલ કનેહી આક્રમણલા સંપૂર્ણ શરણે ગયલા નીહીં. તેહીં સંઘર્ષ કરુલા પસંદ કે. ઇસે પ્રકારી ૧૭વી અને ૧૮વી સદીમાં અખા ભીલ પટ્ટા અશાંત રહના. તહલા સ્થાનિક રાજકર્તા હેરાન-પરેશાન હુયનાત. મગ તેહી ભીલસાહલા ઠીકાની લાવુલા મોગલ સરદાર, મરાઠા અન અંગ્રેજસી મદદ લીધી. અન્યાય અન અત્યાચાર સહન કરી માગુન આતાં યેનાર રાજકર્તાસે હારી સંઘર્ષ કરુલા કમર બાંધી. ભીલસી માનસિક તૈયારી હુયની. અંગ્રેજ રાજ ચીલ ત યે પારકા લોક સે હારી આપાલાહી ઇસાંજ વાગુલા લાવતી અન કાયમી ગુલામગીરીમાંજ લી ટાકતી ઇસા ઇચાર કરી આતાં યેનાર રાજવહીવટહારીં સશસ્ત્ર સંઘર્ષ કરુલા ભીલ તૈયાર હુયનાત.

ભીલસે બળવાલાહૂન ૧૮૫૭ ને બળવાલા થીં સ્વતંત્રતાને યુદ્ધલા ખેર મીળનાં હવાં તરી, તે પિહલાં

જ ગુજરાતમાં ભીલસીં અન નાયકડાસીં અંગ્રેજસાહલા અન તેહલે પક્ષલેનાર સાહલા રામરામ કરેલ. ઈ.સ. ૧૮૦૦માં સુમારાવ ભીલનીં હોળકરસે રાજમાં લેવ ઊભા કે. તેલા ઠીકાની લાવુલા મરાઠાસીં સૈન્ય પાઠવાં પન તીં બુહું ઉપેગી હુયનાં નીહીં. ઈ.સ. ૧૮૧૮ની સાલમાં પેશવાઈ ખાલસા હુઈ. ખાનદેશ અન તેહને ભાગના પ્રદેશ અંગ્રેજસે તાબામાં આના. ૧૮૨૪માં અંગ્રેજસીં ખાનદેશ ભીલ એજન્સીની સ્થાપના કરી ભીલસાહલા ઠીકાની લાવુલા ભીલસી પલટન ઊભીં કય. (West Khandesh Bhil Corps) ભીલસાહલા તેહનેજ અન સ્વતંત્ર રાજસાહલા તેહને કારભારમાં અંગ્રેજ સી દખલ પસંદ પડની નીહી. અખેસે મોહર ગુજરાતમાં હાલોલ, કાલોલને નાયકડાસીં અંગ્રેજ વિરુદ્ધ બળવા પોકારા, તે ફસનાત અન જીવા નાયક હન રૂપા નાયક ચેહલા ફાંસી દીધી. ૧૭૭૩માં સાગબારાના સંસ્થાનિક ઉમેદસિંગ વસાવાનીં રાજપીપલાને જાહગીરદાર વિરુદ્ધ પદરને હક્ક સાઠી ચુદ્ધ પોકારાં. તેમાં અંગ્રેજસીં રાજપીપલાને સંસ્થાનિક ની બાજુ લી હન ભીલસા હક્ક નકારા.

ખાનદેશના પિહલા બ્રિટીશ કલેક્ટર કેપ્ટન બ્રિજજની નિમણુંક હુયની. મગ ભીલસાહલા કહોરપણી ઠીકાણી લાવુલા પ્રયત્ન કે. પન તેલા ભીલસાહલા ઠીકાણી લાવુલા કઠીન લાગુલા લાગનાં. તાહાં તેનીં મુંબઈને બ્રિટીશ કમિશનર એલ્ફિન્સ્ટનલા ભીલાસે બારેનાં કાય કરુલા ઈસી સલાહ માગી. તેની પૂઢે ભીલસાહલા રાનમાં તંગાડી દેવલા ઈસી સલાહ દીધી. પન માગુન તેની તેના વિચાર બદલા કારણ તેહલા જંગલમાં તંગાડી દેત સમસ્યા વધારી વિકટ હતી. તાહાં કર્નલ જેમ્સ ઓટ્રમ હારી સલાહ - મસલત કરી ભીલસે હારીં વ્યવહાર-વાગબુકસાની એક ખાસ નીતિ (ડિપ્લોમસી) બનવી.


તે વખતે અંકલેશ્વર પાસુન બરહાણપુર પર્યતને પહાડી પટ્ટીમાં અનેક ભીલ નાયક હતાત. અખે નાયકસે તાબામાં ભીલસે ટોળકે હેતેત. જે તેહને રાજકારભારમાં મદદ કરતીલ તેહલા અંગ્રેજસીં ઈનામ દેવની જાહેરાત કર્ધ. તે સાઠી તેહીં ભીલ નાયક સાહપાસુન વચન લીદાંત, જેહીં વચન સ્વીકારાં તેહલા તેહીં જાહગીર દીધી. વિસ્તાર સોપી પગાર ઠરવા. જે ભીલ નાયક સાહલા મદદ તેહલા તેહની જમીન, ખેતીનાં સાધન અન તગાઈ દીધી. જે ઈસાં કરનાત નીહીં તેહલા બંધકામાં ગોળે ટાકી ઠાર મારનાં આયોજન કે. પન ખાનદેશને થોડેક સ્વતંત્રવૃત્તિને ભીલનાયક હન સંસ્થાનિકસીં અંગ્રેજસીં ચી ચાલ સમજી લીધી. તેહી તેહને દાવમાં બંધાયજુલા ના પાડી દીધી. કનૈયાભીલ, ચિલનાયક, જીતા વસાવા, સુભાન્યા નાયક, દેવજી નાયક અન ભાગોજી નાયકસીં અંગ્રેજસાં વચન માનાં નીહીં. ચે અંગ્રેજ આપાલા સંપૂર્ણ ગુલામગીરીમાં ટાકતીલ અન આપાલા પિહલા હક્ક કદી જ માન્ય કરનાર નીહીં ઈસી ચે નાયક સાહલા પક્કી ખાત્રી હુયની. કાઠીના લક્ષ્મણસિંગ પાડવી, સાગબારાના જીવા વસાવા, ફતેસિંગ વસાવા ચેહી ત પ્રત્યક્ષ અપ્રત્યક્ષ રીતિ ઉત્તર કડને બળવાલા મદદ કરી અંગ્રેજસા ગુરસા વહોરી લીધા. ૧૮૩૦માં મોવાસી સ્ટેટના ભીલ જાહગીરદારસીં અન ૧૮૫૨માં ડાંગને ભીલ રાજસીં અંગ્રેજસે વિસ્તારમાં બળવા કરા. ૧૮૫૭ને બળવાની ચેહલા અસર લાગની ચી નિશ્ચત. પન ચે ભીલ નાયકસીં લડાઈ અલગ પ્રકારની લડાઈ હતી. વાયલે આક્રમકસે રીતિ અંગ્રેજ પન આપલે અસ્તિત્વવર ઘાલા ઘાલુ સાઠીંજ આનાહાત અન તેહલા ત ગુલામ કરતાં અપલી વધારી કિંમત નીહીં અન સહજ તેહને શરણ જાવ કરતાં તેહલા આપલે પાણી દાખવુલા પાહિજ ઈસાં ભીલસીં ઠરવા. હન ૧૮૧૮ માગુન સુલતાનપુર, ચોપડા, નંદુરબાર, શિરપુર ચે ભાગસાહમાં ભીલ નાયકસીં અન તે જે પ્રમાણી મેવાસી સ્ટેટ ભાગમાં ભીલ નાયક અન તેહને માનસાહીં ધમાચકડી મચાવી. ૧૮૧૮ પાસુન પુડલે પનાસ વર્ષ પાવત ખાનદેશ, ગુજરાત, માળવા, નગર અન નાસિક પરિસરમાંથલા ભીલ લૂટફાંટ કરી અંગ્રેજસાહલા મૈદાનમાં ચેવનાં આહવાન દેત હતાત. તેહલા અંગ્રેજસે શક્તિની માહિત હતી. ચે લડાઈમાં આપલા વિજય હુયુલા નીં આહા તી ચેહલા સમજ હતી. પન ખાનદેશને આદિવાસી ભૂમિમાં અંગ્રેજસાં આસન સ્થિર નીં હુયું દેવને જિંદગી ચી લડાઈ હતી. ચે લડાઈમાં ભીલસા વિજય હુયના નીહીં. પન ભીલ ચી પ્રજા કીસક આહા તેની કાચીમની આઠવ અંગ્રેજસે મનમાં રહીલ ઈસાં પરાક્રમ તેહીં કચેલ હતાં. ૧૮૫૭ના બળવા શાંત હુયના તે માગુન અન રાણીના જાહેરનામા નીંધના માગુન પન સમયપાવત ભીલ અંગ્રેજસે હારીં લડત હતાત. ભીલ રાજ પાસીં રાજ હતાં તેના અંગ્રેજ સનદી પુરાવા માંગત તાહાં ભીલ રાજસીં કમરની ધારદાર તલવાર કાઢી દાખવી હતી. ભીલસે બંદોબસ સાઠી લશ્કરી અધિકારી નિમલા. કેપ્ટન બ્રિજજ, મેજર ઈન્હોન્સ, લેફ્ટનન્ટ કેનેડી,

કેપ્ટન બર્ચ, કર્નલ ઓર્ટમ ચે તે અધિકારી હતાત. તરીહી તેહલા ખાનદેશને ભીલસા પુરા બંદોબસ હુઈલ નીહીં. કાટા વાની કાટા કાઢવા ચો ઉદેશલી અંગ્રેજસીં ભીલસાહલા લશ્કરી તાલીમ દી હન તેહને હાથી જમાતલા હીકાની લાવું સાઠી ખાલીલ ભીલ સેના તૈયાર કરી.

૧. ખાનદેશ ભીલ કોઅર
૨. માળવા ભીલ કોઅર
૩. મેરવાડ ભીલ કોઅર
૪. એરિનપુરા ઇરેગ્યુલર ફોર્સેસ
૫. ઘડગાંવ રાયફલ્સ

પન ચે ભીલ સેનાના હી ભીલસા બંદોબસ કરુલા ઉપયોગ હુયના નીહીં. ઉલ્ટા તેહની લશ્કરી તાલીમ લીહીન તૈયાર હુયેલ ભીલ નાયકસીં પદરની લશ્કરી તાલીમના ઉપયોગ અંગ્રેજસે હારી લડુલાં કરા. તેમાયલાં દોન ચોખ્ખા ઉદાહરણ મંજે વીર ભાગોજી નાયક અન વીર ખાજયા નાયક ચે હતાત. અંગ્રેજ પાસુન લશ્કરી વિદ્યા શીખી તેના ઉપયોગ પદરને ભાવુસ અન પદરને ભૂમિલા પરતંત્રતા માથુન મુકત કરુ સાઠી કરુની ભીલાપાસીં બુદ્ધિમત્તા અન ગુણવત્તા નીહીં ઈસાં સાંગુલા ભૂલ ભરેલ હુઈલ.

તે વખતની ભીલ પ્રજા સુશિક્ષિત પન નીં હતી. તરી એક સાથ અન એક દિલનીં વાગનારી હતી. તેહી એકદુસરેને જીવવર ઉદાર હુઈ સાથ દિધા. તેહીં તેહને નાયકસે વિરુદ્ધ છેતરપીંડી કરી નીહીં કા તેહમાથલા કોનીહી ફૂટ પાડુના પ્રયત્ન કરના નીહીં. દુશ્મનની નુકશાન કેહેં ત તેલા છોડુલા નીહીં. ગોરેસાં આસન આપલે ભૂમિમાં સ્થિર હુયુ નીં દેવના એક જ ઉદેશ તે અખેસી જાનમાં રાખી લડાઈ કરત હતાત. અન ખાજયા નાયક અન ભીમા નાયક સારખે ઘાડીસવાન રણવીરસા સાથ મિળના, માગુન તેહલા જીવ રહેં તાંવ લગી લડુલા હોંશ કાહા નીં ચહડેં?



આજનાં આદિવાસી
ખુદ આદિવાસી કલાકારની નજરમાં

ચોપડાં કુનાંનાં ?

ગણેશ દેવી

તેજગદ્ધના પિહોરાને ચિત્રમાં એક માનુષ કાગળવર કાંઠીં લખી રહના હા તીસી એક આકૃતિ રહેં હેં. પિહોરા ચિતરનારલા લખારા સાંગવામાં ચેહે. પણ, આદિવાસીના જીવનમાં લખાણનાં કાય મહત્વ આહા ? તે કીનાં ચોપડાં લખતા હાત ? તેં ચોપડાં કીસાંક રહતાં હાંત ? આપણે દેશમાં આજ જું કાંઠીં નવાં નવાં હુઈ રહનાં હાં તેમાં આદિવાસીનાં કાય સ્થાન આહા ? નવા જ્ઞાન (વિદ્યા) માં તેના કાય જ્ઞાના રહીલ ? એના વિચાર આજ જ કરુલા પડીલ.

સ્વતંત્રતા મીળની માગુંન ગામડામાં નિશાળી ખુલનેત. અમુક જગાવર કોલેજ પણ ખુલનેત. પણ લોકને પ્રમાણમાં નિશાળી ઓછે પડતે હેત. અભણપણાં (નિરક્ષરતા) દુર હુયે તીસી કોઈ નિશાળી આજું પણ નીં દિસે. આદિવાસી વિસ્તારમાં ત નિરક્ષરતાનાં પ્રમાણ સૌથી વધારે આહા. શરૂઆતમાં ઈસાં લાગેતાં કા થોડાં બુદ્ધિ વાંચતાં લખતાં આવડી જઈલ તેહલા નોકરી ધંધા જડી રહીલ. પણ તેહલા પટાવાળા, કારકુન જીસીજ નોકરી જડની. અનામત જગા પણ ભરવામાં નીં ચેત.સ્વતંત્રતા માંગુન આદિવાસી સાઠીં અલગ મતવિસ્તારની પણ રચના કરવામાં આની. આદિવાસીના પદરના માનુષ સંસદમાં, વિધાનસભામાં જઈલ, ત તેહની થોડી ઘણી પ્રગતિ હુઈલ ઈસાં વિચારવામાં આનેલ, પણ જે લોક તઠે ગેત તે દુસરાને જીસા જ રાજકારણને રમતમાં ગુંતી ગેત.

આદિવાસીના ઉદ્દ્યાર માટે મુલ્કી અધિકારી હીં જાત જાતને યોજના ઘડેત. અલગ કચેરી ખોલવામાં આનેત. તેમાં શ્રી બી. ડી. શર્મા સાહેબ જીસા હોશિંચાર અધિકારીની નીમણુંક હુચની. તેહીં આદિવાસી વિકાસ માટેના અહેવાલ તૈયાર કેત. આદિવાસી સાઠીં અલગ પેટા યોજના (Sub Plan) શરૂ કરવામાં આનેત. પણ, ઈં બધાં અમલમાં થવાયનાં તે પેહલાં જ એના આશાવાદ ઓછા હુઈગે. માગુંન જંગલ બાબતે સરકારના નવા કાયદા આના. ઈ.સ. ૧૯૮૪માં અંગ્રેજ શાસકનીં બનવેલ કાયદામાં આદિવાસી લોકાલા જરૂર પુરતી વનસી, બાળુલા લાકુડ, મધ જીસી આડપેદાશ લેવલાની રજા હતી. નવે કાયદા મુજબ જંગલની માલીક સરકાર બનની.

જુને જમાનાથી આદિવાસી લોક જંગલ વિસ્તારમાં ડોંગરાવર રહતા હાત. ચેં ડોંગરાં નદીને સુંબુરના હતાંત. ડોંગરાવર રેલના ભેવ નીં રહેતા. વિકાસના કામ માટે પાણીં હન વીજળીની જરૂર વધત ગી. નવી વીજળી પેદા કરુલા હન સીંચાઈ માટે પાણીં મેળવુલા બંધ બાંધાયલા લાગનાત. ચે બંધ ડુંગરાળ વિસ્તારમાં બાંધાયનાત. બંધનાં પાણીં ડોંગર સુધી આનાં. અનેક આદિવાસી ગાવાં ડુબાણમાં ગેંત. તઠલે લોકાલાં ઉઠાડીને નવે જગાવર વસાવવામાં આનાંત.

એજ અરસામાં દુસરે ગામડાંમાં સહકારી મંડળી ચાલુ હુઈનેત. શાહરામાં નવાં નવાં ઘરાં નવી સડક બનત ગી. નવાં નવાં કારખાનાં બનત ગેંત. શાહરાંને પોશાંહલા ગણવેશ (યુનિફોર્મ) માં નિશાળે જાવલા જડેતાં. બાયકા ભણી રહત તાંવ લગી તેહલા લગીંન નીં કરુલાની છુટ રહેતી. અજે દેશમાં બેસ પુલ, બેસ ઘરાં, બેસ મશીન બનાવુલા ચંત્રનાં શિક્ષણ હન દાકતરી વિધાનાં શિક્ષણ શરૂ હુઈનાં. તીં શિક્ષણ મેળવુલા શાહરામાં બાંડગા-બાંડગીશીં મોઠી મોઠી કતાર લગાવી દીધેલ. જેહલા એનજીનિયર કા દાકતરને શિક્ષણમાં ગજ નીં લાગ

તાં તે દુસરે ભોગવાદી ધંધામાં પડનાત. સિનેમા, હોટલ ઉદ્યોગ જુસા ભોગવાદી ધંધા શરૂ હુયનાત. બેંકોમાં ભરતી હુયુલા લાગની. અનેક લોક દુસરે દેશમાં જાઈને તઠે કામ કરુલા મંડનાત. એ બધામાં પણ ખૂબ મહેનતની ત જરૂર પડેતી. જુલી બેસ મહેનત, જુલાં બેસ ધ્યાન, તુલાં તેહના ફળ જડત ગેં. મહેનત પ્રમાણેનો જશ જડીલ તીસી તેહલાં ખાતરી હતી.

આદિવાસીને ભાગ કાચ આનાં ? ત કા લંગોટી હન ભૂખ. મહેનત મજૂરીનાં કામ હન નિરાશા. હતાશ હુઈનેલ આદિવાસી મોટા પાયાવર વ્યસનના ગુલામ હુઈ ગેત. આજ થી સેં-દીઢ સેં વરીષ પહેલાના આદિવાસી તેજસ્વી હતાત. તેહમાંસલા અનેક લોકાંહીં અંગ્રેજ સરકારની વિરુદ્ધ આઝાદી માટેની જોરદાર લડત ખેળેલ. અનેક રાજહલા આદિવાસીના ટેકા જડેતા. આદિવાસી વિસ્તારમાંથી સેના લી જાવલા તેહલા કર ચુકવવામાં ચેહેતા. અમુકનીં તેહની સેનાના સેનાપતિપદવર આદિવાસીની નિમણુંક કીચેલ હતી. મહારાણા પ્રતાપ હન શિવાજી મહારાજલા આદિવાસીની સહાય જડેતી. આદિવાસીની જમીન, જંગલ, પાણીં વર તેહની પદરની સત્તા હતી. દેશમાં કાચ ચાલી રહનાં હાં તેના વિશે તેહલા પુરેપુરી જાણકારી હતી. જુને જમાનામાં ત કિત્રર નાંવના આદિવાસી લોક હિમાલયમાં રહેતાત, તેહલા દેવને જુસાં માન દેવામાં ચેહેતાં. મહાભારત હન રામાયણને જમાનામાં આદિવાસી હીં ઘણી રાજસત્તાં ભોગવેલ હતી. પણ, આજ ઈં બધાં જ માત્ર આદિવાસી ભીંતચિત્ર વર હન ગોઠી માં જ રહી ગીચેલ આહા. આજના આદિવાસીનીં તેહની વળખ ગુમાવી દીધેલ આહા. ખ્રિસ્તી, મુસલમાન, હિંદુ બધાજ તેહલા સમાજની સૌથી નીચલી પાયરી બનાવુલા થનગની રહના હાત. કારખાનામાં કા કોન્ટ્રાક્ટર પાંસી તેહલા બેગારી સીવાઈ દુસરાં કામ ભાગ્યેજ જડે હે. હન શાહરાના લોક આદિવાસીલા શાહરાના કુંહેલ ભાગ માનતા હાત. કાહ ?

ઈતિહાસના એક નિયમ આહા. ‘નબળાનાં સત્ય પણ નીં માનાય, હન બળવાનનાં અસત્ય પણ માનવાં માં ચેહે’. આદિવાસી લોક દુસરાને કાવાદાવાથી પાછળ રહી ગીચેલ આહા ઈસાં માનુલા બરોબર નીં મીળે. નવી ગોટ શીખતાં પહેલાં ખુદ પદરની કમી કાચ આહા તીં શીખુલા પહેલી જરૂર આહા. ભોળપણ આદિવાસીના દોષ આહા ? જુને જમાનાનાં હથિયાર તીર કામઠાં નીં છોડલં તો તેહના દોષ આહા ? મનથવી હન નાચુલા કુદુલાના સ્વભાવ તેના દોષ આહા ? નીં - નીં. તેહના સૌથી મોઠા દોષ આહા- નવાં જાણુલા માટેના ઉત્સાહની કમી. જ્ઞાન મેળવુલા માટેની ઘગશની કમી. તે માટે યોગ્ય મહેનત નીં કરુલાના તેહના સ્વભાવ. કોઈ સમાજ પ્રગતી કર હ તો કેવળ હથિયાર હન પૈસા નાજોરે નીહીં. તે સમાજની દેરેક પીઢી નવે પીઢી માટે કાંઈ તરી શીખ થેવી જાહા. આગલે પીઢીનીં મેળવેલ જ્ઞાન વિદ્યા કા શાસ્ત્રને રૂપમાં તે જતન કરી જાણતા હાત. પ્રાચીન હવા કા નવા- આધુનિક, કોઈ પણ સમાજ હન લોક બળવાન હુયતા હાત તંદુરસ્ત શિક્ષણના કારણે જ.

મંઈ કુલેખાન શિક્ષિત યુવાના હારીં ચર્ચા કીચેલ હતી. તેમાંસુન કોઈ પણ યુવાન તેહને ગાંવમાં શિક્ષિકનાં કામ કરુલા તૈયાર નીં મીળે. તઠલાં પોશાં ધુળમાં ખેળતાં હાંત. તઠલે નિશાળી પણ ઈસે જ. ભણેલ લોક શાહરામાં બેકાર જીવન પસંદ કરતા હાત, પણ તેહલા ગાંવામાં શિક્ષણનાં કામ કરુલા શરમ ચેહે. તઠે જ નિમણુંક હુઈ જ જા, ત તહુન બદલી કરાડી લેવલા મોઠી રકમ હોપુલાપણ તેહનીં તૈયારી રહે હે. જે લોક વધારે ભણેલ આહાત તેહલા શાહરામાં બેસ નોકરી જડી જાહા, તાહાં સૌથી પહેલાં તે આદિવાસી આહાત ઈસી વળખ દાખવુલા ટાળતા હાત. આદિવાસી હોવાં તેના માટે શરમની ગોટ લાગે હે. તો આદિવાસી જુસા નીહીં પણ દુસરે સમાજને જુસાં જીગુલા માંડે હે. નકલ કરવામાં તો શક્તિ ખર્ચેહ. ગામડાંની નિશાળી ત નાંવને જ જુસે ખોલાય તેહેત. ભણેલ હન ઈંચા હોદ્દાવર નોકરી કરવાવાળા આદિવાસી પોતાને સમાજ હારીંના સબંધ તોડી અલગ હુઈ જતા હાત. ઈસી અળગાપણની ભાવનાના કારણે દુસરા લોક પણ પોતે આદિવાસી આહાત તે માટે અફસોસ કરતા હાત. દેશના નવ કરોડ આદિવાસીમાંથી કમસે કમ પાંચ-છ કરોડ લોક ત શાહરામાં પહોંચી જાવલાની વાટ હેરી રહના હાત. મોટા ભાગના લોક નીં છુટકે જ ગાંવમાં રહતાં હાત. આપતે ૩૦-૪૦ વરીષમાં તે પણ શાહરામાં પહોંચી જતી. તઠ જાઈને ભોગવાદી જીવન પદ્ધતિમાં છેક છેલ્લાં પગથિયાં બની ઝુંપડપટ્ટીમાં સંસાર ચલાવતીલ. ઈં કાંઈ (Sub plan) થીં રોકાયજુલા નીં મીળે. અલગ મતદાર વિભાગ રચી હન પણ કાંઈં શુકરવાર વળનાર નીં

મીળે.

શાહરામાં કામ જડી રહે છે. ગજવામાં પૈસા હવાત ત જરૂર પડયે દવાદારૂ પણ જડી રહે છે. શાહરામાં પાકાં મકાન રહતાં હાંત. નવી નવી વસ્તુ તઠે જડી રહે છે. તેથી ગાંવ કરતાં શાહાર વધારે બેસ ઈસાં ભ્રમનાં વાતાવરણ ઉભાં હુયે છે. આપલે દેશના લોક દુસરે દેશમાં જતા હાત તાહાં તઠલાં જીવન હેરી હન ઈસા જ ભોળવાઈ જતા હાત.

પ્રગતિ માટે, નવી જીવન પદ્ધતિ માટે, નવા વિચારની જરૂર રહે છે. નવા વિચાર, નવાં જ્ઞાન, નવી વિધા. કુદરત તરફ, સમાજ તરફ, રૂઢી હન પરંપરા તરફ હેરુલાની નવી રીત. જ્ઞાન મેળવુલા હન સાચવી રાખુલાની હન ઈ જ્ઞાન એક પીઢીથી દુસરી પીઢી તરફ લી જવલાની પહેલાના જમાનાથી કેટલીક રીત પ્રચલિત હતી. જુને જમાનાને આદિવાસીની તી પદ્ધતિ આત્મસાત કીયેલ હતી. મૌખિક પરંપરામાં, જ્ઞાન હન વિધા સંગ્રહીને તેનાં જતન કરી શકાયે તાં. પણ આતાં ને જમાના હારી ઈ પદ્ધતિ ની કામ દે. આતાં ત જ્ઞાન હન વિધા મેળવુલા ચોપડાં જરૂરી આહાત. જેને હાથમાં ચોપડાં ની મીળે, જેલા વિધાની કીમત ની મીળે, વિધાનાં મહત્વની સમજે, તો પાછળ જ રહી જાંવના. તેહના મુખપાટીને જ્ઞાનની આતાં કાંહી પણ કિંમત ની મીળે. કોઈ કદર ની જડુની.

પણ, ઈ ચોપડાં કુનાનાં ? આદિવાસીલા નિશાળમાં જે ચોપડાં ભણુલા દેવામાં ચેતાં હાંત તેં ત દુસરાંહી બનાવેલ- લિખેલ રહતાં હાંત. પરીક્ષા પાસ કરી હન નોકરી જડી શકે છે, પરીક્ષામાં જે સવાલ શોદાય તાહાત તે દુસરાંહી બનાવેલ ચોપડા માંસુન શોદાય તાહાત. એ ચોપડામાં આદિવાસીને જ્ઞાન વિધાનાં કાંહી સ્થાન-જગા ની મીળે. લોક બધાં ભૂલત જતા હાત. ઈ બધાં ભૂલાયે તે પેહલાં તેલા રોકુલા પડીલ. તોજ આદિવાસી પોતાની સંસ્કૃતિ હન પરંપરાવર દુસરાંના આક્રમણ ટાળી શકીલ. એ માટે આદિવાસીને પોતે નિર્ધાર કરુલા પડીલ.

સેં શિક્ષિત આદિવાસી જ પોતાને ગાંવમાં જાઈને તઠે શિક્ષકનાં કામ કરુલા તૈયાર રહીલ ત ૧૫-૨૦ વરીષમાં તેં આદિવાસી ગાવાં સશક્ત બનતીલ. આદિવાસીનાં ગૌરવ જગાડીહન ઈ કામ કરુલા પડીલ. જ ઈસાં હુઈલ ત અનામત મતદાર સંઘ દ્વારા જગૃત સંસદ સભ્યો દ્વારા આદિવાસીના અવાજ દેશભરમાં ગાજી ઉઠીલ. કદાચ આદિવાસી પેટા ચોજના નાં કામ પણ અપેક્ષા મુજબ ચાલીલ. તજ આદિવાસીના દિવસ બદલાઈજીલ. પણ તે માટે ત્યાગની જરૂર આહા. શહેરના ભોગવાઈ જીવન કરતાં ગામડામાં નવસર્જન એજ દ્યેય માની હન ચાલતા યુવાનનીજ જરૂર આહા. જંગલ કુનાનાં ? પાંણી કુનાનાં ? એને હારી હારી ‘ચોપડાં કુનાનાં ?’ ઈ શોદુલા પણ જરૂરી આહા.

આવતી સદીમાં દેશની નવકરોડ આદિવાસી પ્રજા જ શિક્ષણમાં માગાં રહી જાલ ત તેથી ખુદ આદિવાસીલા ત તકલીફ પડીલ જ, પણ તેથી આગળ તેનાથી દેશ હિત પણ જોખમાઈજીલ. ભારતને અર્થતંત્રમાં સૌથી મોઠાં બળ માનવબળ આહા. એ બળમાં શિક્ષણનાં બળ-શક્તિ ઉમેરુલા આપણાં બધાનાં કર્તવ્ય આહા. આવતે ૧૫-૨૦ વરીષમાં આદિવાસી શાહી ભણતર માટે કમરતોડ પ્રયત્ન કરવામાં ઈલ ત તેમાંસુન જે શિક્ષિત બનતીલ તે ઈ કામ આગળ ચાલવતીલ. કદાચ તેમાંસુન જ ગણકચંત્રો ચલાવનાર, શાસ્ત્રના જાણકાર, કલાકાર, ચિંતકો, એ આદિવાસી પ્રજામાસુન પેદા હુઈતીલ. તેં હારી હારી ઈ પણ જરૂરી આહા કા આદિવાસીની પ્રાચીન સંસ્કૃતિ હન સમાજ જળવાઈરહે. તેમાંથી જ ઉદેં ને માટેનાં શાસ્ત્ર, કળા, ચિંતન, વધુ બેસ ઉંચ કોટીનાં બનતીલ. હન એ માટે ‘ચોપડાં કુનાનાં ?’ ચો સવાલ આપણે વારંવાર શોદુલા પડીલ.

એક આદિવાસી શિક્ષકનાં આત્મકથન

સુભાષ પાવરા

મહારાષ્ટ્ર રાજ્યનાં ધુળે જિલ્લામાં ૯૫% આદિવાસી વસ્તી ધરાવતા ઘડગાંવ (અક્રાણી) નાંવના તાલુકા આદા. સાતપુડાની ત્રીજી હન ચોથી ડુંગરહારમાળાની વચમાં ચો વિસ્તાર આનેલ આદા. ઊંચાં ઊંચા ડોંગોર, ઝરણાં હન કુદરતી વાતાવરણવાળા યે દુર્ગમ વિસ્તારમાં પાવરા નાંવથી ઓળખવામાં યેહે તી લીલની એક જાત વસે હે. યે ઘડગાંવ તાલુકાના એક બારીક ગાંવ- રાડીકલમમાં માના જન્મ હુઈનેલ. ય જાગાવર આમના પૂર્વજ ખાસા સમયથી રહત. તેથી ગાંવમાં પિયતવગરની થોડીક જમીન પણ આદા. તેમાંસુન પોટગુજરા જુલાંક પીકે હે. પૈસાની આવક ઓછી. તેથી ભણતરનાં વર્ષાં અબદામાં જ ગીયલે. રજના દિસીં મોહોવાં, ચારોળી, આંબા, જીસાં ઈકી હન પૈસા મેળવાં હન ભણતરના ખર્ચાની જોગવાઈ કરાં. એવી રીતે થોડાં શીક્ષણ મેળવાં.

માનાં ગાંવ શીક્ષણથી વંચીત ગાંવ હતાં- ગાંવના મોઠા ભાગના લોક અભણ. નિશાળ હન શીક્ષણ બાબતે લોકમાં સભાનતા કા જિજ્ઞાસા નીં હતી. અભણ મા બાપ પોશાહલા પણ નીં ભણાવતાંત.

ઈસે અતિ અંદરને વિસ્તારમાં શ્રી જનાર્દન મહારાજનીં શીક્ષણ ની સંસ્થા શરૂ કીયેલ. આંમને ગાંવથી તીનેક કી. મી. ને અંતરવર ચુલવડ ગામમાં એક આશ્રમશાળા ચાલેતી. તે વખતે ભણુલા પોશાં નીં યેહેતાંત. તાહાં શિક્ષક ઘરું ઘર ફીરી હન પોશાં લીયતાત. શ્રી કાળુ સિંગ પરમાર ગુરુજી, વાહુ પાવરા ગુરુજી, વળવી ગુરુજી, જીસે હીં ગાંવમાં ચી હન શીક્ષણ અંગે લોકાલા સમજવાં. માંને બાદાશનીં માલા યે સંસ્થામાં દાખલ કે. માનાં મન નિશાળમાં નીં લાગેતાં, પણ ગુરુજીનીં માલા સાચવી લીધાં. ચોથા ધોરણ સુધી ના અભ્યાસ પુરા કરી હન જનાર્દન મહારાજની ઘડગાંવ હાઈસ્કુલમાં પાંચમા ધોરણમાં દાખલ હુયનાં. તઠે કે. ઓ. પાડવીસરના માર્ગદર્શન ને લીધે માં તઠે ટકી રહના હન દસમા ધોરણ સુધીના અભ્યાસ કે.

તે વખતે દસમા પછીના વર્ગ તઠે નીં હતાત. દુસરે તાલુકામાં ભણુલા જવાં પડે તીસાં હતાં. ચોમાસામાં દુસરે તાલુકા સુધી જાવલા - વાહનની પણ કાંઈ સગવડ નીં હતી. ઈસેમાંજ માં દસમામાં હતા તાહાં, આઈશ ગમી ગી. ઘરની સ્થિતિ બુહું બગડી ગીયેલ હતી. ઘરમાં માં જ મોઠા હતા તેથી ઘર સાચવુલા રહી ગે. બારીકલ પાંચ ભાઉસ બીહનીસલા સાચવાં. ઘરને ઈસે બધે અડચણને લીધે અઢારમે વરીષમાં વરાઢ કરી લીધાં. ઈસી પરિસ્થિતિને લીધે આગળ ભણી નીં શકના. ઘર સંસારમાં ધ્યાન કેન્દ્રીત કે.

ઈ.સ. ૧૯૮૦માં રાડીકલમ ગાંવમાં ટપાલની બ્રાંચ પોસ્ટ ઓફિસ ખોલવામાં આની. તે વખતે ગામમાં ભણેલ માનસાં એક-દોનજ હતાંત. આમું ગરીબ કુટુંબ તરીકે રહતાંવ તેથી તેમાં માલા ગાંવ લોકની સહાયથી ટપાલી તરીકે નોકરી જડની. તે વખતે રૂ.૯૦/- ના પગાર હતા. આજુ બાજુનાં ગાંવાં રાડીકલમ પોસ્ટ ઓફિસ હારીં જોડાયનેલ હતાંત. ટપાલ વાંટુલા હન તાલુકા મથક હન ટપાલ લીચુલા-લી જાવલાનાં કામ કરવાં પડેતા. મંઈ છ વરીષ સુધી ઈંકામ કે.

ઈ.સ. ૧૯૮૫માં અતિ દુરને વિસ્તારમાં દસમા ધોરણ પાસ હવા તેલા ગાંવમાંજ શિક્ષકની નોકરી માટે ભરતી કરુલા જિલ્લા પંચાયતની ઠરવાં. માંને બેસ નસીબથી ડિસેમ્બર ૮૬થી માં રાડીકલમમાં જ શિક્ષક તરીકે નિમાયના. આગળ જતાં ટપાલ દ્વારા ડી. એડ. કે. માલા બેસ ટેકા જડના. બારીક ભાઉસલા ભણવાં-તો આતાં

સીમા સુરક્ષા દળમાં આદા.

તાલુકા મથકથી આઠ કિ.મી. ને અંતરવરલે માંને ગાંવની નિશાળમાં ત્રણ ઘોરણ વરચે એક જ શિક્ષક હતા. હાજરી બુહુ ઓછી હતી. એજ વરીષ ઓ શિક્ષકની પણ બદલી હુઈગી. નિશાળમાં મંઈ એકલાની કામકાજ સંભાળાં. અભણ ગાંવ લોકલા ભણતરમાં વિશ્વાસ નીં હતા. ઘરુંઘર હીંડી હન મંઈ ગાંવલોકના સંપર્ક કરી હન ભણતર હન શિક્ષણ અંગે સમજ દાખવી. લોકાલા સમજાવી પઠાવી પોશાં દવાડુલા સમજાવુલા માંડાં. પોશાહલા ગાનાં, ગોઠી, નવા નવા ખેળ ખેળી દાખવુલા માંડાત. પોશાહલા મઝા પડુલા મંડની. ઘીરે ઘીરે તેહલા પાવરા ભાષાથી મરાઠી ભાષા તરફ લી ગે. હાજરી વઘતીગી. શંકર પાવરા નાંવના શિક્ષકની મદદથી ચોથા ઘોરણ સુઘીના વર્ગ ચાલુ કેત. પોશાં ચોથાં ઘોરણ પાસ કરી હન આગળ ભણુલા મંડનાંત. એક પોશા વિધાનિકેતનની પરીક્ષા પાસ કરી હન ઘૂળે માં ભણુલા ગે. પોશાં ભણત ગેંત તેથી શિક્ષણ વિશે મા બાપની સમજ આની. હાજરી વઘુલા મંડની. જે પોશાં આજું પણ નીં ચેત તેહલા નિશાળીમાં લીચુલાના પ્રયત્ન ચાલુ આદા. નીં જીસી ચાલેતી તી નિશાળીમાં આતાં પાંચમા ઘોરણ સુઘીના વર્ગ ચાલતા હાત.

આતાં ગાંવ લોકામાં શિક્ષણ પ્રત્યેય વિશ્વાસ જાગના હા. તેહના સહકાર જડે હે. અગિયાર વરીષ થી ઈં કામ ચાલી રહનાં હાં.

દરમિયાન આમું વૃક્ષારોપણના કાર્યક્રમ પણ હાથ ધરા. જંગલમાંથી છોડવા લી હન રોપાત. પોશાહલા ઝાડનાં મહત્વ સમજાવાં. દોન તીન પોશાહને વરચે એક એક ઝાડની જવાબદારી સોંપી. પોશાંહી જાતે વડ કી હન ઝાડાં જીગાડાંત. પહેલાં ગીચ વન હતાં તઠ આતાં ડોંગોર બોકડા હુઈના હાત. તીં લોકને નજરમાં લીયના. મંઈ પોતે એક હેક્ટર જમીનમાં સામાજિક વનીકરણ યોજના હેઠળ ઝાડવાં રોપાહાંત. ગામમાં સભા ભરી હન મોઠલં હન જુનાં ઝાડવાં નીં તોડુલાનાં નક્કી કેં. એવી રીતે ઝાડ-વન પ્રત્યેય લોકાન સમજદારી કેળવેલ આદા.

નિશાળને કામ હારીં કુટુંબ કલ્યાણની કામગીરી વિશે પણ સમજાવતા રહેનેલ. કુટુંબ કલ્યાણ બાબતે આજું પણ અંધશ્રદ્ધા આદા. લોક કુટુંબ કલ્યાણનાં નાંવ આચંકી હન ઝગડત પણ પ્રચાર ચાલુ રાખા. મંઈ પોતે પણ કુટુંબ કલ્યાણ અપનાવાં. લગભગ ૨૫% સુઘીની કામગીરી હુઈની. ૧૫મી ઓગષ્ટ, ૨૬મી જાન્યુઆરી જીસા રાષ્ટ્રીય તહેવાર વખતે ગાંવ લોકાલા નિમંત્રી હન તેહને મનમાં વસતી વધારાની મૂશ્કેલી વિશે સમજ ઠસવી. આજ આખા ગાંવ- “બારીક કુટુંબ- સુખી કુટુંબ” માં માનતાં હુઈગીયેલ આદા.

ચે સમાજમાં કામ કરતી વખતે અમુક વખતે મૂશ્કેલી પડેતી પણ તેમાંસુન જ ઉકેલ ગસવી હન કામ કરાં હાં.

એ રીતે નોકરી કરવાની હારીં હારીં સમાજમાં શિક્ષણ, કુટુંબ કલ્યાણ, વૃક્ષારોપણ, અલ્પ બચત, સાક્ષરતા અભિયાન, આરોગ્ય, વ્યસનમૂક્તિ, પ્રાણી હત્યા, અંધશ્રદ્ધા નાબુદી જીસાં મહત્વના મુદ્દા માટે લોકામાં સભાનતા કેળવળ રહનાદા.

ડોંગોરદેવ - માવલી

શિવરામભાઈ ગાવિત

ભાયેં કા માવલીની ઉજવણી કદી હુન શરૂ હુઈની તેના નક્કી સમય નીં મીળે, પન આદિકાળહુન દેવ-દેવી સાહલા પ્રસન્ન કરું સાઠી કંદાચ થી પરંપરા ચાલુ હુઈની હવી ઈસાં સાંગી શકાય જ. અલબત્ત યે પ્રસંગમાં હિન્દુ સમાજને સઘળે દેવ-દેવીસે નાંવના ઉલ્લેખ હેરુલા મીળે હે. ત યો ઉત્સવ પૂડે પાસુન ચાલી આના હવા ઈસાં સાંગી શકાય જ.

માવલી કા સવરીના જગદંબા, સરસ્વતી કા પાર્વતી ઈસા પન અર્થ હુયે હે. ચેમાં બરમા (બ્રહ્મા), મહાદેવ (શિવ), રામ, કૃષ્ણ, હનુમાન, સીતા અન જગદંબાને અલગ-અલગ અવતારસાં નાવના ઉલ્લેખ હુયે હે. તીસાં જ નારદ મુનિને નાવના પન ઉલ્લેખ હુયે હે. હારીં ભૂત - પલિતસાં નાવાં પન લેવાયતાહાં. યો પ્રસંગ દેવ-દેવી સાહલા પ્રસન્ન કરુલા લોકાં માનતા રાખતાહા, તેને સાઠી ભાયેંની ઉજવણી હુયે હે.

ભાયેં ડાંગ, વાંસદા, ઘરમપુર, નાસિક અન વ્યારા વિસ્તારને પ્રદેશમાં દિવાળી કા દશરાને વખતમાં ઉજવાય જ હે. ખેતીમાં બરકત સાઠી, ઢોર-ઢાકર અન સંપતિને બરકત સાઠી, પોસાં નીં હુયત તે સાઠી કા સુખ મેળવું સાઠી દેવીલા નવસ લેતા હાં. તો નવસ ફળતાં યો પ્રસંગ ઉજવાય જ હે. યો પ્રસંગ વિસ્તાર પ્રમાણી વાયલે-વાયલે રીતના ઉજવાય જ હે. પન મોઢેભાગી રીત સારકી હેરુલા મીળે હે.

ભાયેં અલગ-અલગ પ્રકારના હુયતાહાં. તેમાં ઉનાનાં ભાયેં, મશેનાંભાયેં, ટાપરાનાં ભાયેં અન ગુફના ભાયેં મુખ્ય પ્રકારી હુયતાહાં.

શિર ભાયેં : થીં ભગતનાં નાંવ આહા. યો ભગત ભાયેંની શરૂઆત હુન છેવટ પાવત પુજા-અર્ચના કરાવે હે. થી વ્યક્તિ જ ડોંગોરે વર લી જાઈની તેને હાથી પુજા કરાવે હે. અન ઉલ્કા દેવનાં કામ કરે હે.

મુખે : કથા કરનાર ભગત. જો યે પ્રસંગ વર કથા કરે હે અન દેવદેવી સાહલા હાજર રહુલા વિનંતી કરે હે અન તેહના મહિમા, ગુણગાનની કથા કરે હે.

ટાપરા : યો માવલી કા સવરીના નવરા ગણાય જ હે. થી વ્યક્તિ ચાંગલી ટોપી પોવી, હાથમાં કિરચી લી, આંગમાં ચાંગલા વસ્ત્ર પહેરી દેવીલા પરણુલા જાહા. ઈસાં સાંગાય જ હ. યો માનુસ નાચુનાં કામ કરે હે. નાચુને વખત અખેને પુડે રહી, ભુરોશો..., ભુરશો...કરી નાયે હે.

ઢોલકર : ઢોલ વાજવનાર વ્યક્તિ યો તાલબદ્ધ ઢોલ વાજવે હે. તેને તાલ વર ભાયેં નાયતાહાં.

પાવરકર : પાવરી વાજવનાર વ્યક્તિયો અલગ-અલગ ચાળાની પાવરી વાજે હે. દેવચાળા, ભૂતચાળા ઈસા તો ચાળા લાવે હે. પાવરીના સૂરમાં શાસ્ત્રીય સંગીતને બરાબરના સૂર હવાત. પાવરી વાજવનાર દેવ-દેવી ભૂતાસા

આળા લાવી લોકાસાહલા ધૂમવે હે. પાવરકર પાવરી વાજવહ તાહાં અખાં વાતાવરણ ગુંજ ઊઠે હે.

નિશાનકર : એક ટોકોરની ઊંચી કાઠીવર દેવીનાં નિશાન કા ઘજ બનાવી તેની ભગત પૂજ કરે હે. તી ઘજવાળી ઊંચી કાઠી લી જે નાચે હે તેલા નિશાનકર સાંગતા હાં.

કોઠાર : યો એક ભગત આહા. કદાચ દેવાસા ભંડારી કુબેર હવા ઈસાં લાગે હે. યો ભગત ઉલ્કા દેવનાં કામ કરહ. દક્ષિણા લી ચેનારલા ધૂમી હન આશિર્વાદ દેહે. અન પીટના કપાળવર ટીળા લાવે હે.

ઘર ઘનિસ : જેનીં ભાયેં બીસવાં હવાંત તે ઘરને માનુસલા ઘરઘનિશ સાંગાય જે હે. ચે મુખ્ય માનુસલા કડક નેમ પાળુલા પડતા હાત. જુસા કા શેરડી, કેળા, પાન, સોપારી જુસી દેવ-દેવીલા ચડવુની વસ્તુ ખાવાય જ નીહીં. પીરની હુય હ તે દિસ હુન યો નેમ ચાલુ હુઈ જાહા. ચી અખી વસ્તુ દેવીલા ચડવીહન માગુન ખાવી ઈસા નેમ પાળુલા પડે હે. દેવીલા કોંબડા કા બોકડે મારજ હ. પન આતા કઠયેક ચીં પ્રમાણ વસાં હુઈનાંહાં. કદીએક કોંબડાં દેવીને ગઢમાં જતાંજ છોડી દેતાહાં.

નવસ રાખનાર માનુસ હારીં તેને કુટુંબના અખાં લોક, આડોસ-પાડોસનાં અન ગાંવનાં લોક ચે દિસીં ઉપાસ કરતાહાં. ઘરલાં હારાં ફૂલાંવાની સજાવી, આંગન ચાંગલા સારવી ચોખ્ખાં કર્જે હ. એળચને સોપારી દીચેલ ભગતાં, ગાંવલોક અન ચેવ તેવને ગાવનાં લોકાં ગોળા હુયતાહાં અન ભાયેની શરૂઆત હુયે હે.

આંગનમાં મદી રાહટ ભરાય જે હે. તઠે દીવા લાવી આરતી કરતાહાં. ઘરતી વરલો ડોંગોર અન તેવર વસેલ દેવીસે નાંવને પૂંજળે પાડી તઠે પાન, સોપારી, ખારકા, શેરડી ફૂલ, કેળાં, ફળાં, ખાંબા, વાળુક અન સઘળે ઘાનની પૂજા હુયે હે. ચે અખે વસ્તુસાં મહત્વ આહા. જુસાં કા, વાળુકલા સવરીનાં પોસાં ગનાય જે હે.

પુડલાં પૂજા હુયના કા મુખે કથાની શરૂઆત કરે હે. પૂડે અખે દેવ-દેવી સાહલા ચે પ્રસંગમાં ચેવની વિનંતી કરે હે. ચેલા માનના સૂડ સાંગાય જે હે. યો ભગત જે જે દેવ-દેવી કા ભૂતલા બોલવ હ તેને નાવ પ્રમાણી જેને આંગમાં દેવ-ભૂતના વાસ હવા તો ઘુમુલા લાગતાહાં. અખે દેવાંસહલા માન દી હન્ માગુન સૂડ પડે હે. સૂડ પડતાં અખા લોકઢોલ, પાવરી અન ગાનાને તાલવર નાચુલા લાગતાહાં.

સૂડની શરૂઆત ટાપરા કરે હે. યો ભૂરો શો...ભુરોશો...બોલી ડોકીવર ટોપી, હાથમાં કિરચી અન ઘોતીર નેસી, ચાંગલા ખમીસ પોવી નાચે હે. હારીં પાવરકર પાવરી વાજવે હે, ઢોલકર ઢોલ વાજવ હ અન અખો લોક ગાના લાવી પાવરી, ઢોલ અન ગાનાને તાલવર નાચતાહાં. અખેસા લય, અન તાલ એક સારખા રહે હે. ચે ગાના નીચે પ્રમાણે લાવાય તાહાં.

એક : ટાપરા તુજે ડોકીલા કાય ર...

અખા : મોખોવલે ટોપી ર...

એક : ટાપરા તુજે હાથા મદી કાય ર...

અખા : સોનેરી કિરચી ર...

એક : લીંબુનચે શાહી ખાલી માવલી ઝોપ,

અખા : માવલી ઝોપ વ...

એક : બાબળીચે કાટા વરીં ભીસે નાય,

અખા : ભીસે...નાય વ...

એક : સાવરીને ખાંદી વર, બરમા નાય,

અખા : બરમા...નાય વ...

એક : ચાંદ સૂરે,

અખા : દિસ સૂરે

એક : પંચવટી મટી હો...
 અખા : સીતા ગુફા મટી હો...
 એક : રામ કુંડા વરી હો...
 અખા : સીતા આંગુળ કરી હો...
 એક : ટાપર કર
 અખા : માગાં સર
 એક : પાવરકર
 અખા : માગાં સર
 એક : નિશાનકર
 અખા : માગાં સર
 એક : દેવાસો
 અખા : હાવસો
 એક : સુને વના મટી ધૂની ઠોકિલે સાધુની
 અખા : સાધુની રે ભાઈ સાધુની...
 એક : તેહી રે ઉજેડલા બાળ ખેળિતો,
 અખા : સવરીયા રે ભાઈ સવરીયા...
 એક : સુને વના મટી ધૂની ઠોકીલે સાધુની,
 અખા : સાધુની રે ભાઈ સાધુની...
 એક : તેહી રે ઉજેડલા બાળ ખેળિતો,
 અખા : બરમાયા રે ભાઈ બરમાયા...

ઈસે ગાનાને તાલમાં દોન-તીન કલાકધર નાચતાહાં. તે વખત શિરભાયેં ઉલ્ફા દેહે. જર ઉલ્ફા નીં ચે ત કાંહી ખામી રહી ગઈ હવી ઈસાં સાબિત હુયેં હે. ચી ખામી કાય આહા તેની ગવસ શિરભાયેં કરે હે. અન ખામી ગવસી તેના ઉપાય કરે હે. ઉલ્ફા લી માગુન ભાનસ બનવ જે હે. સૂડ પુરા હુયના કા અખાં બીસી જાતાંહાં. મુખે દુસરી વાર કથા લાવેં હે. ચો સૂડ પાળાંગનના સૂડ ગનાય જે હે. ઈસાં અખી રાત નાચ-ગાન હુયહ. સકાળ પડત ચ હ તાંવ ભાનસ તયેર હુઈ જાહા. ભાયે વાળા લોક અન ઉપાસ રહેલ લોક સાહલા જેવાડે જે હે. ઈસાં અખે દિસના ઉપાસ હુઈ જાહા.

કથા ચાલુ હુયેં હે કા લગે જ ઘરને અને દુસરે બાયકા આરતી કાઢતે હે. સૂડ પડના તહુન સૂડ પુરા હુય તાંવ ઘર વારી વારી દોન દોનને જોડેલા બાયકા આરતી કરતે હે. સકાળી અખાં ભાયે વહળલા-નયલા આંગળુલા જાતાં હાં. આંગળી માગુન ઘરને આંગળ માથુન ગાંવને બાહેર એક મઠના થાપન હુયેં હે. થાપન કરતે વખત કથા કરુલા પડે હે. અખાં ભાયે ધૂમત-નાચત શિરભાયેં હારી મઠનાં થાપન કરતાહાં. માગુન તહુન માગુલા ગાંવમાં જાતાં હાં. ગાંવના લોક ભાત, પીઠ, વાળુક, પેસા જીસી વસ્તુ દેતાહાં. ગાંવમાં માંગુલા જાતે વખતે ગાંવ લોક કને કને ઘર ભાયેંવાળાસી પરીક્ષા કરુલા જીખને થવતાહાં. તેના 'ખૂન ઘાલાહાં' ઈસાં સાંગાય જે હે. તીં દાવસી દેવલા પડે હે. ગાંવ માગી મગ થાપન વર અખાં ચેતાં હાંત. માંગને જાતે વખત પન ઢોલ, પાવરી અને ગાના ને લય વર નાચુલા પડે હે. અળચને જેવન હુયેં હે. અખાં ભાયેં આગળી હન જેવન જેવતા હાં.

જેવન કરી હન ડોંગોરદેવની પૂજા કરુલા ડોંગોર વર જાવની તયેરી હુયેં હે. મોહોરલે જીસી જ કથા હુયેં હે. અખાં ભાયેં ધૂમત-નાચત ઘાંવદત ડોંગોર વર ચડી જાતાહાં. હારી પુજાની વસ્તુ લી જાતાહાં. જેનીં જીસી બાધા નવસ લીધા હવા તીસી સામગ્રી લેવાયે જે હે. નારેળ, કોબડા કા બોકડેં દેવીલા ચડવુલા લી જાવાય જે હે. ડોંગોર વર જાઈ તઠે ભગત અન ઘરનાં ઘની અને થોડાક દુસરાં દાહા-બારા લોક એળચને નિવટન ટાકુલા જાતાહાં. તઠે લીંબુન, ફળાં, ફૂલાં, સોપારી, પાન, તાંદુળ અન પેસા પૂજામાં થવતાહાં. અખી રાત ડોંગોર વર કથા કરી



નાચ-ગાન હુયે હે. સકાળને ડોંગોર વર દેવીનાં દર્શન હુયે હે. ડોંગોર વર પાની અને લાકડાની વ્યવસ્થા કરુલા પડે હે . ઉજેડ સાહી બત્તી કા તે લાકડાનાં આવસાં બનવી ઉજેડ કરતાહાં. પૂજ કરી અખાં લોક પરત ગાવમાં ચેતાંહાં.

દેવીલા ચડવેલ બોકડેં કા કોંબડાનાં ભાનસ હુયે હે. અખે ગાંવ લોક સાહલા જેવાડ જે હે. તેલા ‘ખાનપેન’ સાંગતાહાં. માગુન ઘર ભરની હુયે હે. અન અખા કામ પુરાં હુયે હે તાહાં ભગતાં અને દુસરા ભાયેંમા ઘયેલ માનસા સાહલા શક્તિ પ્રમાણી ખોસારા કરી બોળવી દેવાય જે હે. અખે સમાજમાં યો ભાયેંના ઉત્સવ શ્રદ્ધા અન ભક્તિ ભાવથી ઉજવાય જે હે. ચે ઉત્સવના કુંકણા સમાજમાં ખૂબ જ મહત્વ આહા.

માવલી નાં નાંવાં - માતા નિળપ, કાળસેવર, દૂધા સેવર, તુંબા સેવર, કરુજ, ટૂહી માવલી, ફૂલાં સેવર - માવલીનાં ચેં સાત નાવાં આહાત.

ડુંગર દેવની પૂજ વખતે જે દેવાંનાં નાવાં લેવામાં ચેતાં હાંત તેં ચે પ્રકારે આહાત. રાજ વાઢુ, સેળા મોગરા, ફૂલાં મોગરા, દૂધા મોગરા,

છાયાં મોગરા, વાલા પાંગણ, રાય પાંથા, ઈલમદેવ, સાળુ પાંડવ, ભગવાન દેવ, ઈન્દ્ર દેવ, સેન્દ્ર દેવ, આવળી દેવ, માવળી દેવ, ચેશદેવ, કેશદેવ, અંદર દેવ, ચંદર દેવ, દેવદ્વારકા, કર્તારી ભગવાન, સરતારી ભગવાન, ઉપજદેવ, નિપજ દેવ, તાવનાર, મુરવનાર, ટાપનાર, અળવટી દેવ, મળવટી દેવ, કર્તારીદેવ, સારતારીદેવ, અમૃત ભગવાન, અમૃત ભોવાની, છત્રીસકોટીદેવ, અઠરાકોટી વજીર, નવલાખ ભૂત.

ગઢનાં નાવાં - સૂર્યાગઢ, બુરયાગઢ, ગઢગાબારી, શુકલતીર્થ, સુરીત ગઢ, બેલકાપર, ઉપજગઢ, નીપજગઢ, ભૂપેર, સાતપુડા, દેવમાળ, માંગ્યા ગઢ, તુંગ્યાગઢ, નાહ્યાગઢ, તાંબોળેગઢ, દીઘાઈ, ધામણ, સેંદર ભોવાની, સેંદવડદુરુંગ, અળવટે, પાલઘટે, દૂધગઢ, ફૂલગઢ, રૂપગઢ, સોનગઢ, ગવળણ, ગવુળગઢ, રાયકાકડ, ઘુળકાકડ, પાન કાકડ, સેન કાકડ, પાંડવગઢ, ચીંચ કુંડ, ભોંવરે, નાવવણ, તુળશીગઢ, જામન્યાગઢ, નડગે પહાડ, તાંબોળે ગઢ, કાઠોરગઢ, ટાંકયાગઢ, સાલેરગઢ, સોળોટા, ઉપરાંત જઠ ઉજવણી હવી તેને આજુબાજુના ગઢનાં નાવાં લેવામાં ચેતાં હાંત.

ડોંગોરદેવ માવલીની કથા

ડાહ્યાભાઈ વાઢુ

માવલી કા ડોંગોરદેવની વાચલી વાચલી કથા આહાત. મૌખિક પરંપરાની યે કથામાં ભગત ભગત પ્રમાણે થોડા ફરક રહે છે. અહીં ઉનાં ની કથા ટૂંકમાં દીધેલ આહા.

સંસારગઢ ને અવતાર માવલીની પોટીં ઉના જનમના. જનમતાં ની હારી ઉનાલા વહેતે નઈમાં ટાકી દીધાં. જળદેવડી માતા ગાભરાઈગી. ઉનાલા બાહેર કાહડીને ઘનરકીની ભંવર ગુફા હુન એક ગાંવરેની બાયકો ફડકાં ઘવુલા આનેલ તેને ફડકામાં થેવી દીધાં.

બાયકો ડોકીવર ફડકાં થવી જાહાતી ને ફડકામાંસલા બાળ રડુલા લાગના. બાયકોની ફડકાં ખવળી હેરાંત ત અંદર બાળ હતા. બાયકો બાળલા ઘરીં લી ગી હન તેલા દૂધ પાજી ઝોળી બનવીને નીજડી દીધાં. બાળ હોતા મોઠા વાહુલા લાગના.

બાળ લાહાન મોઠા ઝાલા. બાપા બાપા આયા આયા બોલુલા લાગના. ટમ ટમ બોલે, તુડુ તુડુ ઘાંવદે. મોઠા વાહદીને સાંગે કા - “પિતા, માલા કામ દે”. પિતાની તેલા સવાસેં ગાયે સોંપેત હન સાંગુલા મંડના કા - “જ, તું ગાયે ચારી લીયે”. બાળની હોતાં ગાયે લીધેત. ગાયે લી હન ચાલુલા મંડના. દેવ બહોળા માતા ઉના બાળલા પાંચે પડલી. ગાયે ઘેઉન ઉના હોતા ખાંભા ગઢાલા ગેલા. ખાંભા ગઢાવર માનુષલા ચઢુલા રાસ્તા નીં હતા. ઘણ તો કીસાક ચઢે? ઉનાની ગાયેના કાંકરા કેત. કાંકરાની મોટ બાંધલી. મોટ હતી કાંખામાં ભેરવી દીધી. ઉના હોતા ખાંભા ગઢાવર ચઢુન ગેલા. વર ચહડીને તેની મોટ ખોલી હન તેને ગાયી કેત. ખાંભાગઢાને કિઘાવર એલાવાડી, ઘેલાવાડી, ફૂલાંવાડી, મોખોવલે વાડી, ઈસે વાડે હતેત. સઘળે ગાયી તેમાં ગેત હન વાડી ભસભંગાર કી. માવલી માતાલા સપન પડનાં કા આપણી વાડી કોઈની ભંગાર કેલી. તેની કુરુજ હન મોખોવલેલા વાડી હેરુલા દવાડાં. ઉના હોતા ખાંભા ગઢ વરહુંન કનસરા ગઢવર ગેલા. તઠલી વાડી મોડલી. કુરુજ હન મોખાવલા ગઢુંન ગઢવર હેરત હેરત કનસરા ગઢવર ગેત. તઠે ઉનાલા હેરાં. ઉનાલા કોઈપણ રીતે ખાંભા ગઢવર લી જાવલાંનાં વિચારુલા મંડનેત. કુરુજ હતી દેવસાંવરા બનની. (સફેદ ફૂલવાળા સાંવર), હન મોખોવલા હતી ઉનાપાખ ગી. તઠે જાઈને સાંગુલી મંડની કા - “બાળ, માલા દેવ સાંવરા વરહુંન ફૂલ પાડી દે.” બાળ હોતા ચઢુલા લાગના. દેવસાંવરા મોઠી વાહદત ગી. ખૂબ મોઠી વાહદની. છેડા વળી હન ખાંભાગઢવર પડના. ઉના હોતા ખાંભાગઢાને માવલીને માંડીવર પડના. માતાની તેલા ઉંચલાં. હન તેલા દૂધ પાજી. બાળલા સાંગે “બાળ, તુલા આતાં નીતી રીતિ શિખાયલા લાગીલ. મોઠલ મોઠલે રાજાહશા હારીં ઉઠાયલા લાગીલ. તુલા ગઢ ભક્તિ શિખાયલા લાગીલ”.

માવલી માતાની હોતી ગઢુન ગઢની માહિતી ઉનાલા સાંગુલા માંડી. ખાંભાગઢ, લીંબાગઢ, તુળશીગઢ, આવઘાગઢ, તુપીગઢ, સેંદરેગઢ, સૂર્યાગઢ, બુર્યાગઢ, ગઢગાબારી, શુક્લતીર્થ, સુરીતગઢ, બુરીતગઢ, બેલકાપર, ઉપજગઢ, નીપજગઢ, ભૂપેર, સાતપુડા, દેવમાળ, માંગ્યાગઢ, તુંગ્યાગઢ, નાહળ્યાગઢ, તાંબોળેગઢ, દૂધગઢ, ફૂલગઢ, રૂપગઢ, સોનગઢ, ગવળણ, સેંદવડ દુરુંગુ, ગવુળગઢ, રાયકાકર, પાન કાકર, ઘુળ કાકડ, સેન કાકડ, પાંડવગઢ, ચીંચકુંડ, ભોંવરે, નાવવણે, જામન્યાગઢ, નડગે પહાડ, તાંબોળેગઢ, કોઠારગઢ, ટાંક્યાગઢ,

સાલેરગઢ, સળોટા, ટકાર્યાગઢ, ગાડાગઢ, ટીમવાગઢ, - ઈસી ગઢુન ગઢની ભક્તિ શિખવુલા માંડી. ગઢભક્તિ શિખવીને સંગ તૈયાર કે.



ડોંગોરદેવની દુસરી ગોટ

પહેલાં ડોંગરાવરને કાપરીમાં દેવાંની સભા ભરેતી. તરે કોઈ બાયકા કા. દેવીલા જાવલા મનાઈ રહેતી. તરે ઈન્દ્રદેવ, સેન્દ્રદેવ, મહાદેવ, સહાદેવ, નારણદેવ, બરમદેવ જુસા દેવ બીસી બીસી હન ચર્ચા કરત. એક વખત તરે પાર્વતી ચી ચહડની. નારણદેવ બાહેર નીંધનેલ હતા. તેની પાર્વતીલા દેખાં. નારણદેવ પાર્વતીની જવળ ગે. તેં ગોઠી કુરુલા મંડનાંત. નારણદેવના શ્વાસ પાર્વતીને મોહામાં ગે. પાર્વતીના ગર્ભ રહન. પાર્વતીની બાળલા જન્મ દી હન જંગલમાં ટાકી દીઘા. પોશા મોઠા વાહાદના. તેલા પણ દેવાંની સભામાં જાવલા મનાઈ હતી. તો બાળ માનસાં ને સભામાં ગે. તેની માનસાલા કારતક પુનમથી માંડીને પોષ પુનમ સુધી ડુંગરદેવની પૂજા કુરુલા સાંગાં. તે દિસ હુન કુકણા લોક હન દુસરા આદિવાસી લોક ડુંગરદેવ માવલીની પૂજા કરતા હાત.

ડોંગોરની રાણીનાં લગ્ન

ગોટ (વારતા)

સંપતભાઈ વાઢુ

ડાંગની પૂર્વ પશ્ચિમ મોરબી, ચીંચલી, ગારખડી જુનાં ગાંવાં આનેલ આહાત. ગુજરાત મહારાષ્ટ્રની હદ અહીં જ પસાર હોયે છે. અહીં જ ઉંચા ઉંચા ડોંગોરની હારમાળા આનેલ આહા. સહ્યાદ્રીની પર્વતમાળામાં એ વિસ્તારના ડોંગોર સૌથી મોઠા આહાત. સળોટા, સાલેર, ટકાર્યા, અળવટે, કોઠયાગઢ, અટાળા, મોર્યા, માકડયા, ઘોંગડયા, જમનકડા, હાંડી, સેંદવડ, માંગ્યા, તુંગ્યા, નાહળ્યા, લાંબોળિયા, પાંચ પાંડવ, ગવળણની સાત બીહનેશ, ધામણો, દૂધગઢ, ફૂલગઢ, રાયકાકડ, ધુળકાકડ, ગવુળગઢ, પાન કાકડ, રોન કાકડ, તુળશીગઢ હન નડગે પહાડ જુના ડોંગર આનેલ આહાત.

એ અખા ડોંગોર સાલેરદેવીના લગ્ન માં આનલ ઈરી એક ગોટ આહા. તી ગોટ અહીં દીધેલ આહા. અખેલા ગમીલ ઈરી આશા.

અનાદિકાળની ઈગોટ આહા.

એ ઘરતીવર તાહાં માત્ર દેવલોક રહત. ઝાડ, ડોંગર, દગડ, ખુંટ એવ તેવ હીંડી શકીતાત. કોઈવસ્તુ સ્થિર નીં હતી. બધાલા વાચા હતી. કોઈવર કોઈનાં બંધન નીં હતાં. ડોંગર એવ તેવ હીંડત. ઝાડાં નાંવ તેવ-એવ તેવ ધાંવદત હિડત. એ ઘરતી વર દેવનાં રાજ હતાં.

સળોટા નાંવના પર્વતરાજની સાલેર નામની બિહનીશ હતી. સળોટાની બિહનીશનાં લગ્ન સ્વયંવરથી કરુલા નક્કી કે. સળોટાની તેના સગાસ ડોંગોરલા બોલવી લીધાં. કોઠયાગઢ સાંગે - ‘માં કોઠારની સંભાળ રાખીં. ખાવાડલા અખી જવાબદારી માંની’. હાંડી ડોંગર સાંગે: ‘પાણીની વ્યવસ્થા માંને માથે’. સગાસ બધા સળોટા હન સાલેરની ચુંભુત રહુલા મંડનાત.

અખે ડોંગોરના પોળશાનાં હન સાગીનાં ઝાડાની ગોળા હુઈને સભા ભરની. સભામાં નક્કી કે કા, આપણે કઈ તરી પોળી જાઉં. સાલેરદેવીનાં લગ્ન આહા. આજું તરી મોઠલે મોઠલે ડોંગોર ચેતીલ. આપલાં પાનાં ખુડી ટાકતીલ. સાગી હેતે ડાંગમાં આનેત. પોળશાનાં ઝાડાં સાલેરને તેવ ગેંત.

બધા પર્વતરાજ ગોળા હુઈનાત. માંગ્યા તુંગ્યા દોઢી ભાવળી આનાત. વામળિયા, ધામણ્યા દોઢી ભાવળી આનાત. નાહળિયા તાંબોળિયા આનાત. પાંડવગઢના પાંચ પર્વત આનાત. ગવળણની સાત પર્વતરાણે આનેત.

માંગુન ટકાર્યા, અટાળા, મોર્યા, માકડયા, ઘોંગડયા, ધાંધળા, જમનકડા આનાત. ટકાર્યા હન ભમુપર્વત આનાત. પાલઘટયા આના. સાલેરદેવી સજીવ હન બીસનેલ હતી. બધા ડોંગોરદેવ ઈસાજ માનત કા સાલેરદેવીનાં લગ્ન માં હારીજ હુઈલ. સાલેરદેવી માલાજ પસંદ કરીલ.

સાલેરદેવીની ટકાર્યાલા પસંદ કે. પાલઘટયા તીં હેરી હન બળી મરના. ટકાર્યાલા નાંવ તીસાં સાંગુલા ટમંડના. ટકાર્યા હન પાલઘટયા મારામારી સુધી ઈગેત. બધા ડોંગોરની વચ્ચે પડીને મારામારી થાંભવી. સળોટાલા ખોટાં લાગનાં. અખા ડોંગોર સાંગુલા મંડનાત કા ગડે જું સળોટા સાંગીલ તીં જ ખરાં. તીં જ માનુલા પડીલ.

સળોટાની વિચારાં- “આજ કાચ માંની દશા હુઈની ? બિહનીશને માટે માલા નીચાં હેરુલા પડનાં ? ટકાર્યા કા પાલઘટયા હારીં માંના વેર હુઈલ જ. એકલા ખુશ કરીંન તે દુસરા નારાજ હુઈલ. રગીં ભરીલ. એને કરતાં માંને બિહનીશ હારીં માં જ લગીંન કરીંન !

સળોટાનીં ઈસાં સાંગાં તૈં અખે ડોંગોરમાં હાહાકાર હુઈયે. સૌથી વધારે દુઃખ સાલેરેદેવીલા હુઈનાં. - ‘દેવા દેવા, ઓ માના ભાઉસ આહા કા દુશ્મન ? ભાઉસ હુઈને બિહનીશ હારીં લગીંન કરુલા વિચારે હે તો ત ગહે કીસાક ભાઉસ ?’ સળોટા ઉભા ઉભા ખુશ હુયેં કરે. સાલેરેદેવી તેને સુંબુર ગી હન પોટામાં એક કચકચાવીને લાત મારી. સળોટા ઢોંગા હુઈયે. સળોટા પણ ખીજવાઈના. એક પોશીની ઈસી હિમત ? બારીક બિહનીશની ઈસી હિમત કા મોઠે ભાઉસલા ભરી સભામાં લાત મારી ? સળોટાની કટાર કાહડી. સાલેરેદેવીનાં નાક, ગાલ, હન બુબુ કાપી ટાકાત. તેમાંસુન લોહીને જાગાવર દૂધ નીંધનાં. દૂધ વહત વહત ડાંગ તરફ આનાં. તેની પૂર્ણા નદી હુઈની. જહો ગાલ પડના તહો ગારખડી ગાંવ હુઈનાં. નાક પડનાં તહો નાકવચ્છરા નાંવ પડનાં. બધે હાહાકાર હુઈયે. દેવલોક પણ વિચાર કરુલા મંડનાત. ડોંગોર પણ હાલ ચાલ વગર પડી રહનાત.

ભગવાન દેવ ગુરુનીં તરતજ જાહેર કેં કા “આતાં દેવ સીવાઈકોની તરી હીલચાલ નીં કરી શકુનાં. જે જહો આહાત તે તહો જ રહજ”. ડોંગોર તહો જ રહનાત.

હજારો વરીષ માગુન માનુષ જનમના. ભગવાનનીં તેલા સાલેરેદેવીની ગોટ સાંગી. દશરાવર સાલેરેદેવી વર મેળા ભરુલા સાંગા.

- કોઠયાગઢ કોઠી જીસાજ દિસે હે.
- હાંડી ડોંગોર વર ખૂબ પાણી આહા.
- સાગી ડાંગમાં પોળલે. ડાંગની સાગ વખણાય જે હે. સટાણા બાજુ પોળશ પોળલ. તેવ સાગ નીં મીળત.
- સળોટા વાંકાજ આહા.
- પૂર્ણા નદી સાલેર વરહુન નીંધી ડાંગમાંથી પસાર હુઈને નવસારી નજીક અરબી સમુદ્રલા મીળે હે.



તેરા શન (ઉત્સવ)

ધીરુભાઈ પટેલ

જેઠવદ તેરસને દિસીં ડાંગ અન તેને આસપાસને આદિવાસી વિસ્તારમાં તેરા શનની ઉજવણી હુયે હે. યો શન માત્ર અઠલે આદિવાસી સમાજમાંજ વિશિષ્ટ પદ્ધતિના ઉજવાય જૈ હે. ઉત્સવના દરેક લોકસાહમાં વિશિષ્ટ સ્થાન રહે હે. તે જ પ્રમાણી આદિવાસી લોકસે જીવનમાં પન શન - ઉત્સવનાં મહત્વ આહા.

તેરાની ઉજવણી ખેતી હારીં જોડાયેલ આહા. જેઠ મહિનામાં પીરનીં હુયની કા લગેજ યો તહેવાર ચે હે. અઠલે લોકસે રિવાજ પ્રમાણ ખેતીવાડી, ઢોર ઢાખર અન માનસાસી રક્ષા કરુની જવાબદારી દેવ સાહલા સોંપાય જૈ હે. તેરા શનની ઉજવણીના યો મુખ્ય ઉદ્દેશ આહા. જંગલના જીવ જનાવર, ભૂત-પ્રેત, ખેતીલા-ઢોર જનાવરલા કા બાળદીલા કાહીં નૂકશાન નીં કરત તેના બંધન આજને દિંસી હુયે હે. વાગદેવ, નાગદેવ, ગાંવદેવ અન હનુમાન ની પુજા આજને દિસીં દરેક ગાંવમાં હુયે હે.

આજને દિસીં સકાળને કદવજ ઊઠી ઘરના એક માનુસ તેરાં લેવલા રાનમાં જાતાં રહે હે. રાનમાંથૂન તેરાં સાગને પાનમાં બાંધી લઈ હન ઘરને લવીવર થયે હે. ચીં તેરાં સીધાં જ ઘરમાં લી નીં જાવાય જૈ.

અખે ગાવનાં લોક ભગત અન પાટીલ કારભારી જુસાં અસામી ગાંવદેવી સીં ગોળા હુઈ હન પુજા કરતા હાંત. તઠે કોંબડા, સાકું અન નારેળ દેવાસાહલા ચડાવજૈ હે. તેમાં કોંબડાં થી વાઘદેવલા, સાકું નાગદેવલા અન નારેળ ગાંવદેવી અન હનુમાનલા ચઢવ જૈ હે.

ભગત તાંદુળને પુંજળે પાડી તઠે કોંબડા મારે હે. તે કોંબડાલા રાંધી ચોખાના વિવિધ રાંધજ હ તીં ગોળા હુયેલ લોક વાટી ખાતા હા. દેવલા કોંબડાનાં કાળીજ અન નિવજનાં બોનાં ચઢવાય જૈ હે. તહુન માગુન ઘર થી હન ઘરના દેવ હુયે હે. જાંવ સુધી ગાંવદેવીસીં પુજા નીં હુયે તાંવ સુધી ઘરના દેવ પન નીં હુયે. ઘર તેરા રાંધી તેને હારી કોંબડા પન ભૂજતા હાંત, દાડ પન ચે દિસી પિવાય જૈ હે. ચે ઉત્સવના દુસરાં મહત્વ આહા તીં ચીં કા આજને દિસ પાસુન અઠલે પ્રસિદ્ધ ઠાકર્યા નૃત્યની શરૂઆત હયે હે. અન સાગના પાના પન તેરાની દિસ પાસુન જ તોડાયતાહાં. તેરાને પુઢે ખાસ લોક સાગનાં પાના તોડત નીહીં. તેરાને દિસી તેરા સાગને પાનમાં બાંધી લઈ હન સાગીનાં પાના તોડની શરૂઆત હયે હે.

આજ ને દિસીં લોક ખૂબ ખાઈ પી હન નાચતા - ખૂંદતાહાત અન આનંદ મેળવતા હાંત. દુહપારનાં કા એળચના ઠાકર્યા લાવી હન નાચતા હાત. વાયલે શન કરતાં યો બારીક શન આહા પન તરી ચે શનની ઉજવણી લોક ચાંગલે રીતિ કરતા હાંત.

કનસરી

દેવાંગ વાહુ

એક વખતની ગોટ આહા. એ પૃથ્વી પર પાપ ખૂબજ વધી ગીયેલ હતાં. ભગવાન દેવ, મહાદેવ, બ્રહ્મા વગેરેની મીળીને એ ઘરતીવર જગબુડ કરુલા નક્કી કે, મોઠા તુંબડાંનાં બી રોપી હન મહાદેવ તેની ચોકી કરે. તુંબડા મોઠા ઘર જુલા હુયના તાહાં તેલા કોરી કાહડી હન અંદર જાત જાતનાં બીવડાં ભરી અંદર માનસાંને બીવડાં માટે માહારનાં દોન પોશાં ભરાંત. હોળી પાંચમને દિસીં ખૂબ પાણીં વરસના હન જગબુડ હુઈનાં. આખી ઘરતી બુડી ગી.

દેવલોકહીં સભા ભરી. નવી ઘરતી થાપુલા નક્કી કે. તુંબડા તરત તરત કેમ્બને ડોંગોર વર ગુતવાયના. કાછવ પાણીમાં બુડી હન માટી કાહડી લીયના હન ઘુંઘેરીની ઘરતી થાપી.

ભીમાબળી હન જુગાનંદનીં ઘરતી સારખી કી હન પાર્વતીનીં કેમ્બને ડોંગોર વરહું તુંબડા લી હન તો ફોડી અંદરનાં બીવડાં કાહડી ઘરતીવર પીરી દીઘાં. ભીમાબળીનીં ઘરતી સારખી કી હન ઉંચા ભાગના ડોંગરાં બનાવાત. સપાટ જમીનનાં મેદાન બનાવાંત. ખાડાના દરે હન તળાવ બનાવાંત. ડોંગોરવર ડોંગરદેવ હન માવલી, ગાંમમાં ગામદેવ, સીમમાં સીમદેવ, વાઘદેવ હન નાગદેવની સ્થાપના કી. પીંપરુળાને ડોંગોરવર જુગાની ગાટી બનવી. ભીમા બળીની દરેલા હદ નક્કી કરીત હોપી. દરે સાંગે - “માં માંની ગત કેવ કાંહું ?” ભીમાબળીની તેલા ભરતી હન ઓટ કરી હોપી.

પહેલા રાજ કર્તુકી દેવ. તેની રાણી રાજમાતા. રાજમાતા ની પોશી કનસરી. કનસરીલા ખેળુલા શોખ. કાંકરામાં ખેળે. “કાંકોર કાંકોર તાંદુળ બન ” ઈસાં આખાં ત તેના તાંદુળ બનનાત. “ધુળ ધુળ પીટ હુય” ઈસાં આખાં ત તે ધૂળનાં પીટ હુઈનાં. કનસરી સંગી સુરુપલી હન જંગી મુશળવાહાર ખેળેતી. તેલા દેવલોકાં લી પોળનાંત હન દ્વારકાલા દપાડી દીઘેલ. બાર વરીષવર તેના પત્તા લાગના.

રાજમાતાની જોડવી સન્યાદેવડી. સન્યાદેવડી હન રાજમાતાનીં કનસરીના સ્વયંવર રાખા. બધા દેવ આનાત. કનસરીની જોડવી હિમાઈદેવકોઠારી હતી. દોઘે જણે એક વખત પીલવાપેઢાર ડોંગોરવર ગીયેલ તાહાં તહલે ગોવાળલા કનસરી ભાળીજી ગીયેલ. કનસરીની ગોવાળલા પણ સ્વયંવરમાં બોલવાં હન તેલાજ તેની વરમાળા પોવી. દેવ રગવાઈ ગેત. ગોવાળ લગીન પછી કનસરા નાંવથી જાણીતા હુઈના. એક વખત બરમદેવ હન નારણદેવનીં કનસરા વર હુમલા કે. નારણદેવ ખોડુક (ઝાડાનાં થુડ) હન બરમદેવ ખડે હુઈનેલ. કનસરા-ગોવાળ મરી ગે. કનસરી કાંડે તી. તેના ચાંદલા ખરી ગે, બાગડે કુટી ગેત. કનસરીનીં ધ્યાન ધરી હન દેખાં કા કનસરાલા નારણદેવ હન બરમદેવનીં મારેલ આહા. તી બાલ છોડી ટાકીને હાથમાં મુશળ લી હન ઘાંવદની. દેવ પોળનાત. કનસરાલા લી હન કનસરી ખડેને કાપરમાં ગી. તઠે કનસરાલા થવી હવા પાણી- જીવ જંતુ કાંહી પણ એલા નીં બગાડત ઈસાં બંધારણ કરી હન કનસરીની ઢેગુદેવ, મેગુદેવ, વારદેવ, અગાસીદેવ, જળદેવીલા બોલવાં. બધાલા સાંગાં કા દેવ લોકની માલા હેરાન કીયેલ આહા. તુંમી દુકાળ પાડા. પાણી ઘટી ગેં, ખાવલા ઘટી ગેં. વારા ખૂબ ચે. તાપ ખૂબ પડે. લોક જીગી પણ નીં શકત હન મરી પણ નીં શકત. કનસરી દ્વારકાલા જાઈને આઠ કોટ રચીને પડની.

લોકાલા ત્રાસ હુઈના. બધા લોક દેવાંલા ઝગડુલા મંડનાત. નારણદેવ કનસરીલા ગવસત ગવસત સિંગળદીપી ગે. તઠે હિમાઈદેવકોઠારી નીં તેલા હાથ પાંચ ઘણુલા પાણી દીધાં. નારણદેવ બધાં જ પાણી પી ગે. ખાવલા કોદી દીધી ત તી ખાઈ ગે. મુશેમાં દોન તીન છીતાં હતાં ત તેં હેરી લોકનીં નારણદેવને મુશે ઉપટી ખાદેત.

નારણદેવલા લી હન હિમાઈદેવ કોઠારી દ્રારકા ગી. નારણદેવ આડખેજે જુસા હુઈના. ભોટનાં જ પોટ, દોરી જુસા હાથ પાંચ. નાયત નાયત કનસરી ખાલ ગે. કનસરી હોંસી પડની.

કનસરી મહાદેવને ઘરીં ગી. મહાદેવની કેદ કીચેલ બધે દેવાંની તેની બેડી તોડી ટાકી. મહાદેવને ઘરમાં તી પીલારૂપે પ્રગટ હુઈની. મહાદેવ વળખી નીં શકના. પણ કુનબીનીં વળખાં. કનસરીની પીલામાંસુન ડોકી બાહેર કાહડી દર્શન દીધાં.

મહાદેવ રથ લીયના. કનસરી સાંગે-“માંના વાહન નંદી આહા. માં નંદીવર જ બીસીન.” કાજળકાળી રાતનાં કનસરી સોનારને સપનમાં આની. “તું લાખના પાટ બનાવજે. વર ચાંદી સારી માંની મૂર્તિ બનજે. માં તુલા બરકત દીંન. માગુંન કુનબીને સપનમાં આની”. હાથમાં કાઠી રાખી મહેનત કરજે. માં તુલા બરકત દીંન.” કનસરી અદ્રશ્ય હુઈગી.

તે દિસ હુન કુનબે કનસરીની પૂજા કરતાં હાંત.

૦

ભારતના બંધારણમાં ભાષા માટે એક અલગ પરિશિષ્ટ રચેલ આહા-આઠમા પરિશિષ્ટ. તેમાં ભારતની મુખ્ય ભાષાના સમાવેશ કીચેલ આહા. તેમાંસુન હિન્દી હન અંગ્રેજી ચે દોન ભાષાલા રાષ્ટ્રભાષા માનવામાં ચે હે. દિલ્હી ખાતે તા. ૧૯મી નવેમ્બર ૯૮ ના રોજ ભારતના વડાપ્રધાન માનનિય અટલ બિહારી વાજપેયીનીં જાહેર કેંહેં કા પરિશિષ્ટમાં સમાવાયનેલ દુસરે ભાષાલા પણ આતાં રાષ્ટ્રભાષાના દરજ્જા દેવામાં ઈલ. ભારતમાં આજું પણ કેટલીય ભાષા આહાત. તેહલા આઠમા પરિશિષ્ટમાં સમાવવાની જરૂર આહા. આપણે આશા રાખું કા નજીકને ભવિષ્યમાં એ ભાષાલા પણ આઠમા પરિશિષ્ટમાં સમાવેશ કરવામાં ચેતી. જે ભીલી ભાષાલા સાહિત્ય અકાદમી પારિતોષિક જડેવાં, હન કુંકણા-ડાંગીલા ‘કથા’ પારિતોષિક જડેવાં તો પછી તેહલા આઠમા પરિશિષ્ટમાં સમાવેશ કરુલા કેટલી વાર ? પ્રિય વાચક, ‘ઢોલ’ માં લખતા હુયા. કદાચ આપણી ભાષાલા પણ યોગ્ય તે સન્માન ટૂંકમાં જ જડીલ. માતૃભાષા સૌથી વહાલી.

‘વિમુક્ત જનજાતિ’ કાય આહા ?

ગણેશ દેવી

આપણે દેશમાં અલગ અલગ પ્રકારના આદિવાસી લોક રહતા હતા. ખેતીનાં કામ કરતા આદિવાસી, ઘેટાંબકરાં ચારી જીવન જીવતા આદિવાસી. તદ્દન અવિકસીત આદિવાસી હતા શાહરામાં જાંઘળે જાતજાતના કામ કરી જીવન જીવતા આદિવાસી. એકજ સ્થળે રહેવાવાળા આદિવાસી હતા ઠેકઠેકાણે ભટકી હતા જીવવાવાળા આદિવાસી. એ બધાલા ‘આદિવાસી’ ના એક જ નાંવથી વળખવામાં એ હતા. સરકારી કચેરીમાં દસ્તાવેજ માં એ બધાલા શેડ્યુલ્ડ ટ્રાઇબ્સ- અથવા અનુસૂચિત જન જાતિના નાંવથી ઓળખવામાં એ હતા. તે સિવાય સરકારી દફતરમાં વિમુક્ત જનજાતિ (Denotified Tribes) ઈસા એક શબ્દના ઉપયોગ કરવામાં એ હતા. તેમાં સુન કેટલાક આદિવાસી (Tribes) આહાત ત કેટલાક અનુસૂચિત જાતિ (S.C.) આહાત, કેટલાક વળી અન્ય પછાત વર્ગના નામે (OBC) ઓળખવામાં એતા હતા. એ વિમુક્ત જનજાતિ એટલે કાય ઈસા સવાલ હોયે હો.

એની પાછળના થોડાક ઇતિહાસ આહા. આશરે બસો વરીષ પહેલાં આપણે દેશમાં અંગ્રેજોનાં રાજ આનાં. તાહાં અલગ અલગ વિસ્તારમાં બારીક-મોઠલે રાજ રાજ કરતાતા. તેહનાં અંગ્રેજો હારીં લડાઈ-ઝગડા ચાલેતા. જાહાં જાહાં હતા જઈ જઈ રાજ હારી જાત તાહાં તેહને સૈનિકની દશા ખરાબ એ. તે નોકરી છોડી જીવ બચાવુલા જંગલમાં પોળી જાત. જંગલમાં સંગઠન બનાવી અંગ્રેજ લોકવર હુમલા કરતા. અંગ્રેજોના ખખખા લુટી લેતા, તેહલા ત્રાસ દેતા. અંગ્રેજોને મતે એ લોક ગુનેગાર હતાતા. ઘીરે ઘીરે અંગ્રેજો કોઈ પણ રખડતી જાતી પ્રત્યેય શંકાની નજરે હેરુલા મંડનાતા. ભારતમાં પહેલેથી જ રખડતી જાતી સુખેથી રહેતી. તેમાં લમાણ, કેકાડી, ચેરુકુલા, પારધી, સાંસી, કંજારભાટ, ઈસી કેટલીય જાતી હતાતા. અંગ્રેજોની પહીવટના ઘાક બીસાડુલા એ બધી જ જાતીલા ગુનેગાર જાતી માની લીધી હતા ઈ.સ. ૧૮૭૧માં ‘ગુનેગાર જાતિના કાયદા’ બનાવના. એ કાયદા મુજબ દરેક રખડતી ગુનેગાર જાતિ લા ઘર, જમીન જીસી સ્થાવર મિલકત ઘરાવુલા-મેળવુલા બંદી ફરમાવવામાં આની. એ કારણે દેખીતી રીતેજ એ આખી પ્રજાની જમીન ઝુંટવાઈ જી ગી. એ નવા કાયદાથી કેટલીય જાતિવર ગુનેગારની કાળી ટીલી લાગી ગી. તેહલા ‘સુધારુલા’ (?!) કેટલીક જાગાવર ખુલ્લી જેલ જીસી વસાહત બનાવવામાં આની. સોલાપુર, તંજાવર, હુબળી વસાહતના અવશેષ આજું પણ આહાતા. ગુનેગાર જાહેર કીચેલ જાતીને લોકાલા ઘરી ઘરી એ જાગાવર લી હતા વસાવવામાં આનાલે. તઈ તેહાપાખ મહેનત મજૂરીનાં કામ કરાવવામાં એહેતાં. સમય જતાં લોક પણ તેહલા ગુનેગાર જ માનુલા લાગનાતા. તેહની ગુનાખોરીની ગોઠી બધે પ્રચાર હુયત ગેતા. એ બધે ચાતનાથી કંટાળીને એમાંથી ઘણાની ખરેખર ગુનેગારી શરૂ કી.

સ્વતંત્રતા જડની તેના થોડાક વરીષ પહેલાં આપણે દેશમાં મર્યાદિત અધિકાર ઘરાવતી સરકાર રચવામાં આનેલ હતા. મુંબઈ ઈલાકાની સરકારની ઈ.સ. ૧૯૩૯માં એક સમિતિ રચી હતા સમિતિલા ‘ગુનેગાર જાતિ’ ની સ્થિતિ સુધારલા માટેનાં સુચન લેવામાં આનાંતા. ઈ.સ. ૧૯૪૯માં અંત્રોળીકર સમિતિ નિમવામાં આની. તાંવ સુધી મુંબઈ સરકારની એ કહેવાતી ગુનેગાર જાતિને લોકાલા ‘મુક્ત’ કરી દીધલે. હતા તેહના વિમુક્ત જનજાતિ’ તરીકે વળખાવુલા લાગનાતા. એજ ચાદીમાં દુસરી ભટકતી રખડતી જાતીનાં નાંવાં ઉમેરીને ‘વિચરતી હતા વિમુક્ત જનજાતિ’ (Denotified and Nomadic Tribes) ઈસી સંજ્ઞા નાં નિર્માણ કરવામાં આનાં.

ગાંવ ઠાન બાહેર રહી રખડતાં જીવન જીવીને પોતાનાં અસ્થિત્વ ટકાવી રાખનાર, હદ બાહેરના ત્રાસ સહન કરી ચુકેલ, હન આપણે જ સમાજ ને દુસરે લોકાંहीं નફરત સહન કરીને જીગી રહેનેલ ચે વિચરતી હન વિમુક્ત જન જાતિ નાનાંવથી ઓળખાતી પ્રજાલા આપણે પ્રેમ, સહાનુભૂતિ હન સહાયની તાતી જરુર આહા.

૦



05/08/99
b.m. 80/50

વન, વનસી હન આપણે

ડાહ્યાભાઈ વાઢુ

વનસી વિધા વિશેના ગયા અંકના લેખ બધાલા ગમના. અનેક વડીલજનોની એ પ્રકારની માહિતી દરેક અંકમાં ચેવાં જ જોઈજ ઈસી ભલામણ કીચેલ હતી. એ પ્રકારનાં સાહિત્યનાં પ્રકાશન પણ કરવાં જોઈજ ઈસી પણ ભલામણ કીચેલ હતી.

એક આખા દિસ ભગતાં હારીં રહુલા જડનેલ. પ્રસંગ હતા ભગત સહકારી મંડળીના સંમેલનના. હન સ્થળ હતાં ડુંગરડા-વઘઈ. ભગતાં હારીં વાંસદા રાષ્ટ્રીય બાગ ને સુરક્ષિત જંગલમાં વનસી હેરુલા પણ ગીચલે. ‘વનસી’ કાહડુલાની રીતભાત વિશે પણ ચર્ચા હુઈનેલ. વનસી કાહાડતાં પહેલાં આગલે દિસે તેલા પ્રણામ કરી હન પૂજ કરી તેલા નિમંત્રણ હોપી ને દુસરે દિસ વનસી કાહાડવામાં ચેહે. વનસી કાહાડતી વખતે દમ પણ નીં ભરુલા, તેવર આપલી શાહી નીં પડું દેવલા, હન ભીંમને પણ નીં પીલકવુલા. વનસી પ્રત્યેયની શ્રદ્ધા જોઈજ. વનસી શુદ્ધ જાગાવરનીં જ રહવાં જોઈજ. આસો હન કારતક મહિનામાં વનસી લીયુલાના સમય બેસ રહે હે.

આમના પ્રયત્ન ઈસા આહા કા વનસીના ગુણધર્મ વિશે લોકાલાં જગૃત કરુલા. જે વનસીના લોક ગુણધર્મ જાણતા હુઈતી તેલા બચાવુલા પ્રયત્ન કરતીલ. વનસી હોપુલાની ભગતની પોતાની પદ્ધતિ હન હથોટી રહે હે. કોઈવનસીના ગુણ ધર્મ લોક બધાં જાણી જાતી ત આમાલા કુન હેરીલ ? ઈસી એક ભાવના ભગત લોક ઘરાવતા હાત. પણ આંમના પ્રયાસ ગુણધર્મ જાણવા હન તેના ઉપયોગ વિશે લોકલા જણાવુલા પુરતા આહા.

વનસી વિધા પણ દુસરે વિધા જુસીજ આહા. વિધા માટે સંસ્કૃત ભાષામાં એક સલોખા આહા-

ન ચોરહાર્યં ન રાજહાર્યં ન ભાતૃભાજ્યં ન ચ ભારકારી ।

વ્યયે કૃતે વર્ધત્યેવ નિત્યં વિધાધનં સર્વધનપ્રધાનમ્ ॥

ગુજરાતી ભાષામાં પણ આહા કા -

‘વિધા વાપરતાં વઘે, વઘે ઘન બુદ્ધિને તેજ’.

સાંગુલા મતલબ ચો આહા કા- વિધા-વનસીના ગુણધર્મ વિશે લોકોલા જણાવવાં જોઈજ. વનસી તૈયાર કરુલાની પદ્ધતિ બેશક તુંમી ગુપ્ત રાખજ તીં જરુરી પણ આહા.

★ શતાવરી (ગુજરાતી - શતાવરી/ મરાઠી-શતાવરી, દિવસ માવલી) :

શતાવરીના બારીક છોડ રહે હે. તેનાં પાનાં શરૂને જુસાં, પણ તે કરતાં પણ બારીકલં રહતાં હાંત. તેવર કાંટા રહતા હાંત. શતાવરીમાંથી ખારટ વાસ ચે હે. શતાવરીના મૂળાં કામ ચેતાં હાંત. મૂળાં બારીકલં હન ઝુમખામાં રહતાં હાંત. શતાવરી વરલાં ફળ બોરને જુસાંજ રહતાં હાંત. પીકતી વખતે તેં રાતડલં હુઈજાતાં હાંત.

- દૂધ વઘારુલા માટે શતાવરીમાં મૂળ દૂધમાં કુટી હન પાજવાથી બાયકાલા, ગાય દોબોડનાં દૂધ વઘે હે.

- શતાવરીનાં મૂળાં ઉકાળી, તે ઉકાળામાં મધ ટાકી પીવાથી પોટના દુઃખાવા હન પિત્તમાં ફાયદા હુયે હે.

- શતાવરીનાં મૂળાના રસ કાહડી ગાયને દૂધમાં ભેળવીને પીવાથી પથરી હન કુતરાં ચાપનેલ હવાં ત તેમાં ફાયદા હુયે હે.

- શતાવરીનાં મૂળાં હન જીરાં કુટી હન એકાદ ચમચી પીવાથી ગોદકેં જરાં માં ફાયદા હુયે હે.

★ ચિત્રોક (ગુજરાતી-ચિત્રક, ચિત્રો/મરાઠી-ચિત્રક) :

ચિત્રોક ઝેરી વનસી આહા. પોટાળી બાયકોને કદી પણ ચિત્રોકની વનસી નીં વાપરુલા કારણ ચિત્રોકની ગર્ભશય વર ખૂબ જ અસર હુયે હે હન ગર્ભભાત હુયુલા ભય રહે હે, ચિત્રોકની ઘવળી હન રાતડી ઇસી દોન જાત ચેતે હેત. પીળાં ફૂલવાળી ચિત્રોક પણ રહે હે, પણ આતાં કહે તરી જડુલા મૂશકેલ આહા. ચિત્રકનાં મૂળાં હન છાલ કુટી હન ચામડીવર ચોપડવામાં ચે તે તહે ચામડીલા ઝઝલી ચેહે. કદીક ફોલાં પણ ઉઠતાં હાંત. ઇસા તેજ ગુણ તેમાં આહા. જે ગુમડાંમાં રસી હવી હન જે ગુમડાંમાં પુ હુયે તીસાં ગુમડાં પીકવુલા હન ફોડુલા માટે ચિત્રક ની છાલ કુટી હન બાંધવાના કામમાં લેવામાં ચે હે. ચિત્રકનાં મૂળાં હન છાલમાં ચોખાનાં પીટ કાલવી તેના પાટા સોજા હન સંધિવા માં ઉપયોગ કરવામાં ચે હે. કોઢ હવા તહે ચિત્રોકનાં મૂળ પાણીમાં કુટી મીટ હારીં ભેળવી તઠ ફોલાં ઉઠ તાંવ લગી બાંધવાથી ફાયદા હુયે હે. સંધિવા વર પણ ઇસા જ પાટા બાંધવાથી ફાયદા હુયે હે.

ચિત્રકની વનસી લેવાથી ખૂબ જ ઘામ નીંધે હે. વધારે પ્રમાણમાં ચિત્રક લેવાથી શરીરમાં ગરમી હુયે હે, હન ઘેન ચહડે હે. જાંબાચે ચેતે હેત હન ઝાડા ઉલ્ટી પણ હુઈ જાહા. પેશાબ બંધ હુઈ જાહા કાંતે પેશાબ કરુલા મૂશકેલી પડે હે. ગુસ્ત વિઘામાં પણ ચિત્રક વાપરવામાં ચેહે. કાળા ચિત્રકને દૂધમાં ચોખા રાંધીને ખાવાથી છ મહિના સુધી કાંઠી પણ ખાવલા જરુર નીં પડે. ઋષિ મુની ઇસી રીતે જ રહે તે હન તેહલા ખાવલા પેવલાની ચિંતા નીં રહેતી. ચિત્રોક સુજામાં, કોઢ, ઉઘરસ, કરમ હન પોટને દૂઃખાવામાં ઉપયોગી આહા.

- ચિત્રોકનાં મૂળાંની છાલ કુટી હન ઘી માં કાલવી દાદરવર ચોપડવાથી ફાયદા હુયે હે.

- ચિત્રોકનાં મૂળાં પાણીમાં ઘસીને સુજા વર લેપ કરવાથી સુજા ઉતરે હે. રસીવાળાં હન પુ નીંધે તીસાં ગુમડાં ફૂટી હન બેસ હુયતાં હાંત.

- ચિત્રોકનાં મૂળાં કુટી તેના બારીક ભુકા બનવીને ગુળમાં કાલવીને વાંચલે ગોળે બનવુલા. જેલા નીજ નીં લાગવી તો ઇસે એક એક ગોળે ખા તે ફાયદા હુયે હે.

- નવે લોટકામાં (ઘડામાં) અંદર હુન ચિત્રોકના મૂળના ભુકા કાલવી તેના લેપ કરુલા હન તે લોટકામાં દહીં કરવુલા થવુલા. તીં દહીં સકાળને ખાઈજાવલા. હરસ-મસા હુઈનેલ હવા તેલા એ પ્રકારનાં દહીં થી ખૂબજ ફાયદા રૂપ આહા.

- ઉંદીર ચાવનેલ હવા હન ઝેર ચહડનેલ હવાં તે ચિત્રોકનાં મૂળના ભુકા તેલમાં તળી તે તેલ વાહાર પાંચેને તળીયાલા હન નીડાળાલા માલીશ કરવાથી ફાયદા હુયે હે.

- સુવાવડી બાયકાલા જરાં ચેહેવાં તેમાં ચિત્રોક ખૂબ જ ફાયદા રૂપ રહે હે. ચિત્રોકની ગર્ભશયવર ખૂબજ અસર હુયે હે. ગર્ભશયનાં ખરાબ લોહી વગેરે બાહેર કાઢી ટાકુલાના એમાં ગુણ આહા.

★ ચીડી :

ઓ જંગલના છેક બારીકલા છોડ આહા. તો એકથી દોન ઈર્ષીત જુલા મોઠા રહે હે. તેની એક ડાંખળી રહે હે. કદીક દોન રહેતે હેત. તેનાં પાનાં હન મૂળાં વનસી તરીકે કામ ચેતાં હાંત.

- કાળી ચીડીના પાનાં કુટીને પીવાથી બાયકાને માસિકને લગતી કોઈ પણ તકલીફમાં ફાયદા હુયે હે. જેલા કોઈ કારણસર ગર્ભ ની રહવા તીસે બાયકલા પણ ચી દવા અકસીરૂપ રહે હે. ઇસે બાયકાને ઈછટ વસ્તુ નીં ખાવલા કોપરાં પણ નીં ખાવલા પરેજી પાળુલા જરુરી આહા.

- ચીડીનાં મૂળાં નવે ચીંધુકની પેટી બનાવીને બાયકાને હાથાલા બાંધુલા અથવા તે ગળામાં પોવુલા હોવુલા. વર દીઘેલ દોઘી વનસી હારીં જ કરુલા.

★ વરસ :

વરસના ઝાડ જાણીતા આહા.

- વરસના છોડના એક ઈંદિત ભાગ વાળવી હન બરોબર કુટી તેને નવ ગોળે બનવુલા. નવ ગોળે બનવી રોજ એક એક ગોળી પીવાથી મીઠી પેશાબમાં ફાયદા હુયે હે. તીખટ વસ્તુ નીં ખાવલા કા મશાલા ની પરેજી પાળુલા જરુરી આહા.

★ ઘાયતી (ગુજરાતી-ઘાવડી / મરાઠી-ઘાયટી) :

- પોશાહને દાંત નીંધુલા રહતા હાત તાહાં હિંકે ફનકા કરતે હેત હન પોશાં તે ફનકાના કારણે જી વસ્તુ હાથમાં આનીવી તી મોહામાં ટાકી હન ચાવતાં હાંત. ગંદી વસ્તુ મોહામાં જાવાથી પછી પોશાહલા હગાર્ડે હુયે હે. ઈસી ફનકા મીટાડુલા માટે ઘાયતીનાં ફૂલાં વાળવી કુટી હન તેનાં ભુકા બનવી તો ભુકા હિંકેવર એકજ વખત ઘસવાથી કોઈ પણ તકલીફ વગર દાંત નીંધતા હાત.

- બાયકાલા સફેદ માસિક જાહાવાં (શ્વેતપ્રદર) તેલા ઘાયતી નાં ફૂલાં ઉકાળીને તીન દિસ સુધી પાજવાથી ફાયદા હુયે હે. ઘાયતીનાં પાનાંના રસ ખાંડ માં કા મધમાં પીવાથી ઈસા જ ફાયદા હુયે હે.

- જેલા ખવદાં કા ભુજલાયનેલ હવા તેલા કટીક ઈટાળ પડે હે. ઈટાળ પડનાહા કા નીહીં તીં ખાતરી કરુલા માટે બોરીની હન ઘાયતીની કાડકી લી હન તી પેટવી રોગી વરહુન પાંચ વખત ઉતારી હન થાળીમાં પાણી થવી તેમાં વલવુલા. જો પાણી લાલ હુઈ જાલ તે ઈટાળ આહા ઈસાં માનુલા.

★ ચપ (જંગલી કેળ) :

- ગોદડ જરામાં ચપનાં બી કુટી હન પાજુલા.

- કુતરાં ચાવનેલ હવાં ત ચપનાં બી કુટી હન પાજુલા હન ઘા વર ચોપડુલા.

- ચપનાં બી પાજવાથી શરીરમાં ઠંડક રહે હે. જે વખતે ઓરી- અછબડા - ઉભરાયહ તીં હુયનેલ હવાં તે પોશાહલા ચપનાં બી પાજવાથી તીસે પોશાહલા નીં ઉભરાય-ચેપ નીં લાગે.

★ અડુળસા (ગુજરાતી-અરડૂસી / મરાઠી-અડુળસા) :

અડુળસાલા વાસા કરી પણ વળખવામાં ચેહે. “અઠ્ઠ આહા વાસા, તે અબદા કરતાહાસ કાસા”. ઈસી એક કહેતી આહા. અડુળસા એકદમ ઉપયોગી છોડ આહુ. અડુળસા, તુલસી જીસા છોડ તે દરેક ઘરને સુંબુર રહવાં જ જોઈજ. ભગવાનની ઉલી બધી વનસી બનવેલ આહા પણ આપણેજ તેની દરકાર નીં કરજોન.

અડુળસાની ઘવળી હન કાળી ઈસી દોન જાત ચેહે. અડુળસા અતિ ઉપયોગી વનસી આહા. રક્તપિત્ત, શય, ઢાંસ (ખાંસી), દમ, કમળા, ઝેર વગેરેમાં કામ ચે હે.

- અડુળસાના પાનાં હન ફૂલાના રસ મધમાં પીવાથી દમ, ઉઘરસમાં ફાયદા હુયે હે.

- રક્તપિત્ત, કમળામાં પણ પાનાના રસથી ફાયદા હુયે હે.

- અડુળસાનાં મૂળાં ઉકાળીને બેંબીવર હન ગુસભાગવર લગાવવાથી પ્રસુતી સુખરૂપ હુયે હે.

- જેલા સફેદ માસિક જાહાવાં (શ્વેતપ્રદર) તી બાયકો જ અડુળસાના મૂળાના રસ મધમાં મેળવી પે તે તી તકલીફ મટે હે.

- અડુળસાનાં પાનાં વરાળમાં બાફ કરી તેના રસ કાહડુલા. તે રસમાં સાકર ટાકી મધને જીસાં જાડા બનાવુલા. તેમાં બહેડાં હન હળદનાં ચૂર્ણ ઉમેરીને ગોળે બનવુલા. તે ગોળે ખાવાથી દમ, ટી.બી. હન ઢાંસ મટે હે.

★ ઉપરસાલ (ગુજરાતી- ઉપરસાલ/ મરાઠી-ઉપલસરી, કાવરી) :

- ઉપરસાલનાં મૂળાં ગરમપાણીમાં ઉકાળીને પીવાથી ઘામ ખૂબ જ નીંધે છે. ભુખ લાગે છે.
- ઉપરસાલનાં મૂળાં કુટી હન મધમાં ચાટવાથી સંધિવા મટે છે.
- ઉપરસાલનાં મૂળાના ઉકાળા બનાવી ચા ને જીસાં પીવાથી કોઈપણ રોગ નીંહુયે. હુયનેલ હવા તરી તો દુર હુયે છે.
- પોટાનાં દૂઃખાવામાં મૂળાં પીવાથી ફાયદા હુયે છે.
- માથાના દૂઃખાવામાં મૂળાં ઘસીને લેપ કરુલા.
- ઉપરસાલનાં મૂળાં કુટી હન ગુમડાવર ચોપડવાથી ફાયદા હુયે છે.

★ તાન (વાસનવેલ) :

તાનના એલ વડીવર હન ઝાડાવર રહતા હાત. તાન, ગરવળ જીસા વેલ ખૂબજ ઉપયોગી આહાત. તેના વિશે જાણકારી રાખુલા જરુરી આહા. તાન લા શામુવાધ, વાસનવેલ, કા તાનવેલ પણ સાંગાય જે છે.

- ડોળા ચેતા હાત તાહાં તાનને પાનાના રસ કાહડી તો વાળવી તેના ડોળાવર લેપ કરવાથી ફાયદા હુયે છે.
- વાંચલે પોશાહલા હગાડેં હુયનેલ હવાં તે એક ઈહિત તાનના એલ લી હન તેની બાગડી બનવી હાથામાં પોવી દેવલા.
- તાળવાં પડે છે તેમાં તાનનાં પાનાં કુટી હન તાળવાવર થવવાથી ફાયદા હુયે છે.
- ગઢી હુયનેલ હવી (એસીડીટી) તે અડઘાકોપ પાણી માં તાનનાં પાનાં કુટી હન તીં પી જાવલા.
- કમળા હુયનેલ હવા તે તાનના એલ કુટી હન પાજુલા.
- સાંધા દૂઃખતા વાત ત તાનનાં મૂળાં પાણીમાં ઉકાળીને પેવલા.

★ ડુક્કર કંદ (ગુજરાતી-ડુક્કર કંદ/મરાઠી-ભિંબોલી કંદ) :

ઓ ખૂબ જ ઉપયોગી કંદ આહા પણ તેની બુહુ ઓછે લોકાલા તેની ખબર રહે છે. એના વિશે જાણકારીના અભાવે તેલા બચાવુલાની કોઈની પ્રયત્ન નીં કીચેલ મીળે. જઈ લેજ બેસ રહવા તઈ ઓ કંદ હુયે છે. પાનાં ભૂંધમાં દાટાયનેલ જીસાં રહતાં હાંત. કાંદ એકાદ ઈહિત ભૂંધમાં રહતા હાત. ડુક્કર કંદ તીખટ હન કુડુ લાગે છે. કોઢ વગેરેમાં ડુક્કર કંદ ઉપયોગી આહા. પાન લાગનેલ હવાં તેમાં પણ ડુક્કરકંદ કામ ચે છે. જેલા ઝેર ચહડનેલ હવાં તો જ પી શકે છે. કારણ કા કાંદના સ્વાદ એકદમ તીખટ હોવાથી ગળામાં ખૂબજ ફનકા હુયે છે.

- જરાં નીં ઉતરવાં તે ડુક્કર કંદનાં મૂળાં સુતમાં બાંધીને હાથામાં બાંધવાથી ફાયદા હુયે છે.
- કાનના દૂઃખાવામાં તથા હરસ મસામાં ફાયદા હુયે છે.

★ તુળશી :

- કાળી તુલસીનાં પાંનાના રસ ડોળામાં ટાકવાથી રાત આંધળાં (સ્તાંધળાં) મટે છે.
- લાગનેલ ભાગવર તુલસીનાં પાનાં ચોપડુલા.
- સુજા વર તુલસીને રસમાં ઘી હન મરી ટાકી પાજુલા.
- તુલસીનાં પાનાં દાદર વર ઘસુલા.
- તુલસીનાં બી કુટી હન પીવાથી પેશાબની તકલીફ હવી ત બેસ હુયે છે.

★ પેવટા (વા લાકડી) :

વા માટે પેવટા જીસી અક્સીર દવા દુસરી નીં મીળે. એની ક્રિયાપદ્ધતિ ભગતો ગુપ્ત રાખતા હાત. ઘર આંગણામાં ઉગાડી શકાય તીસી ઈં વનસી ના કાંદ કુટીહન સાંધા દૂઃખવા તઈ લેપ કરુલાને કામમાં ચે છે.

★ અર્જુન સાદડ (મરાઠી -પાંઢરા આઈન /ગુજરાતી -ઘોળો સાજડ) :

સાદડાને ઢોન જાત યેતે હેત. સાદા સાદડ હન અર્જુન સાદડ. સાદા સાદડની છાલ કાળી રહે હે. હન અર્જુન સાદડની સાલ ઘવળી રહે હે. સાદડ બઘેજ હુયતા હાત. તેમાં કઠ કઠ અર્જુન સાદડ રહતા હાત. હૃદય રોગની બીમારી માં અર્જુન સાદડ ખૂબજ ઉપયોગી આહા. અર્જુન સાદડની છાલ વનસીને કામમાં યેહે. છાલ વરહુન ઘવળી પણ અંદર હુન જાંખી લાલાશ પડતી રહે હે.

અર્જુન સાદડ મોચ હન હાડુક મુડનેલ હવાં તેમાં, કફ, હૃદય રોગ, પાંડુરોગ, રક્તદોષ, દમ જીસે રોગમાં ખૂબ જ ઉપયોગી આહા.

- અર્જુન સાદડાની છાલ પાણીમાં બરોબર ઉકાળી અડઘાં પાણી બાળી ટાકી તે પાણી વાહાર ઘા કા ગુમડાં ઘવવાથી તીં જલ્દી ફીટી જાહા. અંદર કીડા નીં પડત. છાલના ભુકા કરી ઘા માં ભરવાથી ભૂજલાયનેલ હવાં તેમાં હન લાગનેલ હવા તીસા ઘા મટી જાતા હાત.

- અર્જુન સાદડાની છાલ દૂધમાં કુટી હન પાજવાથી મોચ આનેલ હવી તે બેસ હુયે હે. તે જાગાવર છાલ કુટી હન બાંધુલા. છાલવર ઘીં ચોપડી પાટા બાંધવાથી પણ ફાયદા હુયે હે.

- અર્જુન સાદડાની છાલ બરોબર ઉકાળી તેમાં દૂધ ટાકી પાણીના ભાગ બળી જ તાંવ લગી ઉકાળુલા. તેમાં સાકર ટાકી તીં થોડાં થોડાં પેવલા. એનાથી ગઢી હુઈનેલ હવી ત ફાયદા હુયે હે.

- અર્જુન સાદડાની છાલ કુટી હન તેમાં ઘઉંનાં પીટ સરખા ભાગે લી હન દૂધમાં બાફી તેમાં ગાયનાં ઘી ઉભરી તો શીરા મધ કાં ત સાકર હારીં ખાવાથી હૃદય રોગમાં બેસ ફાયદા હુયે હે.

- અર્જુન સાદડાની છાલ ના ભુકા, ઘી, દૂધ, મધ કા ગુળના પાણીમાં લેવાથી હૃદયરોગ, રક્તપિત્ત, હન પિત્તરોગમાં ફાયદા હુયે હે.

- અર્જુન સાદડાની છાલનાં ભુકા, તેનાથી ચાર ઘણાં ઘી, ને ઘી થી ચાર ઘણા સાદડાના પાનાના રસ કાહડી તીં ઘીમા તાપે તપવુલા. ઘી બાકી રહ તુલા ઉકાળી લેપ બનાવુલા. તો લેપ ડોકીના દૂઃખાવામાં ઉત્તમ ફાયદાકારક આહા.

- અર્જુન સાદડાની છાલ ઉકાળીને પાજવાથી પોટના દૂઃખાવા હન પેશાબ બંધ હુઈનેલ હવા તેમાં ફાયદા હુયે હે.

સંશોધન મુજબ અર્જુન સાદડ ની છાલની રખાડીમાં ૪૩% ચુનાના ક્ષાર આહા. એ ક્ષારમાં ૩૪% શુદ્ધ ચુના હન ૧૬% ટેનિન રહે હે.

કાનના દૂઃખાવા વર કામ યે તીસી વનસી :

- મરેલ ઈંચુ તેલમાં કઢવી તીં તેલ કાનમાં ઉભરવાથી કાનના દૂઃખાવા માં ફાયદા હુયે હે.

- કાળી તુલસીના રસ કાનમાં ઉભરવાથી ફાયદા હુયે હે.

- રૂઈનાં પીકેલ પાનાવર ઘીં ચોપડી તીં પાન ગરમ કરીને તેના રસ કાહડી કાનમાં ટાકવાથી કાનના દૂઃખાવામાં ફાયદા હુયે હે.

- વડ, આંબા, જાંબુન હન મોહોવનાં કવળાં પાનાં ના રસ કાહડી તેમાં તીળનાં તેલ મેળવી બરોબર ગાળી કાનમાં ટાકવાથી ફાયદા હુયે હે.

- કાનમાં જીવડાં ગીયલ હવાં ત તરુઠાના પાનાના રસ ટાકવાથી જીવડાં તરત જ નીંધી જાહા - હન કાન દૂઃખતા મટી જાહા.

- ભૂંઈરીંગણી ઈંગોળવર ટાકવાથી જો ઘુમાડા નીંધ હ તો કાનમાં લેવાથી કાનને દૂખાવામાં ફાયદા હુયે હે.

ગાંધી હુઘનેલ હવી ત કામ ચે તીસી વનસી :

- લીમડાનાં પાન ઉકાળી પેવલા.
- આવળાં ઉકાળી પેવલા.
- આંવળાં માં સાકર ભેળવી વર ઘી ટાકી ખાવલા.
- ચોર આંબલાનાં સરખત માં જીરાં કુટી ટાકી પેવલા.

એક શુભેચ્છક તરફથી મીળનેલ યાદી

ઘરગથ્થુ સારવાર

- જરાંમાં -** કાળાં મરી તીનથી ચેર તુલસીનાં ૧૫ થી ૨૦ પાનામાં સાકર હારીં કુટી હન દિવસનાં તીન વખત લેવલા.
- ડોકી દૂઃખે -** મરી સાત દાણા, સાકરમાં કુટી હન ઘી માં મેળવી સકાળને ચાટી ખાવલા. મરીના લેપ પણ કરુલા.
- પોટ દૂઃખે -** અજમા વાટી હન ફાકી મારુલા.
સુંઠ હન ગુળ એક ચમચી એક વખત લેવલા.
એક ચપટી જુલા હીંગ ઘીમાં મેળવી ચાટુલા.
- હગાડે(મરડા) -** એક કપ છાશમાં સુંઠ એક ચમચી હન જરાક મીટ મેળવી ગરમ ગરમ પેવલા.
- કમળા -** ત્રિફળા રોજ ગરમ પાણી હારીં એક એક ચમચી લેવલા.
અડુળસાના પાનાના રસ મધ હારીં દિવસનાં દોનથી તીન વખત. (ઘઉંની વસ્તુની પરેજી)
- પેશાબની તકલીફ -** આંમળાં હન હળદ સરખે ભાગે દિવસમાં દોન વખત લેવલા.
અજમા વાટી હન ગોળમાં મેળવી ગોળી બનાવી સકાળ અળચને લેવલા.
- શરદી -** આદાના રસ દિવસનાં ૨ થી ૩ વખત હોપુલા.
મરીના લુકા ગોળમાં કાલવી ગોળી બનાવી સકાળ અળચને હોપુલા. (ઉપવાસ કરુલા - હલકા ખોરાક લેવલા)

છુટાછેડા-એક મોઠી સમસ્યા

અભિમાની

છુટાછેડા શબ્દ આયકીને મનમાં કંપારી ઈજા. જે એક દુસરા હારી આખી જીંદગી હારી જીગુલા લગીન કરી હન જોડાયલં તેં, છુટાં પડતાં હાંત.

છુટાછેડા માગું, ખાસ ત બાયકા પક્ષલા, પોશીવાળાલા ખૂબજ સહન કરુલા પડે હે. છુટાછેડાનાં અનેક વાંધા વચકા પોશીના જ કાઠાડવામાં ચેતા હાત.

સમસ્ત કુંકણા સમાજ વાંસદાનીં એક મીટીંગ તા ૩જી જાન્યુઆરી ૧૯૯૯ ના રોજ યોજાયનેલ. તહે માલા હાજર રહુલાની તક જડનેલ. તહે ખાસ કરીને, યોજ પ્રશ્ન ચર્ચાયનેલ હતા.

- એ દિસની ન્યાય સમિતી હન કારોબારી સભ્યોની ચર્ચામાંસુન મંઈયેં તારણ કાઢેલ હતાંત.
- છુટા છેડાના સૌથી વધારે કેસ લગીનના એક વરીષની અંદરના ચેતા હાત.
- વાંક પોશીપક્ષના જ કાઠાડવામાં ચેતા હાત. ખેતી કરતાં નીં આવડે, ભાનસ બનાવતાં નીં આવડે કા પોશીલા બધા હારીં રહતાં નીં આવડ ઈસા વાંક રહતા હાત.
- ઘણાં કીસ્સામાં પોશા કા પોશીના લગીન પહેલાનાં લફરાંનાં કારણ રહે હે.
- એક ચોંકાવનારી રજુઆત ઈસી કરવામાં આનેલ કા, છુટાછેડાની ફારગતીની રકમ રૂ. ૫૦૦૦/- આહા. આજ જે રૂ. ૫૦૦૦/- માં છુટાછેડા જડત, ત, અમુક લોક રૂ. ૫૦૦૦/- ભરી પાછાં લગીન કરતા હાત. એકલ દોકલ કિસ્સા હુયતા હવાત પણ ઈગોટ લાલ બતિ સમાન આહા.
- એક બહેનનીં, જી ન્યાય સમિતીની સભ્ય પણ આહા, રજુઆત કરેલ કા, ઈ સમગ્ર પરિસ્થિતિ માટે, આપણે સહુ જવાબદાર આહાંવ. ખાસ કરીને પોશીનાં આઈસ બાહાશ, જેં, પોશી ભણેવી તરી લેગ લેગ પરાઢી દેતાં હાંત. તેલા નીં ત ઘરકામ શિખવત કા, નીં ત ખેતીનાં કામ. પરિણામે પોશી સાસરામાં જાઈને ઈ બધાં શીખુલા પડે હે - હન ગોટ છુટાછેડા સુધીની ઈજાહા.

ન્યાય સમિતીના અધ્યક્ષશ્રીનીં પોતાના અનુભવ જણાવેલ કા, સમાજનાં બંધારણની મર્યાદામાં આમું ન્યાય કરજો હોંન. છુટાછેડાના પ્રશ્ન ચેહે તાહાં, કસુરવારપક્ષ પાસુન ખર્ચ ઉપરાંત રૂ. ૫૦૦૦/- દંડ તરીકે વસુલ કરુલા ઈસા નિયમ આહા. હવે ‘ખર્ચ’ ની મર્યાદા, લગીનમાં પોત પોતાની હોંશ હન હેસીયત મુજબ ખર્ચ કરવામાં ચેહે. ગરીબ હવા ત બન તેટલા ઓછા ખર્ચમાં પ્રસંગ પતાવેહે, પણ પૈસે ટકે સુખી માનુષના આંકડા કલ્પના બહારના પણ રહે હે. છુટાછેડા વખતે ફારગતીની મોઠી રકમ માંગીને ન્યાય સમિતીનાં કામ મૂશ્કેલીભર્યા બનાવી દેવામાં ચેહે. એવે વખતે બંધારણની મર્યાદામાં રહીનેજ ન્યાય કરુલાની ન્યાય સમિતીની નીતિ રહનીહી. બંધારણ ઘડનારા આપણે સહુ આહાંવ, નાનાથી માંડીને મોઠા માનુષના વિચાર કરી હન આપણે બંધારણ ઘડેલ આહા તેથી આપણે ચેલા માનુલાં જોઈજ.

ન્યાય સમિતીના અધ્યક્ષનીં પોતાની મુંઝવણનીં રજુઆત કરતાં જણાવેલ કા, આમની આગળ ફરીયાદ ચેહે, તાહાં ઘણા કિસ્સામાં સામેવાળા લા વારંવારના પત્ર લખવા છતાં હાજર જ નીં હુયત. એવે વખતે, ન્યાય સમિતીની શાખના પણ પ્રશ્ન રહે હે. નીં છુટકે ઈસે કિસ્સામાં આમાલા કાયદાની કોર્ટમાં જવલા સલાહ હોપવાં પડે

હ.

ફારગતીની રૂ. ૫૦૦૦/- ની મર્યાદા રદ કરુલા માટેની રજુઆત અનેક સભ્યો તરફથી કરવામાં આનેલ હતી. મહત્તમ મર્યાદાને બદલે ન્યાય સમિતી જી રકમ દરવતી, ઈસાં રહવાં જોઈજ, ઈસી રજુઆત પણ કરવામાં આનેલ. તેની સામે ન્યાય સમિતીના અધ્યક્ષશ્રીની જાણાવેલ કા, બંધારણ સુધારું તાહાં ચો મુદ્દા વિચારીને ઉમેરું- પણ હાલના તબક્કે ત બંધારણ માં જી આહા તીજ માનુલા પડીલ.

ન્યાય સમિતીનાં વલણ ઈસાં રહનાહાં કા, જે પણ કેસ ચેહાતાત તેહલા પહેલાં સમાધાનનીજ વાત કરવામાં ચેહે. છુટાછેડા ત નીં છુટકે કરવામાં ચેતા હાત.

સભ્યો તરફથી એકંદર ખૂલ જ બેસ રજુઆત કરાવામાં આનેલ હતી. થોડા સમય પછી એ માટે ખાસ મીટીંગ રાખવામાં ઈલ ઈસાં નક્કી હુયનેલ. દરમિયાન મીટીંગમાં રજુઆત એ પ્રમાણે હુયનેલ હતી.

- ન્યાય સમિતી ઈસે કિસ્સા માટે, પંચાયત, ચોરા હન ન્યાય સમિતીના વિવિધ તબક્કા માટે, અમુક હકીકત રજુ કરુલા ચોક્કસ ફોર્મ તૈયાર કરે ઈસી એક રજુઆત હુયનેલ. કારણ, મોટા ભાગની રજુઆત મૌખિક રહે હે-હન જાહાં કેસ રીફર કરુલા પડે હે, તાંહા લિખિતરૂપે કાંહી પણ નીં હોવાથી આગલી કામગીરી માટે ફરીથી પુછપરછ કરુલા પડે હે. છાપેલ કા નક્કી કરેલ ફોર્મ રહે ત, તુલી મહેનત, સમય બચે.
- પંચાયત હન ચોરામાં ફરીયાદી/સામાવાળાના પોત પોતાના લવાદ રહેત, પણ ન્યાય સમિતી પાસે ન્યાય સમિતીના પોતાના પાંચ તટસ્થ લવાદ જોઈજત. ચે લવાદ બહુમતિથી જે નિર્ણય દેત તે માનુલા પડે.
- ભૂરીયા સમિતીની ભલામણ પ્રમાણે દરેક સમાજ પોતાની પરંપરીત ન્યાય પદ્ધતિ પ્રમાણે-પંચ વગેરે દ્વારા ન્યાય કરી શકીલ. ન્યાય સમિતીલા એક રીતે કાયદાકીય મંજુરી જ મીળનેલ આહા. તેથી દરેક સભ્યનીં કોર્ટની સમકક્ષની ન્યાય સમિતીની મર્યાદા હન માન રાખી ન્યાય સમિતી પાસેજ ન્યાય હુય ઈસાં રાખુલા જોઈજ.
- પોશીલા બાળપણથીજ ઘરકામ શિખવુલા આઈસ-બાહાશની ફરજ આહા. ભણતી પોશીની ઈચ્છા વગર જલ્દી વરાઢ પણ નીં કરુલા જોઈજ. અક્ષરજ્ઞાન જુલાં જ મહત્વ, બલ્કે તેથી વધારે ઘરકામ હન ખેતીકામ આહા. બધાલાજ નોકરી જડુલા નીં મીળે.

મંઈ, પાછળથી સમસ્ત કુંકણા સમાજ વાંસદાના પ્રમુખશ્રી ઉપર એક પત્ર લખી હન ન્યાય સમિતીના જ ભાગરૂપે દોન કા તીન સભ્યનાં-કા એક સભ્યનાં પણ-બનેલ એક સલાહમંડળ રચુલાની શક્યતા વિચારુલા જણાવેલ. જઠ, યુવાન-યુવતિ, પરણેલ, અપરિણિત-લોક પોતાની મુંઝવતી મૂશ્કેલી-દાંપત્યજીવન ની હન સમાજજીવનની પણ રજુ કરી માર્ગદર્શન મીળવી શકત. યી માહિતી-માર્ગદર્શન પત્ર દ્વારા કા રૂબરૂ મેળવી શકાય જ તીસાં રહવાં જોઈજ. હન, સંપૂર્ણપણે ગુપ્તતા જાળવુલા અનિવાર્ય આહા. દેવામાં આવતાં માર્ગદર્શન, વ્યવહારુ હન કાયદાકીય, હન સમાજના બંધારણને મર્યાદામાં રહવાં જોઈજ. દા.ત. સંદેશની મંગળવારની પૂર્તિમાં શ્રીમતી લીલાબહેન પટેલની કોલમ “જીવનના અંતરંગ” માં જીસા કિસ્સા રજુ કરવામાં ચેતા હાત-હન જીસી સલાહ હોપવામાં ચેહે તીસી.

એના કારણે માલા લાગ હ, તાંવ લગી, મનલા મુંઝવતા પ્રશ્નો, જે કોઈલાહી નીં આખી શકાયત, તે સલાહમંડળ પાખ ચેત. કારણ અઠ તમામ ગોટ ગુપ્ત રાખવામાં ચીલ. તહુન સલાહ જડીલ.-હન મનમાં સમાધાન હુઈલ.

બહેનોસાઠી

ની૩

ભગવાનની આપાલા નારી તરીકે જન્મ દીધાં તેનાં આપાલા ગૌરવ રહવાં જોઈજ. ભગવાનની સર્જન શક્તિ નારીમાં જ થવેલ આહા. નારીલા કુદરતની પ્રતિનિધિ માનવામાં ચેહે. નારીની સર્જન શક્તિની પૂજા આપણા સમાજ અગારીરૂપે, પંચવી રૂપે, ગાહા કાપતી વખતે, કનસરીની ઉજવણી વખતે કરતા હાત.

પણ, ઈસી પૂજા કરનાર સમાજ આપણી નારીનાં યોગ્ય ગૌરવ કરી જાણે હે ખરા ? આપણે એના માટે એવ તેવ નજર માંડુલા પડીલ. જીવનમાં બાયકાની સ્થિતિ કાય આહા ? આપણા સદ્ભાગ્યે કુંકણા સમાજમાં દેહજ નીં મીળે. બાયકાની સ્થિતિ બેસ આખી શકાય જ તીસી આહા.

- પણ, ઈસાં માની હન બીસી રહુલા જીસી બેસ સ્થિતિ ત નીંજ મીળે. આપણાં જીવન ઈસાં આહા કા, આપણા જન્મ દેનાર માઈ-બાપલા, ભાઉસ બીહનીસલા છોડી હન પારકે ઘરીં જાવાં પડે હે. પારકે ઘરીં બઘેજ બાયકાલા બેસ નવરા, બેસ ઘર, કા બેસ સાસુસ સાસરાસ નીં જડત. જઈ ઈ બઘાં બેસ હવાં તઈ આપણે જ બાયકાના અમુક ઠીકાની વાંક નીંઘહ. ચેલા ત ભાખરી પણ નીં આવડત. કોઢેલા પણ નીં આવડે, ભાખરી જડે જ બનાવહ હન કાચે ઉતારહ, રોપતાં હન કાપતાં નીં આવડ, જુડ બાંધતાં નીં આવડ-ઈસા અનેક વાંક નીંઘતાહાત હન તે વાંક ખરા પણ રહતા હાત.

જેહને ઘરીં પોશી હવી તેહને પોશીને ભવિષ્ય ખાતર


- તેહલા બેસ ભણાવવાં જોઈજીલ. પોશી બેસ ભણેલ હવી ત તી તેને પોશાંહલા ભણાવી શકીલ.
- તેલા ઘર કામ શિખવુલા કાળજી રાખજા. રસોઈ કામ ત આવડુલા જોઈજ જ. આપણે પોશીલા પારકે ઘરીં જઈને કાંઠી પણ આચકુલા નીં પડ તીસીં તૈયારી રાખુલા જરુરી આહા.
- ભણતી પોશીનાં વરાઢ કડુલા ઉતાવળ નકો કરશે. ને બેસ ઘર ચેહેવાં ત છોડશે નકો. બન્ને વચ્ચે સમજદારીથી કામ લેવાં પડીલ.
- માન મર્યાદા જાળવીને વર્તન કરુલાની તાલીમ બાળપણથી જ હોપુલા જરુરી આહા.
- દેખાદેખીથી દુર રહવાં જોઈજ.

આપણે સંસાર તારવી પણ શકજો હોન, મોડી પણ શકજો હોંન. આપણાં વર્તન સહકાર ભર્યાં હન સકારાત્મક રહવાં જોઈજીલ. કોઈ પણ પરિસ્થિતિમાં વિચાર કરીને હિંમત ભર્યાં નિર્ભય લેતી વખતે બધાનાં હિતના વિચાર કરવાં જોઈજ.

બહેનોના વિકાસ સાઠી ગુજરાત મહિલા આર્થિક વિકાસ નિગમ નાંમની એક સરકારીસંસ્થા ગાંધીનગરમાં કામ કરે હે. દરેક જિલ્લામાં એના સુપરવાઈઝર રહતા હાત. તે લોક જિલ્લા ગ્રામ વિકાસ એજન્સી ની હારી મીળી કામ કરતા હાત. ગુજરાત મહિલા આર્થિક વિકાસ નિગમના હેતુ ગુજરાતને બાયકાલા પુરક રોજગારી જડે તીસી લોન હન સબસીડી હોપુલા કામ કરે હે. સરકારી નિયમ મુજબ એમાં ૫૦% જેટલી રકમની સબસીડી જડે હે. ગામડામાં પણ શરુ કરી શકાયત તીસા ધંધા, દા.ત. અનાજ કરીયાણાંની દુકાન, શાકભાજીની દુકાન, પાનબીડીની ટપરી, ઘંટી, ચાની લારી, શિવણ મશીન, કાપડના ધંધા-તૈયાર કપડાંના ધંધા વગેરે શરુ કરુલા લોન જડે હે.

વધારે વિગત જે તે જિલ્લાની ગ્રામ વિકાસ એજન્સી માંથી જડી શક. ભણેલ બહેનો સાહી વડાપ્રધાન રોજગાર યોજના, હન દિનદયાળ સ્વરોજગાર યોજના પણ અમલમાં આહાત. જિલ્લા ઉદ્યોગ કેન્દ્ર અથવા તો રોજગાર વિનિમય કચેરીમાંથી વિગત મેળવીને અરજી કરી બહેનો પગભર હુઈ શકત. આજ જ્યારે ભાગદોડના જમાના આહા, જઈ પૈસાનાં જ વધારે મહત્વ આહા, તઈ જીવવા માટે પણ પૈસા માટે કાંઈ તરી પુરક રોજગારી મેળવુલા દરેકના હક્ક બને હ. બહેનો એ માટે આગળ ચેત ઈસી જ પ્રાર્થના.

૦



BONITA

મોહનાં નીંગેલી પાનેલા.....

ધીરુભાઈ પટેલ

આદિવાસી લોકસાં જીવન નૃત્ય અને સંગીતવાની ભરપુર આહા. એહલા નાચ-ગાન શિખવુલાની જરૂર નીં મીળે. ડાંગને આદિવાસીસાં દોન નૃત્ય ખુબ પ્રસિધ્ધ આહાત. તેમાં એક કાહળ્યા નૃત્ય અને દુસરાં ઠાકર્યા નૃત્ય. ચીં નૃત્ય કનેહી જાતને ભેદભાવ વગર નાચાય જૈં હે પન હોડાક ખરાં કા ઠાકર્યામાં માત્ર ગોહોજ નાચતાહા. ઠાકર્યાનૃત્યમાં હારીં ગાના લાવુની લોકપરંપરા આહા.

વરસાદ શરૂ હુયના કા ખેતીની શરૂઆત હુઈ જાલ. પીરની કરી હન અઠેં ‘તેરા’ શનની ઉજવણી હુયે હે. અને એ તહેવાર પાસુન જ ઠાકર્યા નાચુની પન શરૂઆત હુયે હે. તેને પૂઢે કોની ઠાકર્યા નીં નાચત્. તેરા પાસુન ચાલુ હુયેલ ઠાકર્યા ઠેઠ દિવાળી ઘર નાચતાહાંત.

આખા દિસ કામઘામ કરી એળચને જીવાન ગોળા હુઈ હન ઠાકર્યાવર ગાના લાવી નાચતાહા. અઠે મનોરંજનના તાહાં કોઈ સાધનનીં હતાંત તાહાં નાચ-ગાન કરી એ લોક આનંદ-પ્રમોદ કરત્. ઠાકર્યા નૃત્યનાં અઠલાં ગાનાં વિશિષ્ટ આહાત. થોડાકસા પરિચય અઠે આપલે મેળવું.

ઠાકર્યાનૃત્યમાં અખેને પૂઢે ‘નમન’ ગીત લાવુની પરંપરા આહા. જીસાં સંસ્કૃત સાહિત્યમાં ‘નાંદીશ્લોક’, મધ્યકાલીન ગુજરાતી સાહિત્યમાં ‘મંગલાચરણ’ એ હે તીસાં જ ઠાકર્યા નૃત્ય ગીતમાં ‘નમનગીત’ આહાત્. એ ગીતમાં ઘરતીને ઉપેજનાં કા ચાંદ સૂરેને ઉપેજનાં ગાનાના વિષય રહે હે.

નમન ગીત

હરે, કરું નમન રે...

અરે, ઘરતી માતાલાવ...

હરે, કરું નમન રે...

અરે, ગાવતરી માતાલાવ...

હરે, કરું નમન રે...

અરે, કનસરી માતાલાવ ...

હરે, કરું નમન રે...

અરે, વાઘ દેવાલા વ...

હરે, કરું નમન રે...

અરે, નાગ દેવાલા વ...

હરે, કરું નમન રે...

અરે, ચાંદ સુરેલા વ...

હરે, કરું નમન રે...

અરે, હનુમાન દેવાલાવ...

હરે, કરું નમન રે...
 અરે, ગાંવ દેવીલાવ...
 હરે, કરું નમન રે...
 અરે, ઢોલેકા પોરેલાવ...
 હરે, કરું નમન રે...
 અરે, નારીકા પોરેલાવ...
 હરે, કરું નમન રે...
 અરે, ગાનાર પોરેલાવ...
 હરે, કરું નમન રે...
 અરે, ગાવાચી અસામીલા વ...
 હરે, કરું નમન રે...
 અરે, ગાવાચી શોભેલાવ...

અહે ઘર બીસી હન ગાના લાવતાહા માગુન નાચનાર ઊભા ઉઠતાહાત અન પાંચલા ઘુઘરે બાંધી નાયુની શરૂઆત
 હુયે હે.
 સંત સાધુલા ચે લોક ખૂબ આદર અન સન્માન દેતા હાત. ચે લોક ગરીબ અભણ અન અજ્ઞાન જરૂર આહાત્ પન
 આદર સત્કારમાં માગા પડત નીહી. ચે ગાનામાં સાધુના વર્ણને હેરુલા મીળે હે.

અરે, સાધુ બરામન રે...
 હો...ઓ...કાશીલા ચાલેલાર...
 અરે, કાશીલા ચાલેલા ર...
 હો...ઓ...ઉનાચા ભર ઝાલાર...
 અરે, ઉનાચા ભર ઝાલાર...
 હો...ઓ...ચંદન શાહીલા ર...
 અરે, ચંદન શાહીલા ર...
 હો...ઓ...પલંગ ટાકેલા ર...
 અરે, પલંગ ટાકેલા ર...
 હો...ઓ...ઉતાના ઝોપેલાવ...
 અરે, ઉતાના ઝોપેલા ર...
 હો...ઓ...પોથીયા કાઢેલીર...
 અરે, પોથીયા કાઢેલી ર...
 હો...ઓ...વાચુયા લાગેલા ર...

એક જુવાન બાંડગી પાણી ભરુલા નીંગનીની કુવા વર ગય તઠે વાયલે બાયકા તીની હાલત હેરી હન શોધતે હે કા તુને નાફુની નથ, કપાળ વરલી ટીકલી અન ગળાના હાર ઈસાં કેવ ટાકી આનીસ. તાહાં તી બાંડગી તેહલા કાય જવાબ દેહે તીં ચે ગાનામાં આપલે હેરું.

અવ, મોહનાં નીંગેલી પાનેલા ધુના ધૂયેલા...
 અવ, નાકાચી નથની કાય ગ કેલી
 અવ, દીલ બાઈ દિલે મીં રાજલા ઘને સાયબાલા
 અવ, મોહનાં નીંગેલી પાનેલા ધુના ધૂયેલા...
 અવ, કપાળે ટીકલી કાય ગ કેલી
 અવ, દીલ બાઈ દિલે મીં રાજલા ઘને સાયબાલા
 અવ, મોહનાં નીંગેલી પાનેલા ધુના ધૂયેલા...
 અવ, ગળાચા હારુ કાય વ કેલા
 અવ, દીલ બાઈ દિલે મીં રાજલા ઘને સાયબાલા
 અવ, મોહનાં નીંગેલી પાનેલા ધુના ધૂયેલા...
 અવ, ડોકીચી રિબીન કાય વ કેલી
 અવ, દીલ બાઈ દિલે મીં રાજલા ઘને સાયબાલા
 અવ, મોહનાં નીંગેલી પાનેલા ધુના ધૂયેલા...
 અવ, પાયેચી સાફળી કાય વ કેલી
 અવ, દિલ બાઈ દિલેમી રાજલા ઘને સાયબાલા
 અવ, મોહનાં નીંગેલી પાનેલા ધુના ધૂયેલા...

પ્રકૃતિના દરેક મનુષ્યસે જીવનમાં મહત્વનાં સ્થાન આહા. અઠે માત્ર દોન-તીન લીટીને ગાનામાં તેના પરિચય આપાલા હુઈલ. કાવ્યસાહિત્યમાં શબ્દાલંકારના અંત્યાનુપ્રાસ અલંકારના પ્રયોગ કરી કાવ્યની સુંદરતામાં વધારા કરાય જે હે. અઠે તીસાજ પ્રયોગ આપાલા ચે ગાનામાં હેરુ મીળીલ.

અરે, નદીલાં આલી ચેળુ...,
 નદી ચાલલી હળુ હળુ...,
 અરે, નદીલાં આલે સસા...,
 નદી ચાલલી દોની ઘસાં...,
 અરે, નદીલા આલા પૂર...,
 સીતાચા ભીજલા દોની ઉર...
 અરે, નદીલા આલી ચેળુ...,
 નદી ચાલલી હળુ હળુ...

મહાદેવ અને પાર્વતી ચેં દોની સૃષ્ટિનાં પાલાક આહાત. તેને વગરનાં ઠાકર્યાનાં ગાનાં અધુરા ગનાય જત ઈસાં લાગેહ, ત અઈ મહાદેવ પાર્વતીના એક પ્રસંગના વર્ણન વાળાં ગાના હારી આપલે સમાપન કરું.

મહાદેવ ગેલા કસા, ડીનાચે પાના વરીવ...
 તુજે સારકી રાની, બેટા રાની પાલવ ટાકીવ...
 મહાદેવ ગેલા કસા, મસાને ખાડીલા વ...
 અરે, મસાને ખાડીલા, બેટા મસાને ઉંબારેલાવ...
 અરે, મસાને ઉંબારેલા, ચેલા ચારાના દેતીલાવ...
 મહાદેવ નીંગોલા કસા, દ્વારકાલા ચાલેલાવ...
 અરે, દ્વારકાલા ચાલેલાવ, પારવતિલા જાબ દિલાવ...
 આચકાવ પારવતિવ, તુંની પાનીકા તાવેલાવ...
 પાનીકા તાવેલાવ, માલા આંગુળી કરુલાવ...
 આંગુળી કરેલીવ, માલા પિતાંબર દેજેવ...
 આચકાવ પારવતિ, આતાં ભોજન જેવુલાવ...
 અરે, ભોજન જેવતાનાં, આતાં આરામ કરુલાવ...
 મહાદેવ ગેલા કસા, ડીનાચે પાના વરીવ...

ઈસાં અનેક પ્રકારનાં ઠાકર્યા નૃત્યનાં ગાના રહતાં હાંત. ચેં ત માત્ર નમૂના રૂપ ગાનાં રજૂ કરાહાંત.

૦

‘કથા’ નાંવની એક સંસ્થા દિલ્હીમાં છેલ્લા સાત વરીષ હુંન કામ કરે હે. એ સંસ્થા દ્વારા ભારતની અલગ અલગ ભાષાની સૌથી બેસ કથાલા ઇનામ દેવામાં ચેહે. એ વરીષ ગુજરાતમાંથી માંગવામાં આનેલ કથામાં ગુજરાતી માટેના પરીક્ષક ડૉ. ગણેશ દેવીની કુંકલા-ડાંગી ભાષાની એક મૌખિક કથાનાં સમાવેશ કીચેલ હતા. કથાનાં શીર્ષક હતાં ‘રાજ માનસિંહ હન સાળવાં રાણી, એનાં સંકલન શ્રી ડાહ્યાભાઈ વાઢુની કીચેલ હતાં. એના અંગ્રેજી અનુવાદ શ્રી અવનીશ ભટ્ટની કીચેલ હતા.

ગૌરવની ગોટ ઈ આહા કા ચે કથાલા રાષ્ટ્રીય સ્તરે મુખપાટીનાં સાહિત્ય માટેનાં ‘કથા’ પારિતોષિક દેવામાં આનાં. દિલ્હીમાં ૧૩મી ડિસેમ્બર ૯૮ના રોજ એક ભવ્ય સમારંભમાં ઈ પારિતોષિક દેવામાં આનાં. ગુજરાતની ચે વરીષની સૌથી બેસ કથા ડાંગ જિલ્લામાંથી આની. ઈ ગોટ ડાંગ તથા ગુજરાતની આદિવાસી લોકનાં ગૌરવ આહા.

પ્રતિભાવ

‘ઢોલ’ બધે જ વાજના, ગાજના. ‘ઢોલ’ બાબતે માં વર અનેક પત્ર આનાત. મૌખિક રીતે ઢોલના આવકાર જડના તો જબરજસ્ત હતા. ભાષા કેન્દ્રની પ્રવૃત્તિનાં હૃદયથી વખાણ કરવાવાળા અનેક વાચક હતાત. જઈ પાણી ખપલા હુયે- ‘ઢોલ’ વાળા તરીકેના જે આવકાર જડનેલ તેલા શબ્દવાહાર લખી શકુલા આમું અસમર્થ આહાંવ. થોડાક પત્ર ગુજરાતીમાં મીળનાત. તેલા અઈ ગુજરાતીમાંજ છાપજો હોન.

૧

ડૉંગણેશ દેવી તથા મિત્રમંડળે (‘શહેરીકરણને ધુગામાં આપલી દેશી પરંપરા તથા આદિવાસી સંસ્કૃતિ નષ્ટ હુયત બહા તેલા બન તેટલી બચાવુલા-નીત એક સમૃદ્ધ સંસ્કૃતિ ના વારસા ગુમાઈ જલ”) ના સ્પષ્ટ હેતુ થી શરૂ કરેલી કામગીરી ઢોલના માધ્યમે ઉત્તરોત્તર મહત્વકાંક્ષી બની, નવાં ને નવાં શિખરો સર કરવા મથે છે તે આનંદની જ નહીં આવકાર્ય અને અભિનંદનીય ઘટના છે. ૨૦ આદિવાસી બોલીઓમાં એનું પ્રગટીકરણ ઝડપથી શક્ય બને તેવી હાર્દિક શુભેચ્છાઓ. ડૉ. દેવીને આદિવાસી ભાષા લખતાં વાંચતા જેવા એ આનંદજનક ઘટના છે.

કુંકણા આવૃત્તિના બીજા અંકમાં ‘વનસી વિદ્યા’, આદિવાસી સાહી નવા કાચદા, ‘આતાં ગ્રામ સભાનાં રાજ ઈલ’, અત્યાચાર પ્રતિબંધક ધારા-વગેરે લેખો આદિવાસીઓના સામાજિક ઉત્થાનમાં સભાનતા લાવી સન્માન પ્રેરક બની રહેશે.

આખા અંકને હેતુલક્ષી બનાવવાના ભાઈશ્રી વાઢુ, પવાર, ચૌધરી, ઈશાઈના પ્રયત્નો પ્રશંસ્ય છે. ‘વનસી’ માં બાહુલી, ચીરચીરેં લીફ્ટે, ચીંચ, કરુંદી, કુળીય, શેગુ, શિરદોડી, સાબરાં, સાંવર, દૂધકોડ, તરુઠા, વગેરેનાં ગુજરાતી પ્રચલિત નામો આખ્યાં હોત તો બીજા લોકોને અંક વધુ મદદરૂપ થઈ શકત.

ડૉ. જયાનંદ જેષી, નવસારી

.....

૨

લોક સંસ્કૃતિ થી આદિવાસીઓ માટેના કાચદાઓ સુધીની માહિતી ‘ઢોલ’ દ્વારા મળે છે એ સારેજ આનંદની વાત છે.

કુંકણાભાષામાં પ્રચલિત લોકકથાઓ, લોકગીત, વગેરેની સાથે સાથે આધુનિક સાહિત્ય રવડપો-વાર્તા, કવિતા, નવલકથા, નિબંધ, નાટક, એકાંકી, સ્મરણ ચરિત્રો વગેરેની રચના પણ થાય એ જરૂરી છે. એ માટે લેખન શિબિરનું આયોજન કરો. આપણી સંસ્કૃતિના પ્રેમીઓ-વાહકો-વિદ્યાર્થી વગેરેને શિક્ષણ આપી શકાય.

કોઈપણ ભાષા અથવા બોલીનું મહત્વ તેમાં રચાયેલ પ્રાચીન સાહિત્ય સંપાદનની સાથે આજ સુધી તેનો વિકાસ કેવી રીતે થયો- થઈ રહ્યો છે તેના પર આધારિત છે.

ઢોલમાં ભાષાશાસ્ત્રીય અધ્યયન-જેમકે કુંકણાભાષા સંસ્કૃતિ પર સંસ્કૃત થી લઈ આજની આધુનિક ભાષા ઓનો પ્રભાવ, અલગ અલગ વિસ્તારોમાં બોલાતી કુંકણાભાષાનો તુલનાત્મક અભ્યાસ વગેરે અંગેની માહિતી મળતી રહે એ પણ જરૂરી છે.

‘ઢોલ’ ઢબુકતો રહે, એનો રણકાર દૂર દૂર સુધી પહોંચે એ અપેક્ષા સાથે વિરમું છું.

ડૉ. ઉત્તમભાઈ પટેલ, શ્રી વનરાજ આર્ટસ અને કોમર્સ કોલેજ, ઘરમપુર જિ. વલસાડ.

.....

૩

આદિવાસીની સંસ્કૃતિને કેન્દ્રમાં રાખીને પ્રસ્તુત થયેલ સામયિક ‘ઢોલ’ ના બન્ને અંકો રસપૂર્વક વાંચ્યા. ખરેખર પ્રશંસનીય કાર્ય છે.

આજ સુધી આદિવાસીઓની સંસ્કૃતિ અજ્ઞાત જ રહી છે. ‘ઢોલ’ ઢ્ઢારા આદિવાસી સંસ્કૃતિની ઝીણામાં ઝીણી વિગતો તેના મૂળ સ્વરૂપે પ્રસ્તુત થઈ છે. કુંકણા, ભીલ તથા અન્ય જાતીની કથાઓ, લોકગીતો, ધાર્મિક વિધિઓ, તહેવારો જેવી બાબતોનું સંકલન અને રજુઆત સુંદર સ્વરૂપે થઈ છે.

અસલ સંસ્કૃતિ પર જયારે અન્ય બાહ્ય પરિબલોની અસર થઈ રહી છે ત્યારે ‘ઢોલ’ નું કાર્ય પ્રસંશાને પાત્ર છે. આદિવાસીઓની નવી પેઢી ઉપરાંત અન્ય સંસ્કૃતિ ઓ માટે પણ આ કાર્ય પ્રેરણાવર્તી બની શકે. સુંદર સંસ્કૃતિનું સુયોગ્ય જતન થાય તે જરૂરી છે. સાથે સાથે કયાંક જોવા મળતી નિરક્ષરતા-અજ્ઞાનતા-અંધશ્રદ્ધા જેવી બધીઓને દૂર કરવામાં પણ ‘ઢોલ’ નો અવાજ ઉપયોગી સાબિત થઈ શકે.

અંતે ‘ઢોલ’ સામયિક સંસ્કૃતિની જાળવણી અસલ સ્વરૂપે કરતું રહે તથા વિવિધ વિભાગો ઢ્ઢારા સમાજમાં રચનાત્મક કાર્યો પણ કરે અને ઉત્તરોત્તર પ્રગતિના પંથે આગળ વધે એજ અભ્યર્થના. ફરી એક વાર ભાષાકેન્દ્ર તથા સાથે સંકળાયેલ મિત્રોને ઘન્યવાદ.

શ્રી કેતન પટેલ, આહવા (ડાંગ)

.....

ડાંગ વન વિભાગ તરફથી ઓકટોબરની ૩૦-૩૧ તારીખે ભગતોનાં સંમેલન બોલાવવામાં આનેલ. તઢે વનવિભાગની આમાલા પણ આમંત્રણ દીધેલ. આમું તઢે હાજર રહલ. જંગલમાં ભગતો હારી વનસી વિશે ખૂબ જ જાણકારી જડનેલ. અમુક વનસી બાબતે ગુપ્તતા જાળવુલા જરૂરી હોવાથી, હન આમું તી પ્રગટ ની કરુલાનાં વચન દીધેલ હોવાથી તે વિશે વાચકોલા ની જણાવી શકજોન તેનાં દૂઃખ આહા. વન વિભાગના ઉચ્ચ અધિકારી વર્ગની, હન માનનિય વનમંત્રી શ્રી કાનજીભાઈ પટેલની પણ ‘ઢોલ’ ની કામગીરીની ચર્ચા કરેલ.

વઘઈમાં ‘અભિવ્યક્તિ’ પરિવાર નાંવનાં સાહિત્યમાં રસ ઘરાવતા મિત્રોનાં સંગઠન શરૂ હુઈનેલ આહા. તઢે પણ ‘ઢોલ’ વિશે ચર્ચા હુઈનેલ. લોકો જે ઉત્સાહથી ‘ઢોલ’ ના આવકાર દેતા હાત, તેથી આમલા ઈં કામ બમણા ઉત્સાહથી કરુલા મન હુઈ હે.

આદિવાસી બોલીઓનું **ઢોલ** સામયિક ભાષા કેન્દ્ર તરફથી પ્રકાશિત કરવામાં આવે છે. કુંકણા ડાંગી, રાઠવી, દેહવાલી, પાવરી, અહિરાણી, ડુંગરી ભિલી, પંચમહાલી ભિલી અને ભાંતુ એવી આઠ બોલીઓમાં ઢોલ પ્રસિદ્ધ કરવામાં આવે છે; અને વધુ ને વધુ બોલીઓને આવરી લેવાનો અમારો વિચાર છે. **ઢોલ**ની આ આવૃત્તિના તંત્રી છે **શ્રી. ડાહ્યાભાઈ વાઢુ**, જે સ્ટેટ બેંક ઓફ ઈન્ડિયાની આહવા શાખામાં ફરજ બજાવે છે. તેઓ કુંકણા સંસ્કૃતિ અને ભાષાના નિપુણ અભ્યાસક છે. શ્રી. ઘીરુભાઈ પટેલ, જે જંબુસરની કૉલેજમાં સંસ્કૃતનું અધ્યાપન કરે છે, તે ડાહ્યાભાઈને આ કામમાં સહાય કરે છે.



પ્રકાશક

ભાષા સંશોધન-પ્રકાશન કેન્દ્ર

મુદ્રક

શિવમ્ ઑફસેટ, આજવા રોડ, વડોદરા.

ISSN : 0971 9156... 97